

毛詩

卷十四至卷十五



小雅

諸暨圖書館
ZHUJI LIBRARY

2

諸暨圖書館

ZHUJI LIBRARY

2 1

00115


褚璽圖書
— ZHU LIBRARY —



諸暨圖書館

ZHUJI LIBRARY

毛詩註疏卷第十四



漢鄭氏箋



唐孔穎達疏

毛詩小雅

甫田之什詒訓傳第二十一

甫田刺幽王也君子傷今而思古焉

刺者刺其倉廩空虛政煩賦重農人失職

廩空虛政煩賦重農人失職

甫田四章章十句刺者至失職

正義曰經言成王庾稼倉萬箱是倉廩實反明幽王之時倉廩虛也言適彼南畝耘耔黍稷是農人得職反明幽王之時農人失職也政煩賦重楚茨序文次四篇文勢大同此及下篇箋皆引之

言由政煩賦重故農人失其常職也若然賦重則倉應實倉虛則賦應輕而同刺之者以王貪而無藝故賦重用而無節故倉虛由倉虛而賦更重以賦重而民逃散農人失職由政煩賦重所致其倉虛則別有費散不由賦重故箋先言倉廩虛則言政煩賦重也

倬彼甫田歲取十千倬明貌甫田謂天下田也十千

言多也云甫之言丈夫也明乎彼太古之時以丈

夫稅田也歲取十千於井田之法則一成之數也九

夫為井井稅一夫其田百畝井十為通通稅十夫其

田千畝通十為成成方十里成稅百夫其田萬畝欲

見其數從井通起故言十千上地穀畝一鐘倬陟角反韓

詩作藟音同云藟卓也甫之田丈夫也直兩反依義
丈夫是也本文作大夫一本甫之言夫也又一本甫
之言大也大古音泰見賢遍反我取其陳食我農人自古有年傳尊

者食新農夫食陳傳云倉廩有餘民得賒貰取食之

所以紓官之蓄滯亦使民愛存新穀自古者農年之

法如此○食音嗣賒音奢貰音世又食夜反說文云貸也紓音舒何常汝反蓄勑六反今適

南畝或耘或耔黍稷薿薿傳耘除草也耔雖本也傳

云今者今成王之法也使農人之南畝治其禾稼功

至力盡則薿薿然而茂盛於古言稅法今言治田玄

辭○耘音芸沈又音運本又作芸音同耔音子沈音茲壅禾根也薿魚起反徐又魚力反攸介

攸止烝我髦士

傳

烝進髦俊也治田得穀俊士以進

釋

云介舍也禮使民鋤作耘耔間暇則於廬舍及所

止息之處以道藝相講肄以進其為俊士之行

音界

止大也烝之承反髦音毛鋤本或作助同士魚反間
音開處昌慮反肄以四反字亦作肄同行下孟反

疏

俾彼至髦士。毛以為俾然明大者彼古太平之
時天下之大田也一歲之收乃取十千以其天下

皆豐故不繫之於夫非不限之於斗斛要言多取田
畝之收舉十千多數而以其大熟如此故詩人云
我取其陳者以食農人使一家之內尊老得食其新
粟卑穉食其陳粟是為老壯之別孝養之義也自古
太平有豐年其時如此故今成王之時亦奉而脩之
其萬民適彼南畝之內或耘除草木或壅其根本功
至力盡故今黍稷得凝凝然而茂盛收穫既多國用
充足所以成大功所以自安止又得進我民人成爲

髦俊之士由倉廩實知禮節故豐年多獲髦士所以
得進也而幽于不脩之故舉以刺焉鄭惟今適南畝
三句同其首尾皆異言倬然明著者彼太古之時於
丈夫之所稅田一歲之中於一成之地取十千畝也
言賦斂不重倉廩盈實故於時之民見官有餘遂云
我從官取其倉廩之陳者而食我農夫之民所以紓
官之蓄滯亦使民愛存新穀故令國以足用下無困
乏自古豐有之年其法如此故今成王之時舉而脩
之其萬民適彼南畝之中或耘或耔黍稷薿薿然茂
盛其農人所居廬舍及所止息之處間暇則以道藝
相講肄故得進我農人成其爲俊士之行是農人盡
力而治田上依古法而稅斂政省賦輕倉廩以實今
王不能然故反以刺之。倬明至言多。正義曰
以雲漢云倬彼雲漢是明貌也言明者疾今不能言
古之明信故云明也齊甫田傳曰甫大也以言大田
故謂爲天下田也十千者數之大成舉其成數故云
十千言多也王肅云太平之時天下皆豐故不繫之
於夫井不限之於斗斛要言多取田畝之收而已孫

疏曰凡詩賦之作皆總舉衆義從多大之辭非如記事立制必詳度量之數甫田猶下篇言大田耳言歲取十千亦猶頌云萬億及秭舉大數且以協句言所在有大田皆有十千之收推而廣之以見天下皆豐此皆申述毛說也。甫之至畝一鐘。正義曰以此章言自古有年又云今適南畝一章之內而有古今相對今適南畝言民之治田則歲取十千宜爲官之稅法稅法而言十千爲有限之數則不據天下不可言大不得與齊之甫田同訓故云甫之言丈夫也穀梁傳曰夫猶傳也男子之美稱士冠禮註亦云甫丈夫之美稱甫或作父是爲丈夫也易曰師貞丈人吉言以禮法長於人可倚仗也是夫者有傳相之德而可倚仗謂之丈夫通天下男子之辭喪服曰丈夫婦人是也言明乎彼太古之時者以此詩據幽王之時而思古謂思成王也成王旣古矣而今適南畝以成王之時爲今則古又古於成王是爲太古也按禮記郊特牲與士冠禮皆曰太古冠布齊則緇之下卽云牟追夏后氏之道章甫殷道委貌周道然則大

古冠布在三代之前故註云唐虞以上曰太古然世
代推移後之仰先皆爲古矣古有遠近其言無常故
易以文王爲中古禮記以神農爲中古各有所對爲
古不同則太古之名亦無定限此言太古古於成王
則可未必要唐虞以上也孟子曰欲重之於堯舜大
桀小桀輕之於堯舜大貉小貉則什一而稅堯舜已
然此論稅法而言太古亦以太古爲唐虞於理雖通
但什一而稅三代皆然據今成王所脩不必要本堯
舜信南山言成王奉禹之功則此太古蓋亦禹也言
丈夫稅田謂於丈夫而稅其田以治田者男子故言
於丈夫也歲取十千於井田之法則一成之數者司
馬法計之而然也司馬法曰夫三爲屋屋三爲井是
九夫爲井也井十爲通通十爲成亦司馬法文孟子
云請野九一而助謂九夫之內與公助一夫田有百
畝故知井稅一夫其田百畝從此而累計之故知通
稅千畝成稅萬畝也又解不言萬畝而稱十千意欲
見其數從井通起故言十千明從井稅一夫爲百畝
千是通之稅故云十千以見之而不言萬畝也鄭以

為稅法者亦以此十千故耳知此為田畝者以十千
 之文連甫田之下明取十千之田故知田畝非釜斛
 也又解田之所收數言上地穀畝一鐘明時和而收
 多故稅輕而用足也史記河渠書曰韓使水工鄭國
 間說秦鑿涇水為渠並於山東注洛三百餘里渠成
 而用溉瀉鹵之地四萬餘頃收皆畝一鐘彼瀉鹵之
 地灌溉之功畝收一鐘明太平陰陽和風雨時上地
 畝亦收一鐘也昭三年左傳曰齊舊四量豆區釜鐘
 四升為豆各自其四以登於釜釜十則鐘是鐘容六
 斛四斗也漢書食貨志曰一夫治田百畝歲收畝一
 碩半為粟百五十碩歲有上中下上熟其收自四中
 熟自三下熟自倍張晏曰平歲百畝收百五十碩今
 大熟四倍收六百碩自三百五十碩自倍三百碩彼
 謂中平之地上熟畝六碩故本太平之上熟上地準
 關中為畝一鐘也孟子曰言三代稅法其實皆什一
 若井稅一夫是九稅一矣此詩之意刺幽王賦重當
 陳古稅之輕而言成稅萬畝反得重於什一者孟子
 言什一據通率而言耳周制有貢有助助者九夫而

稅一夫之田貢者什一而貢一夫之穀通之二十夫而稅二夫是爲什中稅一也故冬官匠人註廣引經傳而論之云周制畿內用夏之貢法稅夫無公田邦國用殷之助法制公田不稅夫貢者自治其所受田貢其稅穀助者借民之力以治公田又使收斂焉諸侯謂之徹者通其率以俾一爲正孟子云野九夫而稅一國中什一是邦國亦異外內之法耳是鄭解通率爲什一之事也又孟子云滕文公使畢戰問井田孟子對曰請野九一而助國中什一使自賦是鄭所引異外內之事也孟子又云方里而井井九百畝其中爲公田八家皆私百畝同養公田公事畢然後治私事所以別野人也是說助法井別一夫以入公也言別野人者別野人之法使與國中不同也爾雅云郊外曰野則野人爲郊外也野人爲郊外則國中謂郊內也郊內謂之國中者以近國故繫國言之亦可地在郊內居在國中故也助法旣言百畝爲公田則使自賦者明是自治其田貢其稅穀也助則九而助一貢則什一而貢一通率爲什一也若然九一而助

者爲九中一知什一自賦非什中一者以言九一卽云而助與九中一助也國中言什一乃云使自賦是什一之中使自賦之明非什中一爲賦也故鄭玄通其率以什一爲正若什一自賦爲什中賦一則不得與九一通率爲什一也且鄭引孟子云野九夫而稅一國中什一不言國中什一而稅一明是國中什一而貢一故得通率爲什一也如鄭之言邦國亦異外內則諸侯郊內貢郊外助矣而鄭正言畿內用貢法邦國用助法以爲諸侯皆助者以諸侯郊內之地少郊外助者多故以邦國爲助對畿內之貢爲異外內也按王制云千里之內曰甸其外曰采注云取其美物以當穀稅又尚書鄭志說貢篚之義云凡所貢篚之物皆以稅物市之隨時物價以當邦賦然畿外諸侯不以穀入天子此若成稅萬畝是畿外助法則詩說天子之事得云歲取十千者以天子天下爲家故美其收入之多則廣舉天下之田若貢之天子自可隨其所須變爲貨物皆是稅穀市之亦得爲天子所取也史傳說助貢之法惟孟子爲明鄭據其言以什一

而徹爲通外內之率理則然矣而食貨志云庸方一
里是九夫八家共之各受私田百畝公田十畝是爲
八百八十畝然則二十畝爲廬舍其言取孟子爲說而
決其本旨班固既有此言由是羣儒遂謬何休之注
公羊范甯之解穀梁灌岐之注孟子宋均之說樂緯
咸以爲然皆義異於鄭理不可通何則言井九百畝
其中爲公田則中央百畝共爲公田不得家取十畝
也又言八家皆私百畝則百畝皆屬公矣何得復以
二十畝爲廬舍也言同養公田是八家共理公事何
得家分十畝自治之也若家取十畝各自治之安得
謂之同養也若二十畝爲廬舍則家別二畝半亦入
私矣則家別私有百二畝半何得爲八家皆私百畝
也此皆諸儒之謬鄭於匠人注云野九夫而稅一此
箋云井稅一夫其田百畝是鄭意無家別公田十畝
及二畝半爲廬舍之事俗以鄭說同於諸儒是又失
鄭旨矣此井稅一夫是爲定法而禹貢注上上出九
夫稅下下出一夫稅通率九州一井稅五夫者以禹
貢九州之賦法凡有九等鄭欲品其多少無所比況

遂以九井擬之以示稅之多少耳非其實稅之也何則九州之地不至九倍若第一之州爲三等豈第九州之上者一家受田九百畝中者千八百畝下者二千七百畝斯不然矣若亦以百畝二百畝三百畝爲三等給之以地有薄厚差降其稅不可下州九家而共積一夫之稅此乃不近人情也明是以九等井稅擬之耳箋必易毛者以此詩之作刺幽王政煩賦重廢民農業而此章下言治田則此爲稅法互言其事以相發明耳且取者自此取彼之辭耳歲取旣爲稅斂之言十千卽是期限之數若子孫千億萬億及秭文無指定可爲多大之辭其此文與十千維耦百室盈止周公之東征四國成湯之式於九圍皆是數有限量不得爲總舉大辭也又叅之於司馬之書校之於一成之稅其數正允其若合符故不從毛氏也而孫毓難云一成之收裁是十里之豐謂箋之說不足以該天下然毓以所在天下大田皆有十千之收可推而廣之則每於十里皆取十千何獨不可推而廣也鄭氏之說亦足通矣。禮尊者至食陳。正義曰

言食我農人是辭有所別七月云采茶薪樗食我農夫以對爲此春酒以介眉壽是農夫別於眉壽彼農夫與此農人一也言農人食陳明對眉壽爲尊者食新矣孫毓云一家之中尊長食新農夫食陳老壯之別孝養之義也○倉廩至如此○正義曰上言古之稅法一成而歲取十平故知此言我取取於官是倉廩有餘賒貸取而食之也以官有蓄積恐其久而腐敗所以紆出官粟之蓄積久滯者待秋收然後取民新穀以納官也於官則積而不腐亦是使民愛重存留此新穀也定本及集註貸皆作費義或然也地官旅師云凡用粟春頒而秋斂之注云因時施之饒時收之此即義取其陳也此又特言農人不對眉壽則老壯總爲農人不與七月同也若然王制云古者三年耕必有一年之食則太平豐年當家自有積而得有貸官粟者然古今時運人亦一也作制者美古之辭據多以言不能使皆有蓄積猶今之豐年而民有貧而無食者稅斂有義用之以道以倉粟則陳陳相因民貧則貸取以食所以上下交濟海內又安豈

言皆無蓄積人盡取之也。○**傳**耘除草耨雖本。○正義曰食貨志云后稷始畎田以二耜為耦廣尺深尺曰畎長終畎一畎三畎一夫三百畎而播種於畎中苗葉以上稍穉隴草因墮其土以附苗根比成壟盡而根深能風與旱故疑疑而盛也是說耘耨之事附根即此雖本也。○**傳**今者至治田互辭。○正義曰以上言自古有年此言今以別之而下言曾孫來止故知今者成王之時也言不奪農時故得使農人知其南畝也。○**傳**治田至以進。○正義曰管子云倉廩實知禮節衣食足知榮辱明人成俊士由田之得穀故云治田得穀俊士以進也攸介攸止毛雖不訓準生民之傳則不為舍而止息王肅云是君子治道所大勛所定止傳意當然言太平年豐為功成治定故俊士以進以田得穀故耳。○**傳**介舍至之行。○正義曰以此田農之事介止相對止是止息故介為舍也信南山云中田有廬舍則必歸於廬止則隨其所倦而息故介止分為二事也禮使民鋤作耘耨其有閒暇則於廬舍及所止息之處相講論而肄習其業言禮

者以其禮法當然非有禮文也漢書藝文志曰古之
學者且井且養三年而通一藝用日少而蓄德多三
十而五經立卽此烝我髦士是也以文承或耜
之下以止舍講習以成俊士於理爲切故易傳以我
齊明與我犧羊以社以方

后十也方迎四方氣於郊也
器實曰齊在器曰盛社

純色之羊秋祭社與四方爲五穀成熟報其功也
齊

本又作齋又作齋同音資注同犧許宜
反爲于僞反下爲農親爲爲之皆同
我田既臧農

夫之慶
云臧善也我田事已善則慶賜農夫謂太

蜡之時勞農以休息之也年不順成則八蜡不通
蜡

仕詐反勞力報
反篇末勞賜同
琴瑟擊鼓以御田祖以祈甘雨以介

我稷黍以穀我士女

傳

田祖先嗇也穀善也

注

云御

迎介助穀養也設樂以迎祭先嗇謂郊後始耕也以

求甘雨佑助我禾稼我當以養士女也周禮曰凡國

祈年于田祖吹豳雅擊土鼓以樂田畷

注同豳彼貧

反本亦作邠

注

以我至士女○毛以為士絜黍稷歲

明報及與我儀而純色之羊用此齊牲以祭社稷以

祀四方以報其能成五穀之功也五穀成熟則我田

事已善矣於孟冬之月其農夫之人受慶賜謂息田

夫而嚮勞之也至前孟春月以琴瑟及擊其土鼓以

迎田祖先嗇之神而祭之所以求甘澍之雨以太得

我稷之與黍其成熟則人皆脩飾以善我士之與女

今王不能然故刺之鄭惟以佑助我禾稼之黍稷及

傳

器實至

於郊。正義曰：經傳多齊盛，連文故傳因齊解盛。春官肆師祭之日，表齋盛告潔。注云：粢六穀也，則六穀總爲齊。天官甸師注云：粢稷也，惟以稷爲粢者，以稷是穀之長，爲諸穀之總名。六穀皆爲器之實，故曰器實。曰齊，指穀體也。在器曰盛，據已盛於器也。故桓六年左傳曰：潔粢豐盛，言爲穀則潔，清在器則豐滿。是指器實爲粢，在器爲盛也。毛氏解社，其言不明，惟此言社后土，其義當與鄭同。鄭駁異義，以爲社者，五土之神，能生萬物者，以古之有大功者配之。祭法曰：其工氏之霸九州也，其子曰后土，能平九州，故祀以爲社。昭二十九年傳曰：其工氏有子曰句龍，爲后土。又曰：后土則社。鄭志答趙商云：后土爲社，謂輔作社神。趙商問郊特牲社祭土而主陰氣，大宗伯職曰：王大封則先告后土。注云：后土，土神也。若此之義，后土則社。社則后土，二者未知云何。敢問后土祭誰。社祭誰乎。答曰：句龍本后土，後遷之爲社。大封先告后土，玄注云：后土，土神不云后土社也。田瓊問周禮大封先告后土，注云：后土社也。前答趙商曰：當言后土土神。

言社非也。檀弓曰：國亡大縣邑，或曰君舉而哭於后土。注云：后土，社也。月令：仲春命民社。注云：社，后土。中庸云：郊社之禮，所以事上帝也。注云：社，祭也。神不言也。死以爲社，而祭之，故曰句龍爲后土。後轉爲社，故世人謂社爲后土，無可怪也。欲定者定之，亦可不須。由此言后土者，地之大名也。僖十五年左傳曰：履后土而戴皇天，指謂地爲后土也。句龍職主土地，故謂其官爲后土。此人爲后土之官，後轉以配社。又謂社爲后土，且社亦土地之神，是后土之言參差不一。故弟子疑而發問也。宗伯大封告后土者，以其大封是土地之事，宜告土神，不告句龍。故云：定爲后土。土神，檀弓曰：以國亡大縣邑，哭於后土，以諸侯守社稷。失地哭於社，故云后土社也。此文與月令皆謂祭祀后土，則配社之神，故云社后土也。中庸云：郊社相對，祭是天則社是地，故云社祭土神，以宗伯與左傳皆謂地爲后土，則土神宜稱后土，而中庸言社不言后土，故云省文以理，皆可通。故云：欲定定之，亦可不須。

言也言迎四方之神於郊者下曲禮云天子祭四方
歲徧注云祭四方謂祭五官之神於四郊也句芒在
東祝融后土在南蓐收在西玄冥在北是也實五官
而云四郊者火土俱在南其火土俱祀黎故鄭志答
趙商云后土轉為社無復代者故先師之說黎兼之
亦因火土位在南又大宗伯注云五祀者五官之神
在四郊四時迎五行之氣於郊而祭五德之帝亦食
此神焉少昊氏之子曰重為句芒食於木該為蓐收
食於金脩及熙為玄冥食於水顓頊氏之子曰黎為
祝融后土食於火土是黎兼祀也曲禮言歲徧此
祀在秋而并言四方蓋常祀歲徧此秋成報功則總
祭故并言四方也。以潔全其功。正義曰楚茨
箋云明猶潔也齊言明謂潔清羊言犧謂純色故云
以潔齊豐盛與純色之羊經言齊明箋云潔齊文倒
者各從其便而言耳郊特牲云社稷大牢則四方之
神亦大牢此獨言羊以會句言犧以見純明非特羊
而已社謂陰祀其犧用純黑色也其方祀則各以其
方之色也知此社與四方皆為秋祭報功者以上言

黍稷之盛而此言齊羊之祭明是物成而祭也下言農夫之慶當孟冬休息以御田祖是來春祈穀故知此祭在秋為時次也故大司馬仲秋云遂以禘田羅弊致禽以祀飭注云飭當為方聲之誤也禘田主祭四方報成萬物即引此詩云以社以方是報祭四方在仲秋也良耜序云秋報社稷鄭駁異義引大司徒五地之物云此五土地者土生萬物養鳥獸草木之類皆為民利有貢稅之法王者秋祭之以報其功是祭社亦在秋也。我田至不通。正義曰農夫之得慶賜惟勞賜之耳歲事不成則無此勞息故言我田事既善則慶賜農夫也謂大蜡之時勞農以休息之者王者以歲事成熟搜索羣神而報祭之而謂之大蜡又為臘先祖五祀因令黨正屬民飲酒于序以正齒位而勞賜農夫令得極歡天飲是為休息之知如此者郊特牲曰天子大蜡八蜡也蜡者索也歲十有二月合聚萬物索饗之也是說大蜡之祭也月令孟冬云是月也臘門閭及先祖五祀勞農以休息之是說休息之事也郊特牲蜡祭之下又曰黃衣黃冠

而祭息田夫也注云既蜡臘先祖五祀於是勞農以
休息之是臘即蜡之後與蜡異也郊特牲止云息
田夫不謂之臘必知月令之臘祭與特牲息田夫爲
一者郊特牲說蜡祭之服云皮弁素服以送終葛帶
榛杖喪殺也其下別云黃衣黃冠而祭明非蜡也又
曰既蜡而收民息已既蜡乃云息民明知息民非蜡
息民與月令休息文同故知黃冠而祭爲臘祭也是
以註云息民與蜡異財黃衣黃冠而祭爲臘必也以
此知臘在既蜡之後也地官黨正職曰國索鬼神而
祭祀則以禮屬民而飲酒于序以正齒位以此知黨
正飲酒亦此時也不雜記云子貢觀於蜡曰一國之
人皆若狂是恣民大飲也酒誥尚公戒康叔禁民飲
食民無故不飲酒歡樂今以歲穀豐熟場功畢入而
特聽之故謂之慶賜勞息漢世每有國慶而賜民大
酺亦此義也臘與息民蜡後爲之以其與蜡同月若
不爲蜡則此事亦廢事皆相將故繫之蜡焉年不順
成入蜡不通郊特牲文引此者解言我田既臧乃云
農夫之慶之意也彼註數入蜡云先嗇一也司嗇二

也農三也郵表畷四也猶虎五也坊六也水庸七也
 昆蟲八也此八蜡為其主耳所祭不止於此四方百
 物皆祭之春官大司樂云凡六樂者一變而致羽物
 及川澤之示再變而致羸物及山林之示三變而致
 鱗物及丘陵之示四變而致毛物及墳衍之示五變
 而致介物及土示六變而致象物及天神註云此謂
 大蜡索鬼神而致百物又秦樂而禮畢又大宗伯云
 鬯辜祭四方百物註云謂磔攘及蜡祭是蜡祭四方
 百物皆祭之。傳田祖至穀善。正義曰郊特牲註
 云先嗇若神農春官籥章註云田祖始耕田者謂神
 農是一也以祖者始也始教造田謂之田祖先為稼
 穡謂之先嗇神其農業謂之神農名殊而實同也以
 神農始造田謂之田祖而后稷亦有田功又有事於
 尊可以及卑則祭田祖之時后稷亦食焉后土則五
 穀所生本云句龍能平之則句龍亦在祭中而籥章
 云以樂田峻尚及典田之大夫明兼后土后稷矣故
 大司徒註云田主田神后土及田正之神所依也詩
 人謂之田祖以句龍為后土后稷為田正而言詩人

謂之田祖則田祖之文雖主於神農而祭尊可以兼
畢其祭田祖之時后土田正皆在焉故鄭總言詩人
謂之田祖也言此田祖其文得兼有后土后稷而司
徒言田主則其文不得兼神農何則彼云設其社稷
之壇而樹之田主則田主惟社稷不得有神農故鄭
惟云后土田正其言不及神農是其意也穀善釋詁
文王肅云大得我黍稷以善我男女言倉廩實而知
禮節也。設樂至田峻。正義曰言設樂者總琴
瑟擊鼓鼓言擊明琴瑟亦擊可知籥章云吹豳雅則
有籥吹之此不云籥彼籥章不言琴瑟皆文不備耳
知迎先嗇謂郊後始耕者月令孟春天子乃以元日
祈穀于上帝註云謂以上辛郊祭天即引襄七年左
傳曰夫郊祀后稷以祈農事是故啟蟄而郊郊而後
耕又曰乃擇元辰天子親載耒耜躬耕帝籍註云元
辰郊後吉亥是郊後始耕也謂於始耕時而祭之也
知者以先嗇人神不宜先天而祭故當郊後也祁雨
又宜早不可以至二月而田祖是始教田者故知是
始耕時祭之也云甘雨者以長物則為甘害物則為

苦昭四年左傳曰秋無苦雨服虔曰害物之雨民所
 苦是也雨以甘故故得祐助我禾稼當以養士女也
 以此事在孟春則事最在後時次於此故以此結章
 見後當恒然反明此年之春已有此事以興嗣歲亦
 此義也引周禮者籥章文也彼註云祈年求豐年也
 爾雅七月也七月有于耜舉趾饁彼南畝之事歌其
 類也謂之雅以其言男女之正鄭司農云田峻古之
 先教田者爾雅曰峻農夫也以此言之云吹爾雅謂
 籥吹之故其職掌土鼓爾籥杜子春云土鼓以瓦為
 匡以革為兩面可擊也鄭司農云爾籥爾國之地竹
 玄謂籥爾人吹籥之聲章是也祭田祖而并祭田峻
 者以神農始造田法典田大夫以其法教民亦是先
 教田其祭并及之先言禘年于田祖是此祭主祭
 田祖未言以樂田峻見其及之故異其文也

孫來止以其婦子饁彼南畝田峻至喜攘其左右嘗

其旨否 云曾孫謂成王也攘讀當為饗饁饗饋也

田峻司嗇今之嗇夫也喜讀為饔饔酒食也成王來
止謂出觀農事也親與后世子行使知稼穡之艱難
也為農人之在南畝者設饋以勸之司嗇至則又加
之以酒食攘其左右從行者成王親為嘗其饋之美

否示親之也

○饔于輒反峻子峻反本又作峻後篇同喜毛如字鄭為饔尺志反下篇同攘

如羊反鄭讀為饔式尚反王如字饋巨隗反從才用反

禾易長畝終善且有

○

易治也長畝竟畝也

○易以豉反徐以赤反

曾孫不怒農夫克

敏疾也


○

云禾治而竟畝成王則無所恚怒謂

此農夫能且敏也

○

曾孫至克敏○毛以為成王之特非直為民報祭祈年又曾孫

成王亦自來止親循畝以勸稼穡也君既勸之於
上民又勤之於下農夫務事遂以其婦之與子並來
饋饁於彼南畝之中家盡歡樂矣其田峻之官典田
大夫既至見其勤勞則喜樂其事矣即教農夫以間
暇之時攘除田之左右辟其草萊嘗其氣旨土地和
美與否也故使禾生易而治理長而次列徧竟畝中
終至成善且收而大有曾孫成王見其如此不有恚
怒乃謂此農夫其田事既有工能而且敏疾故不怒
之以是致黍稷茂盛而年豐矣今王不能然故刺之
○鄭以爲曾孫成王之來正也則以其已之婦與子
謂后與世子出觀農事使知稼穡之艱難也又以飲
食而行饋餉彼在南畝之農人設食以勸之使其樂
事也田峻之官至又加之酒食之饍以慰其典田之
勤也又饗其左右從已之行肴以賞其行途之勞令
喜於巡勸不厭也又親爲嘗其饋之美否示親而愛
之故上下用命農峻勸樂餘同○曾孫至親之○
正義曰以信南山準之故知曾孫成王也上言饋下
言嘗皆飲食之事故攘讀當爲饗也釋詁云饍饗饋

也舍人曰饗自家之野也此饗字仁饗喜之下而先
言之者以詩中未有其事故先明之田畷田家在田
司主稼穡故謂司嗇漢世亦有此官謂之嗇夫故言
今之嗇夫也郊特牲曰蜡之祭也王先嗇而祭司嗇
也註云先嗇若神農司嗇若后稷以神農始造其田
后稷教民播種此二人有田事之大功者也蜡者爲
田報祭故知謂此二人稷爲人臣教稼亦是田官故
謂之司嗇此言田畷乃是當時至稼之人故以司嗇
言之與郊特牲名同而實異也饗彼南畷田畷至喜
此及大田文與七月正同故亦讀喜爲饗饗酒食也
此爲田事而言曾孫之來故知成王來止謂出觀農
事曾孫來止卽言以其婦子明曾孫自以已之婦子
故知親與后世子行也王之婦必是后知子惟世子
者以將欲傳之國祚明其教戒尤深故知非餘子也
稼穡之艱難尚書無逸周公成王之辭也此經會
孫之下而公以其明以下皆曾孫之事故云爲農人
之在南畷者設饋以勸之謂成王爲之設也言司嗇
至則又加之以酒食則農人之饋無酒故云加之也

其左右之行雖各有糧食王欲其勸農忘苦從行不厭故饗之也王之從者必有公卿大臣親爲嘗其饋之美否亦所以親之也此經毛不爲傳但毛氏於經無破字者與鄭不得同王肅云曾孫來止親循畎畝勸稼穡也農夫務事使其婦子並饁饋也田峻之至喜樂其事教農以閒暇攘田之左右除其草萊嘗其氣旨土和美與否也傳意當然王肅又云婦人無閭外之事又帝王乃躬自食農人周則力不供不徧則爲惠不普玄說非也孫毓云古者婦人無外事送兄弟不踰閭惟王后親桑以勸蠶事又不隨天子而行成王出勸農事何得將婦兒自隨而云使知稼穡之艱難王后寧復與稼穡事者乎此與幽風同我婦子饁彼南畝田峻至喜之義皆同農人遽於其事婦子俱饗也田峻見其勤修喜樂其事又王者從官自有常餼非獨於南畝之中乃饗左右而親爲之嘗又非人君待下之義皆以鄭說爲短斯不然矣此刺今思古之詩言古人之所難行以傷今之廢業也首章言輕其稅斂二章爲之祈報此章言恩澤深厚卒章言

收獲弘多歷觀其次粲然有敘寧常於此甫說農人之家行饁之事又大田卒章上言曾孫下言禋祀並是成王之事不當以農人婦子輒廁其間也且言曾孫來止卽言以其婦子則是曾孫以之也上無農人之文何得爲農人婦子乎旣言曾孫以其婦子則后之從行於文自見復何所言而云無事也若王后必無外事不當蠶於北郊王基以親蠶決之非無理矣衣食人之所資田蠶並爲急務蠶則后之所專故后當獨行田則王之所勸后從行耳此乃外內之別職司之義而孫毓反言親桑不隨王非其難矣王者憂深思遠以世子者生於深宮之內長於婦人之手故與之俱行知稼穡之艱難欲其重國用而愛黎民保王業而全宗祀也以子所親莫過於母使之俱觀辛勤內相規諫此聖賢明訓可與日月俱縣豳風同我婦子事連於舉趾此云以其婦子文繫於曾孫辭旣不同義固當異又安得皆爲農人婦子也田峻所喜當喜農人之勤事文在饁彼之下是則喜其饗食非復說其勤勞何有國史吟詠立文若是哉王者從官

非無常餼直以同循稼穡共食旨甘與夫秦風所謂
 與子同袍亦復何異而云非待下之義乎此饋南畝
 之農人賜田峻以酒食者天子所省固無周徧值其
 所幸便即賜之使天下知我王之愛農也則莫不盡
 力農夫之見饗也則人各用心賞一勸百可使海內
 從風何必每地皆往農人盡賚而云力不供惠不普
 也王基因於不徧之言而引周語以此為籍田之事
 謬矣然此詩止說豐年之義無刺廢籍之文箋之上
 下言不及籍下篇刺矜寡不能自存其文亦同於此
 豈令矜寡之人就籍田措捨也又下章庾稼共此接
 連箋稱古之稅法
 非為籍田明矣

會孫之稼如茨如梁會孫之庾如

坻如京 **傳** 茨積也梁車梁也京高丘也 **箋** 云稼禾也
 謂有藁者也茨屋蓋也上古之稅法近者納總遠者
 納粟米庾露積穀也坻水中之高地也 **○** 茨徐私反
 庾羊主反坻

直基反積如字反子賜反下
皆同藁古老反總作孔反

乃求千斯倉乃求萬斯

箱



云成王見禾穀之稅委積之多於是求千倉以

處之萬車以載之是言年豐收入踰前也

○委積如字又於偽

反年收手又反又如字

黍稷稻梁農夫之慶報以介福萬壽無

疆



云慶賜也年豐則勞賜農夫益厚既有黍稷加

以稻梁報者為之求福助於八蜡之神萬壽無疆竟

也

○疆居良反竟如字



會孫至無疆○毛以為上言會孫之親循賦故此言稅獲之多會孫成王

所稅得禾穀之稼其積聚高大如屋茨如車梁也會孫成王所稅得米粟之庾其堆高大如渚坻如丘京

也成王既見禾稼之積梁庾之多於是乃求千倉以處其庾也乃求萬箱以載其稼也以其收入踰前故

求倉廩車箱以載置之喜其收穫之廣愍念農夫之勤故以黍稷稻粱為農夫之慶謂黨正飲酒加其饌食以稻粱也非直勞而息之又為之求福於八蜡之神而報我農夫以大大之福使之得萬年之壽無有疆境今幽王不能然故刺之也二斯皆為語助。鄭惟以介為助餘同。○○矢積至高丘。正義曰墨子稱茅茨不剪謂以茅覆屋故箋以茨為屋蓋傳言茨積非訓茨為積也言其積聚高大如屋茨耳其意與箋同也孟子十二月車梁成梁謂水上橫橋橫有廣狹得容車渡則高廣者也故以比禾積釋丘云絕高為之京是京高丘也。○○稼禾至高地。正義曰庾是平地委粟而與稼相對則知稼有藁草矣故云稼禾稼謂有藁者也此言曾孫所有則是稅而得之而有庾稼二種明是稅有兩法故言古之稅法近者納總謂并禾稼納之遠者納粟米謂路遠者惟納粟又遠者惟納米以運輸為難故輕之也此文稼庾相對而下言千倉萬箱是箱以載稼倉以納庾故知庾露地積穀也釋水云水中可居者曰洲水洲曰渚小渚

口吐小吐曰坻是水中之高地也此言禾庾當在畿
內若畿外則采取美物以當邦賦不入穀矣畿內雖
用貢法應校其歲以爲率依稅法近郊十一遠郊二
十而三甸稍縣都無過十二以禾及米貢入於王掌
客有芻薪倍禾之言是明周法有禾稼之稅矣禹貢
有納程納秸周之有無無以言也依禹貢云五百里
甸服百里賦納總二百里納程三百里秸服四百里
粟五百里米註云甸服者堯制賦其田使入穀禹弼
其外百里者賦入總謂入刈禾也二百里程程斷去
藁也三百里秸秸又云穎也四百里入粟五百里入
米者遠彌輕也甸服之制本自納總禹爲之差使百
里者從之耳以此言之有輕遠之法故爲近者納總
遠者納米旣無程秸之文不知遠近以何爲差也若
然後世之役宜繁於上代周止千里納穀唐虞則彌
其外五百里爲方二千里是方千里者四納穀多於
周者唐虞萬國諸侯歲朝其用或費於後代故納穀
多也文鄭志答趙商云畿內四百國則周郊內亦封
諸侯矣於周法十國而入其一於天子然則雖千里

者四其稅猶少於周故使方二千里入粟米世代不
 同故異法也。○年豐至疆竟。○正義曰特牲少牢
 之祭皆無稻粱此特言黍稷稻粱故知勞賜農夫加
 以稻粱也報者自神之辭明求神而得報為農夫之
 求神惟蜡祭耳故云為之求助於八蜡之神以祭有
 尸祝故云萬壽無疆竟為得福之辭與三章互相成
 也蜡在息農夫前而後言之者以祭者雖在前而福
 慶是將來之事故後言之以結篇也定本疆境字作
 竟

甫田四章章十句

大田刺幽王也言矜寡不能自存焉

幽工之時政

煩賦重而不務農事蟲災害穀風雨不時萬民饑
 饉矜寡無所取活故時臣思古以刺之

○矜古頑反註皆同

字或作鰥大田四章上二章章八句下二章章九句至自存焉正義曰四章皆陳古善反以

刺王之辭經惟言寡婦序并言矜者以無妻為矜無夫為寡皆天民之窮故連言之由此而言孤獨

老疾亦矜寡之稱其文可以兼之矣幽王至刺之正義曰箋亦以序省略反取經意以明之

經從首章盡二章上三句言成王教民治田百穀茂盛止役順時秀實成好反明幽王之時政煩賦

重而不務農事也二章下五句言時無蟲災反明幽王之時蟲災害穀也三章上四句言雲雨安舒

反明幽王之時風雨不時也三章下五句言收刈有餘寡婦獲利是下民豐盈矜寡得濟反明幽王

之時萬民饑饉矜寡無所取活也詩皆公卿國史所作故云時臣思古以刺之序不言思古者楚茨

至此文指相類承上篇而略之也

大田多稼既種既戒既備乃事云大田謂地肥美可

毛詩流 卷之六 及古畷

大墾耕多為稼可以授民者也將稼者必先相地之宜

而擇其種季冬命民出五種計耦耕事脩耒耜具田

器此之謂戒是既備矣至孟春土長冒櫛陳根可拔

而事之

○種章勇反此註及下註擇種並同墾苦很反相息亮反長張丈反冒莫報反櫛其月反

以我覃耜俶載南畝

○覃利也云俶讀為熾載讀

為蓄粟之蓄時至民以其利耜熾蓄發所受之地趨

農急也田一歲曰蓄

○覃以冉反徐以廉反俶載眾家並如字俶音尺叔反始也載

事也鄭讀為熾蓄熾音尺志反蓄音緇

播厥百穀既

庭且碩曾孫是若

○傳庭直也

云碩大若順也民既

熾蓄則種其衆穀衆穀生盡條直茂大成王於是則

止力役以順民事不奪其時

大田至是若○毛以爲古者成王之時有

大肥美之田可墾耕矣又多爲稼而以授民也民已
受地相地求種既已擇其種矣時王者又號令下民
豫具田器既已戒勅之矣此受地擇種戒勅具器既
已周備矣至孟春之月乃耕而事之矣用我軍然之
利耜始設事於南畝而耕之以種其百穀之衆穀其
穀之生盡條直且又長而茂民既勤力已專其務
曾孫成王於是止力役以順民不奪其時令民得盡
力於田今王不能然故刺之○鄭唯用利耜熾蓄耕
發其南畝所受之田爲異餘同○大田至事之○
正義曰知大田非天下田者以文連多稼又云既種
既戒皆謂田中之事不得爲天下之田故以爲肥美
之大田可墾耕者也舉肥美以與民則自然爲天下
田矣地自山陵林麓川澤溝瀆城郭宮室塗巷其外
皆可墾耕作者舉其年豐明田多故云大田地之肥

美者謂可墾耕者皆肥美也言多爲稼可授民者以此方陳擇種豫戒是本之於初所授受之辭其實此地先在民矣言多爲稼者地官司稼注云種穀曰稼如嫁女有所生草人掌土化之法稻人掌稼下地秋官薙氏掌殺草月令云燒薙行水皆是爲稼也爲稼謂多爲此等之稼以養美其地故云多稼若其不然鄭則不宜言爲也此當在授民之後民自稼之言多爲稼乃授民者疾今之田萊多荒而本之初授不廢授民而稼之或公家令民稼之而後授故薙氏掌之也又云將稼者謂將稼種之與多爲稼者別也以別起此文明多爲稼者故非稼種矣以下經始說耕事則此未得下種故知旣種爲地之宜而擇其種也月令云善相丘陵土地所宜五穀所殖司稼云掌巡邦野之稼而辨其種稔之種與其所宜注云知種所宜之地草人云物地相其宜而爲之種卽分地之耕是也以旣知地所宜種故引月令并云出五穀爲之種也計耦事者以耕必二耜相對共發一尺之地故計而耦之也耒耜之具別言田器則耘耨所用故被

注云鎡箕之屬命民卽是戒之故云此之謂戒也既
備者辭總上事故云是故備矣此在往年至春始用
云乃者緩辭也孟春土長冒濼陳根可拔月令注引
此言農書曰則此出於農書也漢書藝文志農書有
七家不知出誰書也以冬上定故稼楸於地與地平
孟春土氣升長而冒覆於楸則舊陳之根可拔於是
乃耕故云而事之○鞮鞮利也○正義曰良耜云畷
畷載芟云有略與此鞮皆連耜言之明爲耜之利意
故云鞮利也傳不解倣載之文以毛不破字必不與
鄭同王肅以倣爲始載爲事喜用我之利耜始發事
於南畝○倣讀至曰蓄○正義曰此及載變良耜
皆於耜之下言倣載而畝是倣載者用耜於地之事
故知當爲熾蓄謂耜之熾而入地以蓄殺其草故方
言入地曰熾反草曰蓄也連言蓄粟之蓄者弓人云
凡鋸幹之道蓄粟不弛則弓不發注云玄謂粟讀如
裂繻之裂彼鋸弓幹以鋸蓄而裂之猶耕者以耜蓄
而發之義理旣同故讀從其文以見之也上云乃事
是豫以待時之言故云時至以爲相連文次也田一

歲曰菑釋地文郭璞曰今江東呼初耕地反草為菑
則是入地殺草之名故引為證也。民既至其時

。正義曰論語云長沮桀溺耦而耕即云耰而不輟
注云耰覆種也是古者未解牛耕人耕即云種故云

民既熾菑則種其衆穀此既庭及下章既方之等皆
論天下之土宜為普遍之辭故皆以既為盡言穀生

盡條直茂大也月令云毋聚大眾毋作大事
以妨農事是止力役以順民事不奪其時 既方既

阜既堅既好不稂不莠 實未堅者曰阜稂童梁也

莠似苗也 云方房也謂孚甲始生而未合時也盡

生房矣盡成實矣盡堅熟矣盡齊好矣而無稂莠擇

種之善民力之專時氣之和所致之 阜才老反稂

梁草也說文作節云稂或字也禾粟之 音郎又音梁童
莠生而不成者謂之童節也莠餘久反 去其螟螣及

其蠹賊無害我田稗食心曰螟食葉曰螻食根曰

蝻食節曰賊云此四蟲者恆害我田中之稗禾故

明君以正已而去之○去起呂反註同螟莫庭反螻

本又作蚘莫侯反爾雅云隨所食田祖有神秉畀炎

火為名郭云皆蝗類也稗音稚下同云螟螻之屬盛陽氣羸則生之

今明君為政田祖之神不受此害持之付與炎火使

自消亡○秉如字執持也韓詩作卜卜報也畀必

二反與也炎于沾反沈于尼反羸音盈既方至炎火○正義曰上言穀生茂大此言秀實之

好云眾穀既秀穗上已有孚甲盡生房矣稍復結粒盡成實矣粒又稍成盡堅熟矣並無死傷盡齊好矣

以得然者由其明王能自正已去其食心藁之螟螣
 及食根節之蝨賊無害我田中之穉禾者由此而皆
 得大成也明所以能去四蟲者以其明君為政德當
 靈祇故云田祖有神不受此等之害持于炎火使自
 消亡今王不能然故刺之。實未至似苗。正義
 曰以此章承上苗長之後皆論秀實之事阜音為造
 訓為成也文在堅上是成而未堅故云實未堅曰阜
 也稂童梁釋草云舍人曰稂一名童梁郭璞曰似莠
 是也仲虺之誥曰若苗之有莠若粟之有秕似粟
 莠似苗也。方房至致之。正義曰阜是未堅方
 文又在阜上初秀始欲結實之時故云方房也謂孚
 甲始生而未合時也謂米外之房者言其孚甲米生
 於中若人之房舍然也孚者米外之粟皮故秬者一
 孚二米言一皮之內有兩米也甲者以在米外若鎧
 甲之在人表其種於地則開甲始生故月令孟春云
 其日甲乙註云物之孚甲始生謂開此孚甲生出也
 禾既有穗即生孚甲故云盡生房矣房生既成則有
 米實故云盡成實矣既已有實稍向熟成故云盡堅

熟矣衆穗皆熟故云盡齊好矣稂莠苗既似禾實亦
類粟若擇種去其細粒鋤禾除其非類則無復稂莠
亦由時氣之和使然。食心至曰賊。正義曰皆
釋蟲文李巡云食禾心為螟言其姦冥冥難知也食
禾葉者言假貸無厭故曰騰也食禾節言貪狼故曰
賊也食禾根者言其稅取萬民財貨故云蝨也孫炎
曰皆政貪所致因以為名也郭璞曰分別蟲啖禾所
在之名耳螟與騰蝨蝨今字耳郭璞直以蟲食
所在為名而李巡孫炎並因託惡政則災由政起雖
食所在為名而所在之名緣政所致理為兼通也陸
機疏云螟似子方而頭不赤騰蝗也賊似桃李中蟲
蟲赤頭身長而細耳或說云蝨蝮蝮也食苗根為人
患許慎云吏犯法則生螟乞貸則生騰舊說螟騰蝨
賊一種蟲也如言寇賊姦宄內外言之耳故捷為文
學曰此四種蟲皆蝗也實不同故分別釋之。此
四至去之。正義曰以特言田釋故云恆害我田中
之釋禾蟲災之盛種者亦食以釋者徧甚故舉以言
之以其由政而然故云明君正已而去之。

盛陽。正義曰：以言炎火，恐其是火之實，故云盛陽也。陽而稱火者，以南方為火，炎為甚之故。云盛陽也，知非實火者，以四者所謂昆蟲得陰而藏，得陽而生，故箋云：盛陽氣贏，則生之義無取於火之實，故為盛陽也。

○ 螟螣至消亡。正義曰：解本言炎火之意，以螟螣之屬四者盛陽氣贏，則生之以得陽而生，故陽盛而為害。月令仲夏行春令，百螣時起，是陽行而生陽盛，則蟲起消之，則付於所生之本。今明君為政，田祖所以受者，以害由政起，今明君為政，害無由作，故云田祖不受四蟲之害。若政能消之，則本無可受，而云田祖不受者，以田祖主田之神託而言耳。

有
滄萋萋興雨祈祈雨我公田遂及我私
滄 雲興貌

萋萋雲行貌祈祈徐也



云古者陰陽和風雨時其

來祈祈然而不暴疾其民之心先公後私今天主雨

於公田因及私田爾此言民怙君德蒙其餘惠

○滄本文

作奔於檢反漢書作豔萋七西反興雨如字本或作興雲非也祈巨移反雨我于付反註內主雨同一本

主作注彼有不穫穉此有不斂穧彼有遺秉此有滯

穗伊寡婦之利

秉把也

云成王之時百穀既多

種同齊熟收刈促遽力皆不足而有不穫不斂遺秉

滯穗故聽矜寡取之以為利

○穫戶郭反斂穧上力檢反下才計反又子計

反穧穫也穗音遂把巴馬反矜音鰥

有滄至之利

○正義曰言太平之時有滄然既起萋萋然行者

雨之雲也此雲既行乃起其雨澤祈祈然安徐而落不暴疾也民見雲行雨降歸之於君云此雨本主為雨我公田耳因遂及我之私田雖作者廣見太平之時民心先公之義要雨無不徧天澤以時故得五穀

大成由此民所收刈力皆不足而令彼處有不穫刈之釋禾此處有不收斂之穡東又彼處有遺餘之秉把此處有滯漏之禾穗此皆主不暇取維是寡婦之所利言据拾取之以自利也今王不能然使矜寡無所資故刺之定本集註穡作積。○**○**滄雲興貌定本集註云滄陰雲貌。○正義曰既言有滄即云興雨雨出於雲故知滄雲興貌雲既興而後行萋萋在滄之下故知雲行貌雲行然後雨落故萋萋之下言與雨也祈祈徐貌謂徐緩而降故箋云不暴疾也經興雨或作興雲誤也定本作興雨。○**○**成王至為利。○正義曰穡者禾之鋪而未束者秉刈禾之把也聘禮口四秉曰筥註云此秉為刈禾盈手之秉筥穡名也若今萊易之間刈稻聚把有名為筥者即引此詩云彼有遺秉此有不斂穡是也彼註言此秉者以對禾秉為異故掌客註云米禾之秉筥字同數異禾之秉手把耳筥謂一穡然則禾之秉一把耳米之秉十六斛禾之筥四把耳米之筥則五斗是有對故言此以別之王制及書傳皆云矜寡孤獨天民之窮而無告者

皆有常餼地官遺人門關之委積以養老孤則官自有餼而須拮拾者以豐年矜寡拮拾足能自活王者恐其不濟或力不堪事乃餼之會孫來止以其婦子饁彼南畝田畯


至喜  云喜讀為饁饁酒食也成王出觀農事饋食

耕者以勸之也司嗇至則又加以酒食勞倦之爾

○饋食音嗣 勞力報反 **來方禋祀以其騂黑與其黍稷以享以**

祀以介景福  騂牛也黑羊豕也  云成王之來則

又禋祀四方之神祈報焉陽祀用騂牲陰祀用黝牲

○禋音因享許兩反徐又 許亮反黝伊糾反黑也  會孫至景福○毛以為

親循畝畝以觀稼穡也時耕者皆以其婦之與子同饁彼農人於南畝之中田畯之官至喜樂其事以勸

慕能勤故得成稷故成王之來乃於四方之神則禮
 敬而潔祀焉其祀之也以其駢赤之牛黑之羊豕與
 其黍稷之粢盛用此以獻以祀四方之神為神歆饗
 而報以大大之福所以常得年豐今王不能然故刺
 之。鄭以為曾孫來止則以其婦之與子出其觀之
 又設食饁彼南畝之農人以勸之其田畷又加之以
 酒食勞之故上下樂業穀得以成也曾孫之來則又
 於四方之神而往禮祀焉所祀者以其牲或赤或黑
 與其黍稷之粢盛以獻以祀四方之神神饗之而報
 以祐助與大福。駢牛黑羊豕。正義曰毛以諸
 言駢者皆牛故云駢赤牛也定本集註駢下無赤字
 是也上篇云以社以方而方社連文則方與社稷同
 用太牢故以黑為羊豕通牛為三牲也且上章言犧
 羊是方有羊明不特牛故為太牢牢中色而色不同
 者毛意蓋以此四方既非望祀又非五方之帝故用
 是牲所以無方色之別。成王至黜牲。正義曰
 此以田事為主成王出觀民事因即祭祀故云成王
 之來則又禮祀四方之神祈報焉對出觀為文也此

出觀之祭則祭當在秋所報並言者言其報以成而
祀後年也陽祀用騂牲陰祀用黝牲地官牧人文也
彼註云陽祀南郊及宗廟陰祀北郊及社稷非四方
之神而引以解此者以毛分騂黑爲三牲鄭以騂黑
爲二色故引牧人騂黝以明騂黑爲別方之牲耳非
謂四方之祭在陽祀陰祀之中也知方祀各以其方
色牲者大宗伯云青圭禮東方赤璋禮南方白琥禮
西方玄黃禮北方皆有牲幣各放其器之色註云以
爲禮五天帝人帝而句芒等食焉是五官之神其牲
各從其方色則宜五色獨言騂黑者略舉二方以韻
句耳故易傳大宗伯職祀天乃稱禮五祀在血祭之
中而言禮者此五官之神有配天之時配天則禮祀
此祭雖不配天以其嘗爲禮祀故亦以禮言之五祀
在血祭之中則用太牢矣故上篇云與我犧羊以社
以方是方祭有羊孫毓以
爲方用特牲非禮意也

大田四章二章章八句二章章九句

大田四章二章章八日二章章八日

諸暨圖書館 ZHUJI LIBRARY

毛詩註疏卷第十四

十四之二

漢鄭氏箋

唐孔穎達疏

毛詩小雅

瞻彼洛矣刺幽王也思古明王能爵命諸侯賞善罰

惡焉

瞻彼洛矣三章章六句至罰惡焉○正義曰作瞻彼洛矣詩者刺幽王也以幽王不

能爵命賞罰故思古之明王能爵命諸侯賞善罰惡焉以刺今之不能也爵命即賞善之事但爵命之外猶別有賞賜故敘分之經三章皆言爵命賞善之事既能有賞必當有罰故連言罰惡耳於經無所當也此乃裳裳者華桑扈鴛鴦亦是思古以刺今但與上四篇文勢不類故敘於起發不同耳

上篇每言曾孫則所思為成王此等不言曾孫不知思何時也故宜云古明王不指斥之

瞻彼洛矣維水泱泱傳興也洛宗周漑浸水也泱泱深

廣貌傳云瞻視也我視彼洛水灌溉以時其澤浸潤

以成嘉穀興者喻古明王恩澤加於天下爵命賞賜

以成賢者○決於良反漑古愛反君子至止福祿如

茨傳云君子至止者謂來受爵命者也爵命為福賞

賜為祿茨屋蓋也如屋蓋喻多也韎韐有奭以作六

師傳韎韐者茅蒐染草也一曰韎韐所以代韞也天

子六軍傳云此諸侯世子也除三年之喪服士服而

來未遇爵命之時時有征伐之事天子以其賢任為

軍將使代卿士將六軍而出韎韜者茅蒐染也茅蒐

韎韜聲也韎韜祭服之韎合韋為之其服爵弁服紕

衣纁裳也

○韎音珠又士界反韜音閣又古洽反夔許力反赤貌茅如字蒐所留反韎音畢任

音壬將子匠反下同

紕音緇纁許云反

瞻彼至六師○正義曰言我視彼宗周之洛水矣維此洛

水則泱泱然深而廣大能灌溉以時浸潤以成嘉穀

以喻我視彼古昔之明王矣維此明王則仁而寬愛

能爵賞以理賜命以成賢者是王恩之深厚也故君

子諸侯之至止來見於王則王爵命之以福又賞賜

之以祿其聚積多大如屋蓋之茨也又言諸侯世子

初除父喪服士服來至京師正值有征伐之事王以

其賢命代卿士之任服韎韜之韎有爽然而赤以作

六師之將其賢如是故得福祿也今王不能爵賞諸

侯之賢者故舉以刺之。○禮洛宗周概浸水。○正義曰宗周鎬京也夏官職方氏河西曰雍州其浸渭洛是洛為宗周之浸水也禹貢云漆沮既從孔安國云漆沮一名洛水洛水則漆沮是也與東都伊洛別矣。○禮君子至喻多。○正義曰上以水喻明王故知至止為來至明王之所受爵命也凡言福者大慶之辭祿者吉祉之謂善事皆是不必一定以此所思者止思爵命賞賜耳故言爵命為福賞賜為祿於此經對文為然於他書散則通矣福祿非聚積之物而云如茨故云如屋蓋以喻多也。○禮鞞鞞至六軍。○正義曰鞞鞞者衣服之名曠者赤貌傳解言曠之由以其用茅蒐之草染之其草色赤故也。一曰鞞鞞所以代鞞者按爾雅云一染謂之縹再染謂之纁三染謂之纁此曰鞞鞞即一入曰鞞鞞是縹也定本云一入曰鞞鞞是以他服謂之鞞祭服則謂之鞞鞞以此鞞鞞代他服之鞞大夫以上祭服謂之鞞士無鞞名謂之鞞士言鞞鞞亦猶大夫以上之言鞞也若然玉藻云一命縹鞞黝珩註云侯伯之士一命則士亦名鞞

矣言韎韐者彼註亦云子男大夫一命則一命緼韐
以子男大夫爲文故言韐耳其實士正名韎韐士冠
禮爵弁服韎韐不言韐是也天子六軍夏官序文○
此諸侯至纁裳○正義曰以序言爵命諸侯故知
此謂諸侯世子也若在三年喪中則凶服不得有韎
韐耳若已爵命則當服諸侯之赤韐不得服士服故
知除三年之喪服士服而來也王制云諸侯之世子
未賜爵視天子之元士以君其國比又言韎韐故知
諸侯世子未賜爵命服士服也若然春官典命云凡
諸侯之適子誓於天子攝其君則下其君之禮一等
未誓則以皮帛繼子男此以代父君國反服士服者
周禮之文謂父在代父行禮故有執圭璧皮帛之禮
未誓尚比卿今此雖已除父喪非代父行禮不得復
繼於父又不敢自成爲君故服士服也世子雖服士
服待之同於正君雜記云君薨太子號稱子待猶君
也彼注謂未踰年者尚然況除服後乎待之固如成
君何但下一等而已此詩大意皆言諸侯世子受王
爵命今服士服故知是未遇爵命又云作六師故知

有征伐之事天子以其賢任為軍將使代卿士將六軍而出也以軍將命卿故知代卿士也天子六軍一卿將一軍言將六軍而出者舉六軍見天子之法其實六軍之中將一軍耳將軍之時猶未得命由是仍服鞞鞞也春秋之義諸侯踰年即位天子賜之以命圭則天子遣使就國賜之矣文元年天王使毛伯來錫公命是其事也此言除三年之喪自來受賜命者天子命諸侯之禮亡亦無明文春秋之義言踰年賜命者說者致之非傳辭也春秋之世魯文公晉惠公即位而賜之魯成公八年乃賜之齊靈公天子將昏於齊始賜之衛襄魯桓則既薨乃賜之是賜命時節無定限也由此而言蓋踰年賜命是其正其不得命則除喪自見天子此是踰年未得命者故自來也傳言鞞鞞茅蒐染故解之云茅蒐鞞鞞聲也言吾人之道茅蒐其聲如鞞鞞故名此衣為鞞鞞也士冠禮注云鞞鞞者緇韞而黝珩合韋為之士染以茅蒐因以名焉今齊人名蓍為鞞鞞又駿異義云鞞草名齊魯之間言鞞鞞聲如茅蒐字當作鞞陳留人謂之蓍是

古人謂蓍為茅蒐讀茅蒐其聲為鞞鞞故云茅蒐鞞
鞞聲也又解代鞞之意士朝服謂之鞞祭服謂之鞞
鞞駁異義云有鞞鞞無鞞有鞞無鞞鞞是鞞鞞必代
鞞也其禮合韋為之此鞞鞞是蔽膝之衣耳士冠禮
陳服于房中云爵弁服纁裳紵衣緇帶鞞鞞是鞞鞞
配爵弁服也彼注云爵弁者冕之次也其色赤而微
黑如雀頭然其布三十升纁裳淺絳裳也紵衣絲衣
朝服皆用布唯冕與爵弁服用絲耳先裳後衣欲令
下近緇明衣與帶同色此引之
以衣在裳上故先云紵衣耳

瞻彼洛矣維水泱泱

君子至止鞞琫有珌

鞞容刀鞞也琫上飾珌下飾

珌下飾者天子玉琫而珌珌諸侯璜琫而璆珌大夫

鏐琫而鏐珌士瑒琫而瑒珌

云此人世子之賢者

也既受爵命賞賜而加賜容刀有飾顯其能制斷

鞞

字或作理補頂反說文云刀室也琫字又作鞞必孔
 反佩刀鞘上飾琕字又作琕賓一反佩刀下飾琕音
 遙以蜃者謂之玼玼徒黨反字又作瑒音同爾雅云
 黃金謂之盪璆音蚪又巨璆反又舊周反王也沈舉
 彪反又與彪反又張疇反鏐音遼爾雅云白金謂之
 銀其美者謂之鏐徐何盧到反又力弔反本又作琫
 亦音遼又力小反說文云玉也字書力召反鏐力幽
 反又力幼反沈又力虬反黃金之美者郭云紫磨金
 瑒力計反說文云
 蜃屬斷丁亂反

君子萬年保其家室

云德如是

則能長安其家室親家室親安之尤難安則無篡殺

之禍也
○篡初患反殺本
○君子至家室○正義曰

命諸侯故君子諸侯至止於王之所王既爵命之又
 加賜以容飾之刀有鞞以盛之其鞞則有琫及其琕
 之飾賜之以顯其能制斷也君子諸侯為王所賜之
 以其德如是則能萬年而長安其家室無危亡之禍

矣今王不能爵賞諸侯故刺之○韞鞞至瑒瑒○正義曰古之言鞞猶今之言鞘內則注濫刀鞞是也以公劉云鞞琫容刀故知鞞容刀鞞也又容者容飾此奉有琫卽容飾也琫上飾於鞞之形飾有上下耳其名爲琫琫之義則未聞公劉傳曰琫上飾鞞下飾者以彼無琫文因琫爲在上之飾下則指鞞之體故言鞞下飾也傳因琫琫歷道尊卑所用似有成文未知出何書也天子諸侯琫琫異物大夫士則同言尊卑之差也天子玉琫玉是物之至貴者也釋器說弓之飾曰以蜃者謂之玼郭璞曰玼似琫說文云玼蜃甲所以飾物也釋器又云黃金謂之灑其美者謂之鏐白金謂之銀其美者謂之鏐郭璞曰此皆道金銀之別名及其美者也鏐卽紫磨金也說文云公瑒蜃而不別於蜃故天子用蜃士用瑒也定本及集本皆以諸侯琫瑒字從玉又以大夫鏐琫琫恐非也

福祿既同



云此人世子之能繼世位者也其爵命

賞賜盡與其先君受命者同而已無所加也君子萬

年保其家邦

瞻彼洛矣三章章六句

裳裳者華刺幽王也古之仕者世祿小人在位則讒

諂並進棄賢者之類絕功臣之世焉

古

古者古昔

明王時也小人斥今幽王也

○諂勅

疏

裳裳者華
四章章六

句至之世焉○正義曰作裳裳者華詩者刺幽王也以其古之仕於朝者皆得世襲其祿今用小人幽王在於天子之位則有讒佞諂諛之人並進於朝既為佞以蔽之王又進讒以害賢而王信受之棄去賢者之胤類絕滅功臣之世嗣故時臣思古以刺之也此言古之仕者世祿及文王曰凡周之

士不顯亦世皆謂仕宦於朝者朝者在官之總名
公卿大夫皆是也經言乘其四駟則仕者得乘四
馬矣禮士乘兩馬則此詩所言不及士也古者有
世祿復有世位世祿者直食其先人之祿而不居
其位不賢尚當然子若復賢則居父位矣三章箋
云守我先人之祿位并位言之見此意也類謂種
類世謂繼世棄賢者之類絕功臣之世其理一也
古由其賢而得有功以舉類而當嗣世義不異矣但
指人身而稱賢者據祿位而言功臣耳經四章皆
言思見明王以免讒諂並進令已棄絕之事也○
古者至幽王○正義曰諸言在位者多謂臣在
於位此小人在位文對古者明王則在位謂幽王
也

裳裳者華其葉湑兮

傳

興也裳裳猶堂堂也湑盛貌

箋

云興者華堂堂於上喻君也葉湑然於下喻臣也明

王賢臣以德相承而治道興則讒諂遠矣

○潛思敘反治直吏

反遠于萬反又如字

我觀之子我心寫今我心寫今是以有譽

處兮

箋

云觀見也之子是子也謂古之明王也言我

得見古之明王則我心所憂寫而去矣我心所憂既

寫是則君臣相與聲譽常處也憂者憂讒諂並進

○觀

古豆

疏

裳裳至處兮。正義曰詩人遇讒絕世傷今

反思古言彼堂堂然光明者華也在於上又葉

溘然而茂盛兮在於下華葉相與其成榮茂以興顯

著者君也在於上美德者臣也佐於下君臣相承共
興國治古之明王政治如此我得見古之是子之明
王則我心所憂讒諂之事寫除而去兮我心之憂既
已寫兮則仕於彼朝君臣相得是以有聲譽之美而
處之兮言常處此聲譽之美兮已由讒見絕故憂而

思之以刺今也。○**裳**裳至盛貌。○正義曰：以華狀顯見，故言猶堂堂也。此葉興，臣德盛，故潛為盛貌。有狀之杜刺不親宗族，故傳以潛為枝葉，不相比也。○**興**者至遠矣。○正義曰：讒諂並進，由君受之。三章皆言華，故以華喻君也。華既喻君，而復有葉，故以喻臣。言君之須臣為輔，猶華之須葉以盛，故下意無葉以喻無臣也。華葉之在於枝高下，同耳。言華上葉下者，因文之上下，以喻君臣上下耳。**裳裳者**

華芸其黃矣

芸黃盛也。

云華芸然而黃，興明王

德之盛也，不言葉微見無賢臣也。

○芸音云徐音

我

覲之子維其有章矣，維其有章矣，是以有慶矣。

云

章禮文也，言我得見古之明王，雖無賢臣，猶能使其

政有禮文法度，政有禮文法度，是則我有慶，賜之榮

也。裳裳至有慶矣。正義曰：既思君臣並賢而不

也。得又思君明而無賢臣者，言彼堂堂然光明者

華也。此君其德彰而明矣。華盛而不言其葉，見君明而

其臣不賢，我得見是子明王。雖無賢臣，猶能使其政

有禮文法度之章也。維其政有禮文法度之章，則能

進用有德，是以於我有慶賜之榮矣。我所以欲得見

之也。○**傳**芸黃盛。○正義曰：芸是黃盛之狀，故箋云

華芸然而黃也。此華赤以黃為盛，謂草木之有黃華

者也。若之華紫赤而繁黃，則衰矣。與此不同也。○**傳**

微裳裳者華或黃或白

傳云華或有黃者或有白者

與明王之德時有駁而不純

○駁邦
角反

我覲之子乘其

四駱乘其四駱六轡沃若

傳

言世祿也

傳

云我得見

明王德之駁者雖無慶譽猶能免於讒諂之害守我

先人之祿位乘其四駱之馬六轡沃若然

○駱音洛沃若如字

徐於○華或至不純○正義曰喻取其象既以黃

縛反○色與明王德純故以異色喻其不純或有黃

者或有白者華自有雜色與純者二章各舉以喻非

此華本黃而變白又非白即衰也華一時而黃白雜

色以興明王亦一時而善惡不純非先盛而後衰為

不純也故言時有駁而不純者言時有善多而惡少

非善惡半也若惡與善等○左之左之君子宜之右之

則是闇君不得為明王矣

右之君子有之○

○左陽道朝祀之事右陰道喪戎之

事○云君子斥其先人也多才多藝有禮於朝有功



於國

○朝直遙反下及下篇同

維其有之是以似之



○似嗣也



云維我先人有是二德故先王使之世祿子孫嗣之

今遇讒諂並進而見絕也

詩

左之至似之○正義曰詩人既思明王又陳已

所以宜嗣之意也言左之左之左陽道朝祀之事我先人君子則宜而行之右之右之右陰道喪戎之事我並能有之是以先王使其子孫嗣之今遇讒見絕故憂凶之事不得言宜故變言有之二者皆君子之所能故下經總言有之明二者皆有也○**傳**左陽至之事○正義曰以天下之事多矣大總不過吉凶故舉左右以目之左陽道謂嘉慶之事朝者人所樂祀者言之大故為陽也右陰道謂憂凶之事喪者人所哀戎者有所殺故為陰也以能事弘多故皆重言以見眾也

裳裳者華四章章六句

桑扈刺幽王也君臣上下動無禮文焉動無禮文

舉事而不用先王禮法威儀也

○桑扈音尸桑扈竊脂鳥也說文扈

作桑扈四章章四句至禮文焉○正義曰以其

雇時君臣上下升降舉動皆無先王禮法威儀

之文焉故陳當有禮文以刺之即上二章上二句

是也三章言其君為百辟所法而受幅卒章言臣

能燕飲得禮而不傲慢皆是君臣禮文之事故總

之此與賓之初筵序皆言君臣上下以君臣即有

上下之禮故并言以見義

交交桑扈有鶯其羽興也鶯然有文章云交交猶

佼佼飛往來貌桑扈竊脂也興者竊脂飛而往來有

文章人觀視而愛之喻君臣以禮法威儀升降於朝

廷則天下亦觀視而仰樂之

○鶯於耕反
倭交卯反

君子樂胥

受天之祜

傳

胥皆也

釋

云胥有才知之名也祜福也

王者樂臣下有才知文章則賢人在位庶官不曠政

和而民安天子之以福祿

○胥毛如字鄭徐思敘
反祜音戶知音智下同

注

交交至之祜○毛以為倭倭然飛而往來者桑扈之
鳥也有鶯然其羽之文章故人皆觀視而念愛之以
興動而升降者王與羣臣也當有威儀禮法則天下
亦觀視而樂仰之君子既有禮文為下所愛盡得其
所故能樂與天下所共是與天下皆樂而得受天之
祜福也○鄭唯樂胥為異具在箋說○**釋**交交至樂
之○正義曰黃鳥小宛傳曰交交小貌此云猶倭倭
飛而往來者作者各有所取倭倭實飛而往來之貌
也此喻升降舉動故取往來為義○**傳**胥皆○正義
曰釋詁文孫毓曰與天下皆樂樂之大者天子四海

之內無違命則天子樂矣諸侯四封之內無違命外
內無故則諸侯樂矣大夫官府之內無違命者諮謀
行於上則大夫樂矣士進以禮退以義則士樂矣庶
人耕稼樹藝以養父母刑罰不加於身則庶人樂矣
是述毛之義也○**胥**皆至福祿○正義曰周禮每
官之下皆有胥徒胥一人則徒十人是胥以才智之
故而為十徒之長又有太胥小胥之官故知胥有才
智之名易歸妹以須註亦云須有才智之稱天文有
須女屈原之妹名女嬃鄭志荅冷剛云須才智之稱
故屈原之妹以為名是胥為才智之士胥須古今字
耳

交交桑扈有鶯其領**領頭也**君子樂胥萬邦之

屏

傳

屏蔽也

云

云王者之德樂賢知在位則能為天

下蔽捍四表患難矣蔽捍之者謂蠻夷率服不侵畔

○屏卑郢反為于僞反捍

毛音汗難乃旦反下患難

說

君子樂胥萬邦之屏○
毛以為言君子王者既

有禮文又能樂與天下皆共之能與天下皆樂則為
 萬邦之蔽捍天下皆得其樂無復侵伐之憂是為之
 蔽捍矣○鄭義具箋○**傳**王者至不侵畔○正義曰
 萬邦是中國之辭與中國為屏蔽明捍四夷可知也
 故云蠻夷率服不敢
 內侵外畔是蔽捍也
之屏之翰百辟為憲
傳翰幹憲


法也



云辟君也王者之德外能捍蔽四表之患難

內能立功立事為之植幹則百辟卿士莫不修職而

法象之不戢不難受福不那



戢聚也不戢戢也不

難難也那多也不多多也




云王者位至尊天所子

也然而不自斂以先王之法不自難以亡國之戒則

其受福祿亦不多也

○戢莊
立反



之屏至不那○毛以
為言王者之德外能

蔽捍四表之患難內能立功立事爲之楨幹則百辟
卿士莫不修職而法象之王能如此則天下之民不
戢聚而歸之乎言戢聚而歸之也不畏難而順之乎
言畏難而順之也民皆順之則爲天所祐其受福豈
不多乎言受福多也今主不能然故刺之○鄭以上
二句與毛同下二句具在箋○**傳**翰幹憲法○正義
曰釋詁云楨幹也舍人曰楨正也築牆所立兩木也
幹所以當牆兩邊障土者也然則言楨幹者皆以築
牆爲喻幹是牆之主善政亦民之主也憲法釋詁文
○**傳**辟君至法象之○正義曰辟君釋詁文之屏因
上文而轉故亦爲蔽捍四表之患難人君之所施爲
唯功事而已故知立功立事爲之楨幹也百辟知卿
士者以烈文百辟其刑之對四方其訓之故知爲卿
士尊比諸侯故曰君也○**傳**王者至不多○正義曰
言王位至尊天所子愛解其當自斂難之意斂者收
攝之名故言斂以先王之法難者戒懼之辭故知難
以亡國之戒不自斂以先王之法即動無禮文也故
序箋云動無禮文者舉事而不用先王禮法威儀是

先王之法為禮文也。不自難以亡國之戒者，即不用賢也。故首章箋云：王者樂臣下有才智文章，則賢人在位而庶官不曠政，和而民安，言用賢則民安。是棄賢則亡國矣。又彼文連言受天之祐，彼古樂有賢智則受天之祐，此不難以亡國之戒，則受福不多，是相配成也。易傳者以順文理，切不假反言，故也。

觥其觶旨酒思柔



云：兕觥，罰爵也。古之王老與羣

臣燕飲，上下無失禮者，其罰爵徒觥然陳設而已。其飲美酒，思得柔順中和，與其樂言不慙，敖自淫恣

也。○兕，徐履反，獸名。觥，古橫反。以兕角為之。觶，音蚪。本或作觥，樂音洛。慙，火吳反。敖，五報反。下文同。

彼交匪敖，萬福來求。



云：彼彼賢者也。賢者居處恭

執事敬，與人交必以禮，則萬福之祿就而求之，謂登

用爵命加以慶賜

論

彼賢至慶賜。正義曰承上經而云彼是指思柔之人故云

彼賢者也言交非敖則常恭敬故引論語居處恭執事敬為不敖慢矣故明王招聘用之故云登用爵命

加以慶

賜也

桑扈四章章四句

鴛鴦刺幽王也思古明王交於萬物有道自奉養有

節焉

論交於萬物有道謂順其性取之以時不暴


天也

○鴛鴦於袁反沈又音溫下於岡反又於良反


論

鴛鴦四章章四句至有節焉。正義


曰作鴛鴦詩者刺幽王也以幽王殘害萬物奉養過度是以思古明王交接於天下之萬物鳥獸蟲魚皆有道不暴天也其自奉養有節度不奢侈也今不能然故刺之交於萬物有道即上二章上二

句是也。自奉養有節，卽下二章上二句是也。見明王急於萬物而緩於已，故先言交萬物而後言自奉養也。○交於至暴天。○正義曰：天子以天下為家，萬物皆天子立制節其生，殺與之交，接故言交於萬物也。有道者謂順其生長之性，使之得相長，養取之以時，不殘暴天，絕其孩幼者，是有道也。不暴天。

王制文

鴛鴦于飛畢之羅之也。鴛鴦匹鳥，大平之時，交於

萬物，有道取之以時於其飛，乃畢掩而羅之。

云匹

鳥言其止則相耦，飛則為雙。性馴耦也。此交萬物之

實也。而言興者，廣其義也。獺祭魚而後漁，豺祭獸而

後田，此亦皆其將縱散時也。

○大音奉揜於檢反，馴音巡，又音唇。獺勑轄反。

又他未反

君子萬年福祿宜之



云君子謂明王也交於

萬物其德如是則宜壽考受福祿也



○正義曰古

太平之時交於萬物有道欲取鴛鴦之鳥必待其長

大於其能飛乃畢掩之而羅取之不於幼小而暴天

也非但於鳥獨然以興於萬物皆耳至獺祭魚然後

取魚豺祭獸然後捕獸皆待其成而取之也君子明

王交於萬物之德如是則萬年之壽及福祿並皆宜

歸之也今王不能然故舉以刺之○興也至羅之

○正義曰以交於萬物則非止一鳥故云興也言舉

一物以興其餘也又解正舉鴛鴦者以鴛鴦匹鳥也

相匹耦而獲馴則易得也易得尚以明萬物皆然故

言太平之時交於萬物有道取之以時也又言於其

飛乃畢掩而羅之此即取之以時之事也謂小者未

能飛待其能飛而後取之釋器云鳥罟謂之羅月令

云羅網畢翳註云罔小而柄長謂之畢以畢羅異器

寺流

卷一百三十三

及古

實亦可取鳥故此鴛鴦言畢之也羅則張以待鳥畢則執以掩物故言畢掩○匹鳥至散時○正義曰申說匹鳥之意止則耦飛則雙性馴善而相耦則取之易得故詩特舉之鴛鴦即是萬物之一而傳以為興故又解之此交於萬物之實而言興者欲廣其義故也箋又止言魚獸二事者以天之生物飛走而已經已言鳥又舉魚獸則可以兼諸水陸矣且因王制詩傳之成文也此豺獾祭時魚獸成就皆是魚獸放縱分散之時故鴛鴦在梁戢其左翼傳言休息也於是可取之

云梁石絕水之梁戢斂也鴛鴦休息於梁明王之時

人不驚駭斂其左翼以右翼掩之自若無恐懼○戢側立

反韓詩云捷也捷其君子萬年宜其遐福云遐遠

也遠猶久也乘馬在廐摧之秣之傳摧莖也秣粟也



云摧今莖字也古者明王所乘之馬繫於廐無事

則委之以莖有事乃予之穀言愛國用也以興於其

身亦猶然齊而後三舉設盛饌恒日則減焉此之謂

有節也

○乘馬王徐繩證反四馬也鄭如字下同廐音救摧采臥反芻也秣音末穀馬也芻楚俱

反莖采臥反韓詩云委也委紆偽反猶食也與音豫齊側皆反本亦作齋饌杜戀反減古攬反

鴛至恐懼○正義曰言斂其在翼以右翼掩之舉雄者而言耳此舉鳥不恐懼亦廣興其義禮運曰龍以

為畜故魚鮪不恣風以為畜故鳥不獨麟以為畜故獸不狘是水陸飛走皆可擾馴也白華文與此同但

彼言申后見黜故以陰陽相下為義此與取自安故與此異也○摧今至有節○正義曰傳云摧莖轉

古為今而其言不明故辯之云此摧乃今之莖字也言古者明王所乘之馬繫之於廐者以王馬多矣而

此言在廢明是王所乘馬天子之馬而不常與粟言
 愛國用也序言自奉養非王身上章為興知此亦興
 故言以興於其身亦猶然也齋而後三舉設盛饌三
 舉節是設盛饌也恒日則減焉唯一舉也齋為有事
 故三舉恒日無事而一此之謂有節天官膳夫云王
 日一舉註云殺牲盛饌曰舉又曰王齋則三舉是恒
 日則減焉因奉養先盛而倒言耳此不言朔月而玉
 藻云天子之食日少牢朔月太牢明朔必加於恒日
 不知為同齊三太牢為降二太牢也玉藻曰少牢與
 周禮日一舉不同者鄭志答趙商云禮記後人所定
 或以諸侯同天子或以天子與諸侯等所施不同故
 難據也王制之法與周異者多當以經為正然則為
 記有參差故不同也

君子萬年福祿艾之



艾養也



云明王

愛國用自奉養之節如此故宜久為福祿所養也

艾○

魚益反徐又音刈

乘馬在廢秣之摧之君子萬年福祿綏之



云緩安也

○緩士具反又如字

鴛鴦四章章四句

頍弁諸公刺幽王也暴戾無親不能宴樂同姓親睦

九族孤危將亡故作是詩也



戾虐也暴虐謂其

政教如雨雪也

○頍弁缺婢反著弁貌說文云舉頭貌燕樂音洛卒章同燕又作宴

雨于付反



頍弁三章章十二句至是詩○正義

卒章同

曰作頍弁詩者時同姓之諸公刺幽

王也以王之政教酷暴而戾虐又無所親不能燕

樂其同姓親睦其九族孤危特傾危將至喪亡故同

姓諸公作是頍弁之詩以刺之為不能燕樂同姓

明諸公是同姓諸公也作詩者一人而已言諸公

者以作者在諸公之中稱諸公意以刺之也九族

亦同姓見諸公非一容九族之外故言同姓以廣

之不能燕樂即亦不能親睦親睦由於燕樂以經責王不燕樂今不親睦故分而言之耳暴戾無親即如彼雨雪先集維叢是也不能燕樂同姓親睦九族三章皆上六句是也孤危將亡卒章四句是也其首章二章上六句懼王危亡庶幾諫正亦是將亡之事也經序倒者序述論其事由暴虐無親故不能燕樂為事之次經則主為不能燕樂故先言之

有頍者弁實維伊何

傳

興也頍弁貌弁皮弁也

釋

云實

猶是也言幽王服是皮弁之冠是維何為乎言其宜

以宴而弗為也禮天子諸侯朝服以宴天子之朝皮

弁以日視朝

朝服直遙反下皆同

爾酒既旨爾殽既嘉

釋

云

旨嘉皆美也女酒已美矣女殽已美矣何以不用與

族人宴也言其知具其禮而弗為也豈伊異人兄弟

匪他

傳

云此言王當所與宴者豈有異人疏遠者乎

皆兄弟與王無他言至親又刺其弗為也蔦與女蘿

施于松柏

傳

蔦寄生也女蘿菟絲松蘿也喻諸公非

自有尊託王之尊

傳

云託王之尊者王明則榮王衰

則微刺王不親九族孤特自恃不知已之將危亡也

○蔦音鳥說文音弔寄生草也爾雅云寓木宛童是也女蘿力多反在草曰菟絲在木曰松蘿又唐蒙施

以豉反

未見君子憂心弈弈既見君子庶幾說懌

傳

弈弈然無所薄也

傳

云君子斥幽王也幽王久不與

諸公宴諸公未得見幽王之時懼其將危亡已無所

依怙故憂而心弈弈然故言我若已得見幽王諫正

之則庶幾其變改意解擇也 ○弈音亦說音悅擇音亦本又作釋怙音戶解

音 有頰至說擇 ○毛以為有頰然者之皮弁實維

蟹 伊何乎宜在於首以為表飾也以與有尊貴者

之天王維如何乎宜君於上以正綱紀也爾王之酒

既旨美矣爾王之殺既嘉善矣足能具禮何以不用

與族人燕乎王所當與燕者豈伊更有異人疏遠者

乎皆王宗族兄弟非有他人何不燕而親之合為輔

助我所以欲王之親燕者以葛與女蘿施于松柏之

上非有自根依於松柏之根故松柏存而茂松柏殞

而亡是存亡在松柏以與同姓與九族附於王者之

側非自有尊託王之尊故王政明而榮王政衰而微

是興衰由于土政所以欲王之明也下四句義具在

箋 ○鄭以為重服是有頰然者皮弁之冠是維伊欲

何爲乎直當服之以燕而王何以不爲餘同○**傳**與也至皮弁○正義曰以頌文連弁故爲弁貌弁者冠之大名稱弁者多矣但爵弁則士之祭服韋弁則服以卽戎冠弁則服以從禽非常服也唯皮弁上下通服之故知皮弁也**傳**與理不明王肅云言無常也與有德者則戴頌然之弁矣下章肅又云言冕其在人之無期也其意以傷王無德將不戴弁孫毓以皮弁非唯王者所服雖倍臣卿大夫皆得服之不足以爲王者廢興之喻以王說爲非案昭九年左傳王使詹桓伯辭於晉曰我在伯父猶衣服之有冠冕僖八年穀梁傳曰弁冕雖舊必加於首周室雖衰必先諸侯然則王者之在上位猶皮弁之在人首故以爲喻也○**實**猶至視朝○正義曰釋詁云寔是也實寔義同故實亦爲是也言是維伊何問其所用之辭則此皮爲燕之服天子皮弁以日視朝玉藻文燕禮者諸侯燕臣子之禮經云燕朝服諸侯用朝服燕則知天子亦自以朝服燕也且此詩責王不燕而舉皮弁是天子燕用皮弁明矣若然王制云周人冕而祭玄衣

而養老註云凡養老之服皆其時與羣臣燕之服周人循而兼用之玄衣素裳其冠委貌諸侯以天子之燕服為朝服如彼註則天子之燕用玄衣此言皮弁者蓋天子燕服有二燕羣臣用玄冠親同姓用皮弁也賓之初筵三章箋云此祭末王與族人燕而經云側弁之俄是燕同姓用皮弁之事也○**葛**葛寄至松蘿○正義曰葛釋草無支寄生者毛以時事言之耳陸璣疏云葛一名寄生葉似當盧子如覆盆子赤黑恬美釋草云唐蒙女蘿女蘿菟絲毛意以菟絲為松蘿故言松蘿也陸璣疏云今菟絲蔓連草上生黃赤如金合合藥菟絲子是也非松蘿松蘿自蔓松上生枝正青與菟絲殊異事或當然○**葛**奔奔然無所薄○正義曰奔奔憂之狀憂則心遊不定故為無所薄也下章傳曰怲怲憂盛滿言憂之多○**葛**君子至解釋○正義曰以王不燕樂而欲見之故知君子為幽王也此悅懌文與下章有臧相值有臧冀王之善則此亦冀王意悅懌故云庶幾其變

有頍者弁實維何
 改意解懌言當開解而悅懌也

期

變

云何期猶伊何也期辭也

○期本亦作其音基王如字

爾酒

既旨爾殽既時

變

時善也豈伊異人兄弟具來

變

云

具猶來也蔦與女蘿施于松上未見君子憂心怲怲

既見君子庶幾有臧

變

怲怲憂盛滿也臧善也

○怲怲真命

反有頰者弁實維在首爾酒既旨爾殽既阜豈伊異

人兄弟甥舅

變

云阜猶多也謂吾舅者吾謂之甥

變

變謂吾舅者吾謂之甥。此義曰釋親文也此諸公而及甥舅以甥舅王之外親皆是緣王與衰故亦欲

從王燕之也

如彼雨雪先集維霰

變

霰暴雪也

變

云將大

雨雪始必微温雪自上下遇温氣而搏謂之霰久而

寒勝則大雪矣喻幽王之不親九族亦有漸自微至

甚如先霰後大雪

○霰蘇薦反消雪也字亦作霓搏徒端反

死喪無日無

幾相見樂酒今夕君子維宴

○

云王政既衰我無所

依怙死亡無有日數能復幾何與王相見也且今夕

喜樂此酒此乃王之宴禮也刺幽王將喪亡哀之也

○喪息浪反幾居豈反

○

如彼至維宴○正義曰言

注同樂音洛復扶又反

王政教暴虐如彼天之雨

下大雪其雪必先集聚而搏維為小霰而後成為大雪是雪有漸也以興幽土之為惡亦初為小惡而成

為大惡亦惡有漸也王漸益惡今則大甚王若覆滅

則已亦喪亡我等死與喪亡無有日數復無幾何與

士相見永不得王之燕禮矣且自相與喜樂此酒於

今之夕以王必不燕已故自巳酒維當王之燕禮○

霰暴雪。○正義曰：以此幽王漸致暴虐，且初為霰者，久必暴雪，故言暴雪耳。非謂霰即暴雪也。○將人至大雪。○正義曰：先集者謂雪集聚也。解雪當能下而言，身意天將大雨，雪其始必微溫，暖雪自上下逢遇，溫氣消釋，集聚而搏，謂之霰。積久而雪之寒氣勝此，溫氣則大雪散下，是雪有漸。故喻王惡自微至甚，如先霰後雪，大戴禮曾子云：陽之專氣為霰，陰之專氣為雹。盛陽氣之在雨水，則溫暖為陰氣薄而脅之，不相入，則搏為霰也。盛陰之氣在雨水，則凝滯而為雪。陽氣薄而脅之，不相入，則消散而下，因水而為霰。是霰由陽氣所薄而為之，故言遇溫氣而搏也。

頰弁三章章十二句

車牽大夫刺幽王也。褒姒嫉妬無道，並進讒巧，敗國德澤，不加於民。周人思得賢女以配君子，故作是

詩也

○牽胡睛反車軸頭鐵也嫉音疾又音自妬丁故反販必邁反又如字下註同

車

牽

五章章六句至是詩○正義曰作車牽詩者周大夫所作以刺幽王也以當時褒姒在王后之位情性嫉妬由物類相感而小人道長故使無道之輩並進於朝讒佞巧言傾敗國家令王之德澤不加於民使致下民離散周人見其如此乃思得賢女以配君子幽王欲令代去褒姒教幽王改修德教故作是車牽之詩以刺之上言大夫下言周人見大夫所作述眾人之意故也此經五章皆以褒姒嫉妬思得賢女代之言思變季女是褒姒嫉妬也德音來括是民已離散者也合德來教欲王之改修德教是德澤不加於民也故皆反經而序之所以相發明也

間關車之牽兮思變季女逝兮

傳

興也間關設牽也變

美貌季女謂有齊季女也

箋

云逝往也大夫嫉褒姒

之為惡故嚴車設其牽思得變然美好之少女有齊

莊之德者往迎之配幽王代褒姒也既幼而美又齊

莊庶其當王意

○變力竟反齊側皆反下
同少詩照反本亦作季女

匪飢匪渴

德音來括

括

括會也

括

云時讒巧敗國下民離散故

大夫汲汲欲迎季女行道雖飢不飢雖渴不渴覲得

之而來使我王更修德教合會離散之人

○括本又作佑音活

徐古濶反

雖無好友式燕且喜

式

云式用也我得德

音而來雖無同好之賢友我猶用是燕飲相慶且喜

○好呼報反

式

間關至且喜○正義曰周人惡褒姒
嫉妬讒佞在朝欲得賢女以代之故

註下並同

言已欲間關然以設車之牽兮思得變然美好齊莊
之少女往迎之兮若有此女可得往迎其於行道雖
飢非以為飢雖渴非以為渴所以然者覬望此女以
令德善音來發教諫於王使施行德澤會合離散之
人凡人之喜樂須賢女共之我若迎得此女須無同
好之賢友猶用是得賢女之故燕飲酒相慶而且喜
樂嫉衷妒之甚思賢女之幼雖無朋友亦將獨喜也
○**○**間關至有齊季女○正義曰以連言牽兮故知
間關設牽貌牽無事則脫行乃設之故言設牽也有
齊季女者采蘋經文也以其當為王后欲代嫉妬明
其非直幼少而已是以箋述之云既美
好而少又有齊莊之德庶其當王意也

集維鵲辰彼碩女令德來教
依茂木貌平林林木

之在平地者也鵲雉也辰時也
云平林之木茂則

耿介之鳥往集焉喻王若有茂美之德則其時賢女

來配之與相訓告改修德教

音驕

式燕且譽好爾無

射

云爾女女王也射厭也我於碩女來教則用是

燕飲酒且稱王之聲譽我愛好王無有厭也

射音亦下同

厭於豔反下同王又欲王有美德致此賢女故言依然而

茂盛者彼平林之木有往集之者維為鷓雉也此鷓

之德者君子之身有來配之者維為碩女也此碩女

有齋莊之德由君子之身美則來配焉是美德能致

碩女也如此則王若有茂美之德則其時彼有美大

之賢女以命善之德來配於王與王相訓令王改脩

德教我用是之故則燕而飲酒且稱王之聲譽又愛

好汝王無有厭倦也依茂至辰時正義曰依

為林之狀以茂而致雉故知依為茂木貌也周禮有

毛詩流

卷之四十三

及

也鷓雉釋鳥文以說文云鷓長尾雉走鳴乘舉尾為
 防銳著馬頭上陸機疏云鷓微小於翟也走而且鳴
 曰鷓鷓其尾長肉其美故林麓山下人語曰四足之
 美有鹿兩足之美有鷓鹿者似鹿而小是也此鷓是
 雉中之別名雉性取介故箋謂之取介之鳥士相見
 註云贊用雉者取其取介交有時別有倫雉必用死
 為其不可生服是取介也以雉有取介之性
 喻碩女有貞專之德碩大也言美大之女 雖無旨
 酒式飲庶幾雖無嘉穀式食庶幾雖無德與女式歌

且舞




云諸大夫覲得賢女以配王於是酒雖不美

猶用之此燕飲穀雖不美猶食之必皆庶幾於王之

變改得輔佐之雖無其德我與女序是歌舞相樂喜

之至也

○樂



諸大至之至○正義曰以言與汝
 是相於非一之辭故言諸大也人

之飲食必樂其旨嘉今喜而用之故不待旨嘉經再
言庶幾其意則同故箋於食之下總云皆庶幾於王
之變改已得輔佐之也說燕樂之事而言無德者以
人燕樂欲與賢德者同之若非賢德則燕不樂矣上
云雖無好友以已爲主引人從已而已而言故云已
無賢友此言無德與汝以彼爲主持已就人自己而
言故云已身無德爲謙辭耳

陟彼高岡析其柞薪析其柞薪其葉

溍兮



云陟登也登高岡者必析其木以爲薪析其

木以爲薪者爲其葉茂盛蔽岡之高也此喻賢女得
在王后之位則必辟除嫉妬之女亦爲其蔽君之明
○木星歷反柞子洛反溍思敎反茂盛也
爲于僞反下亦爲同辟婢亦反又音壁

鮮我覲爾

我心寫兮



云鮮善覲見也善乎我得見女如是則

我心中之憂除去也

○鮮息淺反徐音仙觀古候反女音汝行如是下孟反一本無

行○陟彼至寫兮○正義曰言有人登彼高岡之上

字○當必析伐其梓木以為薪析伐其梓木以為薪

者以此梓木其葉滑滑然茂盛兮為其蔽岡之高故

我伐而去之以與有賢女居彼王后之位則必辟除

裒奴以為賤辟除裒奴以為賤者以此裒奴其惡衆

多為其蔽王之明故除而去之善乎我得見汝之新

昏賢女辟除裒奴如是則我心中之憂寫除而去兮

喜之至也○登高至之明○正義曰以析者是除

去之辭又言滑兮為茂盛故喻其蔽岡之高以喻取

一象欲見其體而不得見之則為蔽也言為薪是廢

棄不用之辭故辟除○高山仰止景行行止四牡騤騤

嫉妬亦廢棄之也

六轡如琴

○

景大也

○

云景明也諸大夫以為賢女

既進則王亦庶幾古人有高德者則慕仰之有明行

者則而行之其御羣臣使之有禮如御四馬駢駢然

持其教令使之調均亦如六轡緩急有和也○仰止本或作

仰之景行下孟反註有明行同牡茂口反駢孚非反調音條和胡臥反

覲爾新昏以慰

我心○

慰安也

○

云我得見女之新昏如是則以慰

除我心之憂也新昏謂季女也

○慰怨也於願反王申為怨恨之義韓詩

作以慍我心慍惠也本或作慰安

○高山至我心○

也是馬融義馬昭張融論之詳矣

○毛以為若得賢

女在王后之位則諫王使之為善庶幾於古人有高



顯之德如山者則慕而仰之有遠大之行者則法而

行之既慕德行善則調御有法如善御者使四牡之

馬駢駢行而不息進止有度執其六轡緩急調和如

琴瑟之相應也喻王法仰高大善御羣臣使有禮法

成其文章如六轡之御四馬也得賢女則令王如是

我所以願見之也我若得見爾之新昏使王改修也
 如是則以安慰我心除其憂矣○鄭唯以景為明為
 異餘同○景明至有和○正義曰傳云景大釋詁
 文箋必易之為明者以行須行之故以為明見其明
 白可法明亦大也言高山者以山之高比人德之高
 故云古人有高德者則慕仰之也且仰是心慕之辭
 故為高德德者在內未見之言行者已見施行之語
 德則慕仰多行則法行故仰之行之異其文也六轡
 以御四馬故以喻王御羣臣六轡如琴猶言執轡如
 組轉相比並以發明其意也四牡傳曰駢駢行不止
 此亦然也○慰安○正義曰傳以慰為安箋言慰
 除以憂除則心安非是異於傳也孫毓載毛傳云慰
 怨也王肅云新昏謂褒姒也大夫不遇賢女而後徒
 見褒姒讒巧嫉妬故其心怨恨徧檢今本皆為慰安
 凱風為安此當與之同矣此詩五章皆思賢女無緣
 未句獨見褒姒為恨肅之所言非傳旨矣定本慰安
 也

車牽五章章六句

諸暨圖書館
ZHUJI LIBRARY

毛詩疏

卷之二十四

及

毛詩

卷十四

詩

諸暨圖書館
ZHUJI LIBRARY

毛詩註疏卷第十四

十四之三

漢鄭氏箋

唐孔穎達疏

毛詩小雅

青蠅大夫刺幽王也

蠅餘仍反

營營青蠅止于樊

傳

興也營營往來貌樊藩也

釋

云興

者蠅之為蟲汗白使黑汗黑使白喻佞人變亂善惡

也言止于藩欲外之令遠物也

○營如字說文作營云小聲也樊音煩藩

方元反一本甫煩反汗汗辱之汗鳥路反令力成反遠于萬反

豈弟君子無信讒言

云豈弟樂易也

○豈開在反悌音弟
樂音洛易以鼓反

營營至讒
言○正義

曰言彼營營然往來者青蠅之蟲也此蟲汗白使黑

汗黑使白乃變亂白黑不可近之當去止於藩籬之

上無令在宮室之內也以與彼往來者讒佞之人也

讒人喻善使惡喻惡使善以變亂善惡不可親之當

棄於荒野之外無令在朝廷之上也讒人爲害如此

故樂易之君子謂當今之王者無得信受此讒人之

言也○樊藩○正義曰釋言文也孫炎曰樊圃之

藩然則園圃藩籬是遠人之物欲令蠅止之故箋云

外之令遠物令使遠於近人之物又藩以細木爲之

下章棘榛卽是爲藩之物故下傳曰榛所以爲藩明

棘亦然也此章言藩下章

言所用之木互相足也

營營青蠅止于棘讒人罔

極交亂四國

所以爲藩也

○榛士巾反
又側巾反

讒人罔極構我二人

云

構合也合猶交亂也

疏 構合也合猶交亂。正義曰：構者構合兩端，令二人彼

此相嫌交更感亂，與上章義同。故云：猶交亂也。上言四國，此云二人者，二人謂人君與見讒之人也。讒者每人讒之，常構二人，構之不已，至交亂。四國先多而後少，故云四國也。

青蠅三章章四句

賓之初筵，衛武公刺時也。幽王荒廢，嬖近小人，飲酒

無度，天下化之。君臣上下沈湎，淫液。武公既入而

作是詩也。

箋 淫液者飲酒時情態也。武公入者入

為王卿士。

○筵音延，謀息切。反近附近之，近沈如字。直林反，字或作枕。都南反，湎莫衍反。

飲酒齊其色曰湎，徐又莫。顯反。液音亦，態他代反。

疏 賓之初筵，五章章十句。至是詩。○正義

曰賓之初筵詩者衛武公所作以刺時也以幽王
政教荒亂而惰廢乃媒慢親近小人與之飲酒無
有節度令使天下化而效之致天下諸侯君臣上
下亦效而行之沈酗於酒涵齊顏色淫液不止遂
成風俗衛武公既入爲王之卿士見其如此而作
是詩以刺之也定本集注並云飲酒無度俗本作
飲食誤也刺時者卽幽王之時也以幽王之文見
於下故言刺時以目之案著云刺時也時不親迎
斲以爲直刺君身則言時者目其時之君由可以
兼見於當時矣此君臣上下文在天下化之之下
則是天下諸國之君臣也沈涵淫液卽飲酒無度
之事舉化者尚沈涵淫液則王朝亦沈涵淫液可
知次言武公既入者言作詩之早晚耳雅者言天
下之事形於四方之風譚大夫尚得作詩以刺王
則在國亦得作不要待入王朝也沈涵者尚書微
子曰用沈酗于酒亂敗厥德于下蕩曰天不涵爾
以酒箋云天不同爾顏色以酒酒誥注云齊色曰
涵然則沈涵者飲酒過久若沈沒然使涵然俱辭

顏色齊同也此經五章毛以上二章陳古燕射之禮次二章言今王燕之失鄭以上二章陳古大射行祭之事次二章言今王祭末之燕俱以上三章陳古以駁今次二章刺當時之荒廢卒章乃言天下化之二章四章言賓屢舞號呶是媠近小人飲酒無度也卒章言凡此飲酒爲天下之辭是天下化也卒章無君臣淫液之事者此天下化之效上所爲效者尚然若臣可知故經舉天下之民以明其君臣也不醉反恥是使齊醉也其設戒童叟之言出與不出之語並爲沈湎之事也或以爲君臣上下沈湎淫泆倒本幽王之君臣則天下化之宜居於下非文之勢理在不然○淫泆至情態○正義曰樂記說樂之遲去味歎之淫泆之則淫泆遲久之意也小人未醉身有惡態強自收掩及其醉酒則舊時情態皆出莊子說察人之法曰醉之以酒以觀其態是久飲酒則情態出也下箋云至於旅酬小人之態出亦謂久飲態出故舞不知止也定本集注態下皆無出字毛於首章傳曰有燕

射之禮二章傳曰王人請射於賓則毛以上二章皆陳古者先行燕禮後爲燕射無祭祀之事也燕禮於旅酬之後云若射則大射正爲司射如鄉射之禮是燕射之法先行燕禮而後射也首章舉酬逸逸以上八句皆說燕事舉酬卽旅酬也燕禮旅後乃射故舉酬之下說大侯旣坑之下六句爲射事也燕必有樂故二章又重說燕事籥舞笙鼓是燕時之樂若燕樂之義得先祖之神悅故因論樂事遂引而致之言樂旣和而奏之可以進樂先祖每事得禮則神降之福至子孫其湛以來六句說燕樂得宜可使明神降福之意燕樂得所則神明福之是不可不以禮燕射故下四句復說射事言賓主相耦入次取弓矢而又射也此兩章皆初論燕後論射而首章言籥豆二章言笙鼓者燕以飲食爲主作樂助其勸耳故先言酒殽而後言聲樂三章四章言今王燕飲初雖重慎後則失儀至於音聲號呶舞不休息卒章言下民化之亦荒於酒皆刺當時沈湎之事鄭以將祭而射謂之大射大

射之初先行燕禮首章上八句言射初飲燕之事
下六句言大射之事二章言作樂以祭盡章皆說
祭時之事三章四章言今王祭未與族人私
燕小人為賓威儀昏亂唯卒章與毛同耳

賓之初筵左右秩秩

秩秩然肅敬也

筵

云筵席也左

右謂折旋揖讓也秩秩知也先王將祭必射以擇士

大射之禮賓初入門登堂即席其趨翔威儀甚審知

言不失禮也射禮有三有大射有賓射有燕射

○秩直乙

反鄭智也折之吾反知音智下同

籩豆有楚

穀核維旅

楚列貌穀

豆實也核加籩也旅陳也

豆

云豆實菹醢也籩實有

桃梅之屬凡非穀而食之曰穀

○穀核上戶交反下戶革反菹側俱反

酒既和旨飲酒孔偕

傳

云和旨酒調美也孔甚也王

之酒已調美眾賓之飲酒又威儀齊一言主人敬其

事而眾賓肅慎

音皆

鐘鼓既設舉疇逸逸

傳

逸逸往

來次序也

傳

云鐘鼓於是言既設者將射改縣也

疇

市由反

大侯既抗弓矢斯張

傳

大侯君侯也坑舉也

有燕射之禮

傳

云舉者舉鵠而棲之於侯也周禮梓

人張皮侯而棲鵠天子諸侯之射皆張三侯故君侯

謂之大侯大侯張而弓矢亦張節也將祭而射謂之

大射下章言烝衍列祖其非祭與

○抗若浪反斯張如字鵠戶沃反鵠

鴿也說文云卽鵠也小而難中又云鴿者覺也直也射者直已志棲音西著也梓音子而苦旦反祭與音餘本作乎又射夫既同獻爾發功云射夫衆射者作也並非

也獻猶奏也既比衆耦乃誘射射者乃登射各奏其

發矢中的之功發如字徐音廢比毗志反中丁仲反發彼有的以祈

爾爵的質也祈求也云發發矢也射者與其耦

拾發發矢之時各心競云我以此求爵女爵射爵也

射之禮勝者飲不勝所以養病也故論語曰下而飲

其爭也君子的音勻本亦作的同祈音其拾其劫反更也飲於鳩反下同爭爭鬪之爭

燕禮賓之至爾爵毛以為古之將行燕射先為燕禮燕禮之時其賓之初入門以至於升筵其折旋揖

讓隨其左右趨翔威儀甚肅敬而秩秩然而不失禮也其升筵之時則王之籩豆有楚然而陳列之矣又菹醢之殺與有核桃梅維旅而陳之於籩豆之上矣其王之酒既又和調音美時衆賓之飲酒者威儀甚偕言其齊一而順禮也及其將射鐘鼓既已改設舉相酬之爵逸逸然往來而有次序也既旅之後止飲而行射事君之所射大侯既舉而張之其衆射之弓矢於斯舉侯之時又亦張之矣弓矢既張衆射之夫既同登於堂而在射位遂各呈奏爾之射者發矢中的之功此射者發矢射彼有的與其耦拾發之時則各心競云我發必使中以求不飲汝養病之爵今不能然故舉以刺之○鄭唯行燕至安賓之後而行大射為異其文義則同○**釋**秩秩然肅敬○正義曰箋依釋訓云秩秩智也傳言肅敬者以序刺牒慢由有智而能肅敬理亦通也○**筵**席至燕射○正義曰春官司几筵注云筵亦藉也鋪陳曰筵藉之曰席然其言之筵席通也左右謂折旋揖讓者以賓與主人為禮隨其左右之官其行或左折或迴旋相揖而辭

讓也。今大射禮，諸侯與其臣行禮，使宰夫爲主人，案其經，擯者納賓及庭，公降一等揖之。公外席，賓列自西階，主人從之。賓右北面，再拜。賓答拜，主人降洗。賓降，主人辭降，主人取鬴洗。賓辭洗，主人卒洗。賓揖升筵，前獻賓。賓拜受爵於筵前，然後賓升筵。是賓初入門，至卽筵，以來每折旋揖讓之事也。折旋揖讓，則或左或右，故知左右謂折旋揖讓也。射義曰：古者諸侯之射也，必先行燕禮，故此言升筵薦酒行燕禮也。射義又曰：天子將祭，必先習射於澤宮。澤宮者，所以擇士也。已射於澤宮，然後於射宮射。中者，得與於祭，不中者，不得與於祭。是先王將祭，必射以擇士也。先於澤宮後於射宮，是將祭再爲射禮。澤宮言習射，則未是正射。射於射宮，乃行大射。云公入，驚注云：此公出而言入者，大射於郊，鄉射記曰：於郊則閭中注云：於郊謂大射於學，則射宮者，西郊之學也。澤宮之所在，則無明文。言賓之初筵，左右秩秩，則從爲賓，以至於卽筵，皆秩秩也。以其言廣，故云大射之禮。賓初入門，登堂卽席，其趨翔威儀甚審，智言其不失禮也。審智言

其安審而有智與毛肅敬同也毛以此篇為燕射鄭則為大射因辨禮射之數言已不同之意也故云射禮有三有大射有賓射有燕射大射者將祭擇士於射宮賓射者謂諸侯來朝與之射於朝燕射者因燕賓客即與射於寢此三者其處不同其侯亦別冬官梓人云張皮侯而棲鶴則春以功張五采之侯則遠國屬張獸侯則王以息燕三者別文皮侯即大射也五采之侯賓射也獸侯燕射也不言鄉射者鄉射是州長與其民射於州序之禮天子諸侯無之故不言也○**傳**楚列至旅陳○正義曰此言籩豆之設故知楚為陳列貌也此經二句自相克配穀核即籩豆所盛穀則實之於豆核則加之於籩故言穀豆實核加籩也先穀後核不依籩豆次者便其文耳祭禮有加豆籩傳言加籩豆知非加豆籩者以此非祭無取加豆之義而又大官籩人加籩之實菱茨粟脯非杉物且以穀豆實類之知加之於籩非為籩加之也旅陳釋詁文楚是陳列之貌旅又為陳者謂陳穀核於籩豆之上也○**傳**豆實至曰穀○正義曰天官醢人掌

四豆之實非菹醢醢之等皆實之於豆實謂菹醢籩人云饋食之籩其實棗栗桃乾蓀注云蓀乾梅也內則有桃諸梅諸是其乾者也桃梅有核之物申傳說加籩之義故云籩實有桃梅之屬故稱核也言之屬者以燕之物多非止桃梅故稱屬也既以豆實爲道醢恐穀名唯施於此故云凡非穀實而食之曰穀明穀是總名以此文穀核於籩豆相對故分之耳其實核亦爲穀魏風曰園有桃其實之穀是在籩之物亦爲穀也醢人云羞豆之實醢食糝食醢糝皆以稻米爲之則豆實之穀亦有穀實矣言非穀實者穀實謂爲飯食者也今變爲雜用不同穀實之限○主人至肅慎○正義曰借者俱也言其俱相類故言衆賓之飲酒又威儀齊一也言主人敬其事而衆賓肅慎明賓主皆得其宜所以爲美也○逸逸往來次序○正義曰燕禮旅酬之後乃云若射此將射而言舉酬行旅也旅者以長幼次序之言故知逸逸往來有次序也燕禮初則云樂人宿懸注云懸鐘磬也國君無故不徹懸言懸者爲燕新之然則於此言鐘鼓旣

設者亦為將射改懸也以天子宮懸階間妨射位故
改懸以避射也鄉射禮將射乃云樂正命弟子贊工
遷樂于下注云當避射位彼琴瑟之樂尚遷之明鐘
鼓之懸改之矣○鐘鼓至改懸○正義曰大射諸
侯之禮云樂人宿懸厥明乃射明天子亦然今至於
舉酬始言鐘鼓既設故知將射改懸也大射不言改
懸者國君與臣行禮略三面而已不具軒懸東西懸
在兩階之外兩階之間有二建鼓耳東近東階西近
西階又無鐘鼓不足以妨射不須改也大射注云國
君於其羣臣備三面耳無鐘磬有鼓而已其為諸侯
則軒懸是由階間無懸故不改也鄭言諸侯為諸侯
則軒懸明天子於其臣備宮懸將射而改之故於此
言既設也○大侯至之禮○正義曰傳唯言大侯
君侯不言侯之所用梓人云張獸侯則王以息燕是
燕射射獸侯則毛意亦當然矣燕射之禮自天子至
士皆一侯上下共射之無二侯二侯故鄉射記云天
子熊侯白質諸侯麋侯赤質大夫布侯畫以虎豹士
布侯畫以鹿豕注云此所謂獸侯也燕射則張之鄉

射及賓射當張采侯二正而記此者天子諸侯之燕射各以其鄉射之禮而張此侯是以云焉白質赤質者皆謂采其地不采者白布也熊麋虎豹鹿豕皆止面畫其頭象於正鵠之處君畫一臣畫二陽奇陰耦之數也燕射射熊虎豹不忘上下相犯射麋鹿豕志在君臣相養也其畫之者皆毛物也又曰凡畫者丹質注云賓射之侯燕射之侯皆畫雲氣於側以爲節必先以丹采其地丹淺於赤又曰鄉侯中十尺侯道五十弓弓二寸以爲侯中如此則天子燕射唯射一侯耳侯身一丈其中三分居一以白地畫熊於外則丹地畫以雲氣唯此一侯君臣共射而云大侯君侯者以君所射故謂之大傳解言大之意故以君侯釋之非謂與君臣別侯也大射禮云大侯九十弓彼張三侯其九十弓者最高大故云各大侯亦以君之所射故也言有燕射之禮者以上文謂燕此下說射故言禮有燕射之禮故此詩得言之若然燕禮言若射如鄉射之禮按鄉射初則張侯此舉酬之下始言大侯既抗者鄉射之初雖言張侯而以事未至經云不

繫左下綱中掩束之至於將射以司正為司馬乃云
 司馬命張侯弟子脫束遂繫左下綱是將射始張之
 故於此言既抗也○舉者至祭與○正義曰按大
 射前射三日司馬命量人中車張三侯夏官射人云
 若王大射則以狸步張三侯則天子亦前射三日其
 侯射人張之矣此將射而言大侯既抗明非始張侯
 體言舉鵠而棲之於侯中也知者鄭既云周禮梓人
 張皮侯而棲鵠是鵠在侯復別棲之棲即舉也彼注
 云皮侯以皮所飾之侯也其上云梓人為侯廣與
 崇方三分其廣而鵠居一焉注云高廣等謂侯中天
 子射禮以九為節侯道九十弓弓二寸以為侯中高
 廣等則天子侯中一丈八尺諸侯於其國亦然鵠所
 射也以皮為之各如其侯也居侯中三分之一則此
 鵠方六尺唯大射以皮飾侯故言張皮侯而棲鵠也
 天官司裘注亦云以虎熊豹麋之皮飾其側又方制
 之為質謂之鵠著於侯中所謂皮侯也又解名曰大
 侯之意天子諸侯之射皆張三侯故云君侯謂之大
 侯鄭以此為大射故云張三侯若燕射則張一侯而

已無三侯也射人云王大射張三侯司裘王大射供
虎侯熊侯豹侯設鵠天子之射張二侯也大射巾車
張三侯是諸侯之射張二侯也司裘又曰諸侯供熊
侯豹侯不三侯者注云諸侯謂三公及王子弟封於
畿內者是畿內諸侯屈於天子故二侯也謂之侯與
鵠者司裘注云謂之侯者天子中之則能服諸侯以
下中之則得為諸侯謂之鵠者取名鵠也鵠小
鳥而難中是以中之為俊也亦取名鵠之言較較者
直也射所以直已志也大射注云或曰鵠鳥名也淮
南子曰鵠鵠知來然則所云正者正也亦鳥名也齊
魯之間名題肩為正正鵠皆鳥之棲點者也此因大
射之鵠而又解賓射之正故言然也射人注云正之
言正也射者內志正則能中焉是取鳥為名又取正
為義亦猶鵠也既已棲鵠便即射之故云侯張而弓
夫亦張節也解抗侯之不言張弓之意弓可言張而
并言矢者矢配弓之物連言之耳既言大射之禮而
毛以此為燕射故破之云將祭而射謂之大射下章
言烝所烈祖其非祭乎既烝所烈祖是為祭事則此

時祭爲大射明矣故難之也鄭異於毛多矣唯采蘋
及此難之者出於當時之意耳王肅述毛云幽王餼
酒無度故言燕禮之義其奏云言燕樂之義得則能
進樂其先祖猶孝經說大夫士之行曰然後能守其
宗廟而保其祭祀非唯祭之日然後能保而行之以
此故言烝衍非實祭也孫毓以爲燕禮輕祭事重幽
王無度無不慢也舉重可以明輕輕不足以明重又
錫爾純嘏子孫其湛非燕飲之文所得及也一篇之
旨箋義爲長○射夫至之功○正義曰大射所以
擇士當助祭者莫不在焉既同非一之辭故知射夫
衆射者也獻奏皆奉上之言以發矢能中是呈奏已
功故以獻爲奏也大射禮選羣臣爲三耦若大夫不
足以士充之三耦之外其餘衆士與射者各自取匹
謂之衆耦射人說賓射之禮云王以六耦則天子大
射亦六耦也故周禮夏官大司馬職云若大射則合
諸侯之六耦此其義也射人云諸侯四耦大射唯三
耦者賓射對鄰國之君尊故四耦大射與已之臣子
卑故降之天子尊無與敵其與射者皆是諸侯來朝

及在朝公卿無所差降明矣大射賓射但六耦之外亦當有衆耦矣言既比衆耦乃誘射者衆耦正謂王之六耦之外衆耦也何者大射於司射誓射之下云遂比三耦司射命三耦取弓於次司射升堂誘射既誘射然後三耦登堂而射三耦既射乃云遂比衆耦是比衆耦在誘射之後乎此箋云既比衆耦乃誘射射者乃登堂而射各奏其發矢中的之功言比衆耦文在誘射之上誘射之下始云登堂而射故知衆耦非如大射之衆耦也必知然者射以正耦爲主故禮定其尊卑之數其餘衆耦纔末而已鄭何當舍其正耦而言及衆乎正以六耦非一故稱衆也言誘射者大射注云誘教也夫子循循然善誘人○**禮**的質○正義曰毛氏於射侯之事正鴝不明唯猗嗟傳云二尺曰正亦不言正之所施禮鄭衆馬融注皆云十尺曰侯四尺曰鴝二尺曰正四尺曰質則以爲侯皆一丈鴝及正質於一侯之中爲此等級則亦以此質爲四寸也王肅亦云二尺曰正四寸曰質又引爾雅云射張皮謂之侯侯中者謂之鴝鴝中者謂之正

正方二尺也正中謂之藝方六寸也藝則質也舊云
方四寸今云方六寸爾雅說之明宜從之此肅意唯
改質爲六寸其餘同鄭馬也賈逵周禮注云四尺曰
正正五重鵠居其內而方二尺以爲正正大於鵠鵠
在正內雖內外不同亦共在一侯鄭於周禮上下檢
之以爲大射之侯其中制皮爲鵠賓射之侯其中采
畫爲正正大如鵠皆居侯中三分之一其燕射則射
獸侯侯中畫爲獸形卽鄉射記所謂熊侯白質之類
矣三射之侯皆不同也射人注說畫正之法云其外
之廣居侯中三分之一中言二尺與毛傳二尺曰正
同也射義云孔子曰循聲而發發而不失正鵠者其
唯賢者乎詩云發彼有的以祈爾爵旣言正鵠卽引
此的則詩人之意以的爲正鵠之謂也司裘注說皮
侯之狀云以虎熊豹麋之皮飾其側又方制之以爲
質謂之鵠是鄭意以侯中所射之處爲質也此傳唯
言的質也不言質之大小不必同於諸儒四寸六寸
也且的者明白之言若廣纔四寸不足以爲明矣蓋
亦爲所射處與鄭同也毛以此爲燕射則的者謂箭

侯白質者也。○發發矢至君子。○正義曰言射事
故知發爲發矢。大射禮曰上射既發挾矢而後下射
射拾發以將乘矢。是射者與其耦拾發也。彼注云拾
更也將行也。然則四矢謂之乘言射者更代發以行
此四矢使四矢徧射也。上言獻爾發功謂其行射時
此又本其發時之心。故云發矢之時各心競云我以
此求汝爵謂求不飲也。射義引此詩卽云祈求也。求
中以辭爵也。酒者所以養老所以養病求中以辭養
也。注云欲求中之者以求不飲汝爵是矣。故此云射
之禮勝者飲不勝者所以養病是辭養也。大射禮曰
司射命設封司宮士奉豐山。西階升坐設於西楹。西
勝者之弟子洗。解升酌散。南面坐奠于豐上。司射命
三耦及衆射者勝者皆袒決遂執張弓不勝者皆襲
脫決拾却左手右加弛弓於其上。遂執附勝者先升
堂不勝者進北面坐取豐上之解與少退立卒解坐
奠於豐下。三耦卒飲衆皆繼飲射爵如三耦是飲射
爵之禮。故論語曰下而飲其爭也。君子引此者明祈
爾爵爲心中之爭也。此飲於西階上言下而飲。卒謂

飲射爵時揖讓而升下意取而飲與爭故引彼文不盡耳射義又曰射者仁之道也射者求正諸已已正而後發發而不中則不怨勝已者反求諸已而已矣是各心爭之事也

籥舞笙鼓樂既

和奏烝衍烈祖以洽百禮

禮 秉籥而舞與笙鼓相應

管

云籥管也殷人先求諸陽故祭祀先奏樂滌蕩其

聲也烝進行樂烈美洽合也奏樂和必進樂其先祖

於是又合見天下諸侯所獻之禮

○籥余若反衍若旦反洽戶夾反應

應對之應滌徒歷反樂音洛下

樂其湛樂喜樂下文曰樂並同

傳

壬大林君也

禮

云壬任也謂卿大夫也諸侯所獻

之禮既陳於庭有卿大夫又有國君言天下徧至得

萬國之歡心

音遍

錫爾純嘏子孫其湛

傳

嘏大也

傳

云純大也嘏謂尸與主人以福也湛樂也王受神之

福於尸則王之子孫皆喜樂也

錫音析古雅反湛答南反

其湛

曰樂各奏爾能賓載手仇室人入又

傳

手取也室人

主人也主人請射於賓賓許諾自取其匹而射主人

亦入于次又射以耦賓也

傳

云子孫各奏爾能者謂

既湛之後各酌獻尸尸酢而卒爵也士之祭禮上嗣

舉奠因而酌尸天子則有子孫獻尸之禮文王世子

曰其登餼獻受爵則以上嗣是也仇讀曰剡室人有

室中之事者謂佐食也又復也賓手挹酒室人復酌

為加爵○能如字徐奴代反又奴來反仇毛音求匹也鄭讀為鄭音俱謂挹取酒餒子峻反復扶

又反下皆同挹一入反酌彼康爵以奏爾時傳酒所以安體也

時中者也愛云康虛也時謂心所尊者也加爵之間

賓與兄弟交錯相疇卒爵者酌之以其所尊亦交錯

而已又無次也○中張仲反入無次也一本入作又籥籥舞至爾時○

燕禮也作樂以助樂心使人秉籥而舞與吹笙擊鼓音節相應樂既和奏之音聲甚得其所既賓主有禮

八音和樂如是則德當神明可以進樂其先有切烈之祖以合其酒食百眾之禮以獻之也祭有酒食聲

樂可歆神因言合獻眾禮以是俱是事神之物即乘而言之此酒食百眾之禮既獻而至於祖時則有祭



祀之大禮有孝子之人君可以當於神明爲神所歆
祐賜汝孝子以大夫之福令子孫其皆耽樂而歡喜
也燕樂之和可使神明降福子孫耽樂其此耽者乃
曰由燕飲之樂是燕之不可以已也故燕未將射賓
則自取其匹耦以共發而居室之主人亦入於次故
取弓矢又射以耦賓也賓主射畢而有勝否乃酌彼
安體之養爵以奏進於汝之射中者令以飲其不中
而行罰也此皆燕射之正禮疾今不行○鄭以爲旣
大射擇士與祭故於此言其祭事爲祭之初先秉籥
而舞吹笙擊鼓聲音滌蕩節度相應其樂旣和而俱
奏詔告天地之間進樂收烈之祖以合百國所獻之
禮而薦之宗廟百國所獻之禮旣至陳於庭又有卿
大夫矣有諸侯君矣是天下之徧至得萬國之歡心
所以祀其先祖也先祖於是饗而祐之錫爾王大嘏
之福令得保其家邦則王之子孫蒙神之福其皆耽
而喜樂矣子孫所以其耽者曰由喜樂於神之福是
子孫亦當敬事神明於嘏之後乃各奏見爾子孫奉
進之能酌酒而獻尸以事神也子孫旣獻於是賓則

手自斟挹其酒室中佐食之人又入而酌為加爵以
 獻尸也既加爵之後欲使神惠徧行而賓之弟子及
 已弟子酌彼空虛之爵以進汝之此時心中所尊敬
 者此皆先王祭祀之禮疾今幽王不能然至於沈湎
 而無度故舉以刺之○**禮**秉籥至相應○正義曰籥
 今云左手執籥右手秉翟是執籥以舞也舞在笙鼓
 之上明其與之相應樂器多矣燕之所用不止於此
 作者舉鼓舞而言耳此皆燕時樂也或以此為節射
 之樂按射禮主於射略於樂大射云司射命曰不鼓
 不釋言射不與鼓節相應不釋筭也樂正命太師曰
 請奏狸首間若一言謂其疏數以節射也然則射之
 樂者擊鼓作歌與射者為節而已不必大作諸樂此
 云鼓舞相應非射樂矣且傳意以此樂和奏可以進
 樂先祖安得捨燕初之盛作而指節射之略者乎以
 此知不然矣○**禮**殷人至之禮○正義曰殷人先求
 諸陽郊特牲文以人死也體魄則降智氣在上祭義
 曰氣也者神之盛也魄也者鬼之盛也合鬼與神攷
 之至也衆生必死死必歸土此之謂鬼其氣發揚上

上神之著也又曰二端既立報以二禮注云二端既立謂氣也魄也由人死有二者故作樂揚其聲音之號使詔告天地之間令魄氣聞而以降此求諸陽之義陽謂魂氣分散者也又臭鬱合鬯以灌令體聞而此二者但行之有先後耳故郊特牲曰殷人尚聲臭味未成滌蕩其聲樂三闋然後出迎牲聲音之號所以詔告於天地之間周人尚臭灌用鬯臭鬱合鬯臭陰達於淵泉灌以圭璋用玉器也既灌然後迎牲致陰氣也凡祭慎諸此魂氣歸於天形魄歸于地故祭求諸陰陽之義也殷人先求諸陽周人先求諸陰注云此其所以先後異也由此言之殷周先後雖異皆行二禮殷人之臭味未成滌蕩其聲則成臭味而作樂臭味成而行裸其相去亦幾也宗廟當九闋殷於樂闋迎牲周既灌迎牲則殷之爲灌不可在迎牲之後當亦三闋之前矣以氣魄不甚相遠求之亦先後耳故知作樂與灌不得相懸也昭七年左傳稱人生始化曰魄既生魄陽曰魂則魂魄小異耳禮記注云

復招魂復魄是魂魄相將之物也然人死精氣有遺而留者有發而升者相對故雷者爲魄發者爲魂聖人制作二禮以求之此詩說祭祀之禮不言酒食唯言樂故解之由殷人先求諸陽故祭祀之禮先奏樂滌蕩其聲以是之故此詩主言鼓舞而已此武公周之子孫而言殷禮者鄭志答趙商云衛殷之畿內君子行禮不求變俗祭祀之禮居喪之服哭泣之位皆如其國之法故衛稱殷禮是解武公言殷禮之事也鄭之此答皆下曲禮文按彼注云重本也謂去先祖之國居他國則是不變本國之俗而答志以爲不變民之俗者以禮記說大夫去國之去故知不變父祖之俗至於人君則與民爲政故順民之俗以不變事同故取禮記爲言耳必知人君當不變民俗者以秦襄公居周之故地故蒹葭刺襄公未能用周禮將無以固其國定四年左傳命伯禽以商奄之民命康叔封諸殷墟皆啓以商政皆言因其故地行其舊俗故知武公行殷之禮故舉殷法而言也此因詩文唯言奏樂故解武公之意也其實詩人之作出於本情

不必殷人皆言樂周人皆言禘也烈祖言既載清酌
玄鳥云大禘是殷人之作言酒食也執競說武王之
祭言鼓鐘管磬是周人之作言聲樂也以此知作者
各言其志立文不常箋知以洽百禮合見天下諸侯
所獻之禮者以下經云百禮既至是自外而至故知
諸侯所獻之禮也○禮記大雅君○正義曰釋詁文
毛不解百禮之義載芟文與此同傳曰百禮言多則
是君所進祭祀之禮多非諸國之所獻百禮宜為所
薦之酒食敬羞之百種也毛以此詩正論燕樂之和
其言遂及先祖皆非實祭之事則百禮既至不得為
諸侯非百國之禮自外至也然則有王有林皆異於
鄭當謂有祭祀之大禮有孝子之人君耳○禮記任至
心○正義曰鄭以此為實祭既至外來之辭則君為
諸侯之君君為國君則任是君所任者故為卿大夫
也以百禮既至則禮從外來故云所獻之禮既陳於
庭謂九州諸侯采其美物以常邦賦各獻國之所有
而陳之王庭也禮器曰大饗其王事與三牲魚腊四
海九州之美味也籩豆之薦四時之和氣也注云此

饌諸侯所獻則王者之祭致遠物以助之故知陳天下諸侯獻之禮陳於庭其禮物之外又有卿大夫又有國君也國君之來臣必從焉亦有君不來朝使臣聘者故任林並言先任後林便其文耳必陳此物及卿大夫與國君者見天下徧至得萬國之歡心孝經曰故得萬國之歡心以事其先王是其事也經言百禮而箋云萬國者皆舉大數箋因成文耳○ 嘏謂至喜樂也○正義曰嘏言既與少牢特牲受嘏文同少牢之嘏有辭是皆尸嘏神意與主人故言尸與主人以福王受神之福於尸也以王之受嘏其辭有勿替引之是福及子孫故喜樂也○ 手取至糲賓○正義曰毛以此為行燕射之禮故以手為取言室人以對賓故云室人主人以主自居於室故謂之室人也大射云司射請於公鄉射云司射請於賓則射法主司射以請之非主人自請此云主人請射於賓賓許諾者以詩之所陳略舉大綱非如記注禮儀曲言節數此總陳賓主之黨不獨陳主與正賓二人也禮從主人而起故主人請而賓許諾也又射禮耦者有

司所比不是賓自取之云賓自取匹者雖配之由於
有司其技藝敵與不敵亦強弱素定自相牽引而為
耦也大射司射及三耦等皆云取弓矢於次此云主
人亦入於次謂取弓矢也言又射以耦賓者賓為上
射主為下射故言又射以耦賓也次者大射注云次
若今更衣帳張席為之
以此論祭祀而云子孫各奏爾能故知謂既耽之後
各酌獻尸也尸尊神之象子孫敢獻之是其能也禮
獻必有酢故知尸酢而卒爵也以天子祭禮亡約士
之祭禮有嗣子舉奠因酌尸天子則有子孫獻尸之
禮特牲禮云上嗣舉奠又北面再拜稽首注云上嗣
至人將為後者舉猶飲也使嗣子飲奠者將傳重累
之也又曰尸執奠進受復位祭酒啐酒尸舉肝進受
肝復位坐食肝卒解是士之祭禮嗣子舉奠也又曰
舉奠洗爵入尸拜受舉奠拜尸祭酒啐酒奠之舉奠
出復位是因酌尸也言奠者謂迎尸之前親酌奠於
銅南嗣子於此乃舉而飲之故言舉奠自是以後因
號嗣子為舉奠也不引少牢禮者少牢無嗣子舉奠

之事特牲注云大夫之嗣子無舉首奠避諸侯然則士卑故不嫌也特牲酌尸不卒爵又無酢直啐而奠之與此不同引之者以有洗爵入事其節相當故引之又引文王世子者與此相當故云其登引餼獻受爵則以上嗣彼據世子之禮正當此事故言是也不直引文王世子而先引士之禮者以文王世子記文無行事之次約士禮準之而後明故并引之彼注云上嗣君之適長子以特牲少牢饋食禮言之受爵謂嗣子舉奠也獻謂舉奠洗爵入也餼謂宗人遣舉奠盥視命之餼也言登以三者皆登堂行之文逆者便文且令受爵文承上嗣明受之者嗣子也鄭以特牲禮文有次故順而解之與經反也天子有奠筓諸侯有奠角在於饋獻之前至祭末世子乃舉奠也郊特牲云舉筓角詔妥尸彼謂陰厭之時設饌於與奠筓銅南迎尸王而入卽席東面尸舉所奠之筓祭之至九獻之後嗣子舉所奠之筓飲而卒爵所謂受爵也既稱爲獻固當有酢而卒爵所以爲異故此云天子則有子孫獻尸之禮以明士禮無也以祭無取於匹

故曰仇讀曰酌謂酌挹取酒也室人有室中之事謂
佐食者特牲注云佐食賓佐尸食者也謂於賓客之
中取人令佐主人爲尸設饌食之人其名之曰佐食
特牲佐食一人少牢佐食二人未知天子諸侯當幾
人也特牲三獻之後長兄弟洗觶爲加爵又曰衆賓
長爲加爵注云大夫三獻而禮成多之者爲加是賓
手挹酒室人復酌爲加爵也特牲止有賓長爲加爵
不及佐食此言賓與室人俱爲加爵者天子之禮大
故佐食亦爲加也按特牲加爵在嗣子舉奠前此賓
與室人文在各奏爾能之下者此因子孫其耽先言
子孫之事令與上連故賓與室人在其後耳不以酌
獻先後爲次也○**傳**酒至中○正義曰言酒所以安
體者射義曰酒所以養病所以養老是由安體故可
以養也上章言以祈汝爵慮其耦與已爵也言以奏
爾中謂勝者之黨酌以進中者令以飲彼不中者也
各從其所而言之故王肅云奏中者以飲不中者是
也大射禮云勝者之弟子洗觶升酌散南面坐奠於
豐上是豐上之觶勝者所酌又言養是自勝者往養

不勝者之辭故知以奏爾中欲令飲不中者或以投壺云正爵既行請為勝者立馬三馬既立請慶多馬謂此以奏爾中為慶勝之爵知不然者大射鄉射皆射訖即行飲酒之禮以至於終無慶勝之事故也○

康至次○正義曰康虛釋詁文時者謂時而存在乎意故云心所尊者箋又解酌虛爵奏所尊之節故

云加爵之間賓與兄弟交錯相酬卒爵言自此以前爵未虛也特牲禮加爵之前賓酬長兄弟加爵之後

長兄弟酬賓是加爵之間賓與兄弟交錯其酬也酬賓之下云卒爵者實解於篚是卒爵也於是以後爵

乃虛矣又曰賓弟子及兄弟弟子各酌於其樽中庭北面舉觶於其長是奏所尊之事也故云酌以獻其

所尊交錯而已無次序以旅未故知無次序也言交錯而已者謂弟子舉觶之交錯非止交錯其酬也特

牲注云弟子後生者也**賓之初筵溫溫其恭****後**云此復言初筵

者既祭王與族人燕之筵也王與族人燕以異姓為

賓溫溫柔和也其未醉止威儀反反曰既醉止威儀

幡幡舍其坐遷屢舞僂僂

傳

反反言重慎也幡幡失

威儀也遷徙屢數也僂僂然

傳

云此言賓初即筵之

時能自敕戒以禮至於旅酬而小人之態出言王既
不得君子以為賓又不得有恆之人所以敗亂天下

率如此也

傳 ○反如字韓詩作叛叛音蒲板反善貌曰
既音越下是曰皆同下章放此幡孚袁反

舍音捨坐如字徐才臥反屢力具反注及下同本作
婁僂音仙屢數音朔態他代反率音類又所律反

其未醉止威儀抑抑曰既醉止威儀忸忸是曰既醉

不知其秩

傳

抑抑慎密也忸忸媿媿也秩常也

○抑於力

姓○**僂**反反至僂僂然○正義曰此言自重而謹慎
 與下抑抑慎密一也謂慎禮而密靜即為美之義故
 假樂傳曰抑抑美也幡幡失威儀亦由媠慢故下傳
 曰必必媠慢也僂僂舞貌也傳直云僂僂者是貌狀
 之辭下徵僂僂俱是貌狀亦宜然矣○**此言至**
 如此○正義曰鄭以章句相接故因上經言初即筵
 之時能自勅戒以禮未醉之前謂獻酢酬之時也既
 醉謂至於旅酬而小人態出故失威儀也下章無筭
 爵時故音聲號呶又甚於舍坐是為文次也論語云
 聖人吾不得而見之得見君子者斯可矣又曰善人
 吾不得而見之得見有恆者斯可矣故言王既不得
 君子以為賓又不得有恆之人卒章云凡此飲酒為
 天下所化是由此賓之失而然故言所**賓既醉止載**
 以敗亂天下率如此言率者非一之辭

號載呶亂我邊豆屢舞僂僂是曰既醉不知其郵側
弁之俄屢舞僂僂**號**呶號呼謹呶也僂僂舞不能

自正也傴傴不止也

○云郵過側傾也俄傾貌此更

言賓既醉而異章者著為無算爵以後也

○號胡毛反注同叟

女交反傲起其反注本正或作止按下傴傴是舞不

止此宜為正說文云醉舞也郵音尤俄五何反廣雅

云哀傴素多反一音倉柯

反呼火故反謹呼端反

○既醉而出竝受其福醉而

不出是謂伐德飲酒孔嘉維其令儀

○

云出猶去也

孔甚令善也賓醉則出與主人俱有美譽醉至若此

是誅伐其德也飲酒而誠得嘉賓則於禮有善威儀

武公見王之失禮故以此言箴之

○箴之 **○**賓既至林反 **○**令儀 **○**

正義曰前章言燕初及旅酬之事此述無算爵之後言爵行無算賓既醉於酒止於是則號呼則謹叟而

唱叫也錯亂我籩豆之行列數起舞傲傲然不能自
正也又疾而重言之是此言賓曰既已醉則不自知
其過失傾側其弁使之俄然數起舞僂僂然又不能
止以此荒醉敗亂天下故武公為言陳作賓之禮若
既醉而出則賓與主人並受其得禮之福賓則身為
知禮主則用得其人是並受其福也若至於醉而不
出是謂誅伐其德醉前無失為有德既醉為愆以喪
之是伐其德也戒王若飲酒而誠能得嘉善人之賓
與之燕則維其於禮有善儀也王何不擇而賓之乎
上言曰既醉止與此是曰既醉曰者斷絕更生事之
辭言醉而復益醉也上言僂僂是舞之形貌猶能自
正傲傲則不能自正僂僂則非徒不正又不能止為
差降也

凡此飲酒或醉或否既立之監或佐之史彼醉

不臧不醉反恥

傳

立酒之監佐酒之史

箋

云凡此者

凡此時天下之人也飲酒於有醉者有不醉者則立

監使視之又助以史使督酒欲令皆醉也彼醉則已不善人所非惡反復取未醉者恥罰之言此者疾之

也

○令力呈反
惡鳥路反

式勿從謂無俾大怠匪言勿言匪由

勿語

愛

云式讀曰慝勿猶無也俾使由從也武公見

時人多說醉者之狀或以取怨致讎故為設禁醉者

有過惡女無就而謂之也當防護之無使顛仆至於

怠慢也其所陳說非所當說無為人說之也亦無從

而行之也亦無以語人也皆為其聞之將恚怒也

式○

徐云毛如字又云用也鄭讀作慝他得反惡也大音
泰徐勅佐反語魚據反又如字故為于僞反下同顛

都田反本作慎什何音赴一音蒲北反
說文云頓也語魚據反恚一瑞反怒也
由醉之言俾

出童殺
傳 殺羊不童也
云女從行醉者之言使女

出無角之殺羊脅以無然之物使戒深也殺羊之性

牝牡有角
○出如字徐尺遂反
殺音古脅許業反
三爵不識矧敢多又

况 况又復也當言我於此醉者飲三爵之不知



况能知其多復飲乎三爵者獻也酬也酢也
○矧失忍反

凡 此至多又○毛以為言至燕失所故天下化之
凡此天下之人聚共飲酒初時或有醉者或有不

醉者復設法以逼之既立酒之監或復佐之為史令
催不醉之人亦使醉也彼醉者則已不善為人所非

惡不醉者此監與史反恥而罰之是使小大盡醉舉
坐皆猶狂也俗既然矣武公無如之何故禁戒時人

無令相說言用此醉時勿得從而謂之以言其醉狀
又當防護醉者無使顛仆大至怠慢汝之所陳說者
非所當言勿爲人言而又當自善非得見彼皆然遂
從而行之亦勿以彼惡行而語他人以人姓諱短聞
將恚怒故教之言教之猶恐不從故又脅以重禁汝
若從醉者之後言其過失我則使汝出童首無角之
殺羊脅其無然之物欲使息也既禁其勿言恐人問
之不巳又教之云人若問汝彼醉之狀汝當云我於
此醉者三爵之時巳自不識知况敢能知其多而復
飲乎但以此答彼問自息將慎其已然而爲之立大
法也○鄭唯以式爲惡謂見醉者之過惡無就而謂
之餘同○**立酒**之監佐酒之史○正義曰毛以經
直云立監佐史不知是何監何史贊其不足故言酒
也立監是衆所推舉佐史是彼自佐之故立文不同
此刺其立酒之監燕禮鄉射並立司正鄉射注云解
倦失禮者立司正以監之察儀法也卽引詩云旣立
之監或佐之史則禮法自當立監此刺者彼則監其
失禮此乃督之使詩名同而實異以其俱是監察故

鄭於鄉射引此耳。○式讀曰慝。○正義曰：以上文未有醉惡之事，而云勿從，謂之故以式為慝，訓之為惡。毛不為傳，但毛無改字之理，必不與鄭同。王肅云：用其醉時勿從而謂之傳，意當然也。○當言至醉。○正義曰：何知非已自飲之，而云彼醉者飲三爵者，以問彼之狀，宜以彼飲答之，且言矧敢多，又是不敢知他之辭，故知三爵者亦他飲也。禮有獻酢與旅，酬及無筭爵，旅與無筭不止三爵而已，故知三爵是獻也。酢也，酬也。若然，禮主人獻賓，賓飲而又酢主人，主人飲而又酌以酬賓，賓則奠之而不舉，則賓主皆不飲三爵矣。而指獻酢酬為三爵者，言於飲三爵禮之時，非謂人飲三爵也。

賓之初筵五章章十四句

甫田之什十篇三十九章二百九十六句

十四之三

莆田文竹十卷

卷

實文

書

ZHUJI LIBRARY

諸

Vertical columns of faint text, likely bleed-through from the reverse side of the page.

毛詩註疏卷第十五

十五之一

漢鄭氏箋

唐孔穎達疏

毛詩小雅

魚藻之什詁訓傳第二十二

魚藻刺幽王也言萬物失其性王居鎬京將不能以

自樂故君子思古之武王焉

萬物失其性者王

政教衰陰陽不和羣生不得其所也將不能以自

樂言必自是有危亡之禍

○藻音早鎬胡老反樂音洛篇內唯注八音之

樂一字音

魚藻

三章章四句至武王焉○正義

曰作魚藻詩者刺幽王也言時王政

既衰致令天下萬物失其生育之性而不得其所

由此王居鎬京將有危亡之禍將不能以自燕樂

故詩人君子觀微知著思古之武王焉以武王之

時萬物得所以自樂今萬物失性禍亂將起不

以為憂亦安而自樂故作此魚藻之詩陳武王之

樂反以刺之幽王之詩思古多矣皆不陳武王之

獨言之者此言將喪鎬京其居鎬京武王為始刺

王將喪其業故特陳武王也既言思古故反經以

序之萬物失其性經三章上二句是也○王居鎬京

將不能以自樂三章下二句是也○萬物至之

禍○正義曰言萬物所以失其性者由王政既衰

以致陰陽不和水旱蟲災死喪疫病害加草木殃

及飛走羣衆生長之物悉不得其所是萬物失

其性也羣生不得其所易乾鑿度文將者未至之

辭故云言必自是有危亡之禍

謂從是得禍不復更能興也

魚在在藻有頒其首

傳

頒大首貌魚以依蒲藻為得其

性

釋

云藻水草也魚之依水草猶人之依明王也明

王之時魚何所處乎處於藻既得其性則肥充其首

頒然此時人物皆得其所正言魚者以潛逃之類信

其著見

○頒符云反說文同韓詩云衆貌見賢遍反

王在在鎬豈樂飲酒

箋

云豈亦樂也天下平安萬物得其性武王何所處

乎處於鎬京樂八音之樂與羣臣飲酒而已今幽王

惑於褒姒萬物失其性方有危亡之禍而亦豈樂飲

酒於鎬京而無悛心故以此刺焉

○豈本亦作愷同苦在反樂也下同

俊七全反改也

沈又七句反

魚

魚在至飲酒○正義曰言明王之時魚何所在乎在於藻也然藻者

是水中之草乃是魚之常處既得其性故能肥充有

頡然其大首也魚之潛逃尚得其性則水陸之物莫

不盡然是萬物皆得其所矣既萬物得所天下無事

爾時武王何所在乎在於鎬京樂此八音之樂與羣

臣飲酒而已今幽王方有危亡之禍將以喪滅鎬京

反亦愷樂飲酒故刺之○**頡**頡大至其性○正義曰

釋詁云墳大也頡與墳字雖異音義同以序言萬物

失其性則在藻依蒲為得其性也故探下章而總之云

魚以依蒲藻為得其性○**魚**魚之至著見○正義曰

物之潛隱莫過魚顯見者莫過人經舉潛逃箋舉著

見則萬物盡該之矣故以人類之魚之依水草猶人

之依明王變武王言明王者見人之所依取其明也

又言人物者

魚在在藻有莘其尾

傳

莘長貌

○莘所中反

王在在鎬飲酒樂豈魚在在藻依于其蒲王在在鎬

有那其居

釋

云那安貌天下平安王無四方之虞故

其居處那然安也

○那乃多反王多也

釋

那安至然安○正義曰那然為安之狀

故那安貌也無四方之虞昭四年左傳文

魚藻三章章四句

采菽刺幽王也侮慢諸侯諸侯來朝不能錫命以禮

數徵會之而無信義君子見微而思古

釋

幽王

徵會諸侯為合義兵征討有罪既往而無之是於

義事不信也君子見其如此知其後必見攻伐將

無救也

○菽本亦作菽侮亡甫反朝直遙反篇內皆同數色角反音朔為于偽反

釋

采菽

五章章八句至思古焉。○正義曰：作采菽詩者刺幽王也。以幽王侮慢諸侯來朝，不能錫命以禮數，徵召而會聚之，而無誠信之義，事無故召之，而無信義。後若實有義事，將召而不來。詩人見其微，知其著而思古。昔明王焉，故作采菽之詩。言古之明王能敬待諸侯，錫命以禮，反以刺幽王也。序皆反經爲義，侮慢諸侯首章上二句是也。不能錫命以禮，首章下四句是也。其餘皆是錫命之事，序總而略之。君子見微而思古，敘其作詩之意於經，無所當也。○幽王至無救。○正義曰：天子之會諸侯，必爲四方有不順服者，將征討之，乃會以爲謀焉。不然，不會之也。今幽王徵會諸侯，若爲合會義兵，以征討有罪者，故諸侯聞其召而皆會。旣而無此征討之義事，是不信，故言無信義也。以寇徵之不實，無寇後實有寇，徵將不來。君子見其如此，其後必見攻伐將無救之事，未然而已知之。是見微也。易曰：幾者動之微。君子見幾而作，是君子皆見微也。周本紀曰：褒姒不好笑，幽王欲其笑萬

方故不笑幽王為烽火燧大鼓有寇至則舉烽火諸侯悉至至而無寇褒姒乃大笑幽王欲悅之數舉烽火其後不信益不至幽王之廢申后去太子申侯怒乃與繒西夷犬戎共攻幽王幽王舉烽火徵兵兵莫至遂殺幽王驪山下盡取周賂而去是義事不信見伐無救之事

采菽采菽筐之筥之

傳 興也菽所以芼太牢而待君子

也羊則苦豕則薇

傳 云菽大豆也采之者采其葉以

為藿三牲牛羊豕芼以藿王饗賓客有生俎乃用鉶

羹故使采之

傳 筐音匡筥音舉芼亡報反薇音微藿火郭反鉶音刑羹古衡反

君子

來朝何錫予之雖無予之路車乘馬

傳 君子謂諸侯

也

傳

云賜諸侯以車馬言雖無予之尚以為薄

傳 乘繩證

反下注車乘
驂乘皆同

又何予之玄袞及黼

傳

玄袞卷龍也白

與黑謂之黼

傳

云及與也玄袞玄衣而畫以卷龍也

黼黼黻謂絺衣也諸公之服自袞冕而下侯伯自鷩

冕而下子男自毳冕而下王之賜維用有文章者

衮

古本反玄袞冕服黼音斧徐又音補卷卷勉反下同

必滅反冕也

傳

采菽至及黼○毛以為言古之明王

盛之筥盛之以為牛汁之芼筐筥所以受所采之菜

以興牢禮所以待來朝諸侯故於此君子諸侯之來

朝也乃云有何物而當錫予之乎於時雖為無可予

之物予之又以玄衣而畫以袞龍下及絺冕之黼裳言

無予之尚得車馬袞黼令王何以反侮慢之曾無錫

命之禮乎故刺之○鄭唯以不興為異其文義則同
○興也至則薇○正義曰傳既言羊則苦豕則薇
則菽不總芼三牲而言菽所以芼太牢者舉牛之芼
則羊豕之苦薇從之可知故云太牢以總之公食禮
云鉶芼牛藿羊苦豕薇皆有滑注云藿豆葉也苦苦
茶也滑董苴之屬是也于述毛云筐筥受所采之菜
牢禮所以待來朝諸侯○菽大豆至采之○正義
曰以菽名指大豆之體而言采故云采其葉以為藿
言三牲牛羊豕者傳解言太牢之意明舉菽以見三
牲牛不獨為太牢也定本三牲之下無牛羊豕字王
饗賓客則有牛俎謂以鼎炙牛取其骨體置之於俎
其汁則芼之以藿調以鹹酸乃盛之於鉶謂之鉶羹
故言乃用鉶羹也即公食記鉶芼是也以草菜地之
毛故謂之芼地官牛人云凡賓客之事共其牢禮積
膳之牛又云饗食賓射共其膳羞之牛注引燕禮膳
牢設折俎王之膳羞亦猶此知王饗賓客則有牛俎
也彼食亦供牛獨云饗者以饗為尊且舉饗而食可
知矣○賜諸侯至為薄○正義曰諸侯來朝而得

車馬之賜是於禮事足矣而言雖無予之是古者明
 王其意猶以為薄箋深駁今王薄亦不為也其雖無
 予之言通及玄衮及黼為文但以車服之別故分言
 之耳觀禮曰天子賜諸侯氏以車服注云賜車者同
 姓以金路異姓以象路服則衮也驚也毳也是服同
 賜之矣。○禮玄衮至之黼。○正義曰玉藻云龍卷以
 祭即卷龍也白與黑謂之黼冬官續人文。○禮玄衮
 至章者。○正義曰傳雖云玄衮卷龍而義未明故申
 之玄衮者玄衣而畫以衮龍玉藻注云龍衮畫龍於
 衣卷字或作衮然則以龍首卷然謂之衮龍衮是龍
 之狀也黼黼黻者引類以明之非黼黻為一也謂絺
 衣絺謂刺之言此黼黻絺刺之於衣衮黼之在衣也
 衮則畫之黼則刺之故言謂絺衣以對衮畫衣故也
 絺在裳言衣者衣總名也諸公之服自衮冕而下侯
 伯自鷩冕而下子男自毳冕而下皆春官司服職文
 引之者明衮黼非一衣君子總諸侯也故彼注云九
 章初一曰龍次二曰山次三曰華蟲次四曰火次五
 曰宗彝皆畫以為績次六曰藻次七曰粉米次八曰

黼次九曰黻皆絺以爲繡則袞之衣五章裳四章凡九也鷩畫以雉謂華蟲也其衣三章裳四章凡七也毳畫虎雌謂宗彝也其衣三章裳二章凡五也絺衣粉米無畫也其衣一章裳二章凡三也玄冕者衣無文裳刺黻而已是以謂之玄焉凡冕服皆玄衣纁裳由此言毳冕絺冕其裳皆以黼爲首唯玄冕無文耳言子男自毳冕而下則通及絺冕此黼宜絺冕之裳矣箋言謂絺衣者自取絺繡之義非謂冕名但差次偶同耳裁以爲衣舉袞裳舉黼正是袞冕之服知不然者以經言及則非一之辭又君子來朝非獨上公一人何得獨言袞龍之衣乎故知黼文下及絺冕之裳也賜法下不得兼上而上得兼下則五等所賜下皆及於絺冕矣所以獨言袞黼不及玄冕者鄭卽解之云王之賜服唯用有文章故也按終南美秦襄公之受顯服云黻衣繡裳是得玄冕也又曰錦衣狐裘是得皮弁服也然則天子之賜諸侯無文亦賜之言王賜唯用有文章者解詩人特舉袞黼之意諸侯之得王賜以有文章者爲榮故詩人言王之賜服唯用

有文章者言之故其辭不及玄冕此解作者之意耳
非謂玄冕以下王不賜之且作者黼亦取與莒馬為

韻也 夔沸檻泉言采其芹傳夔沸泉出貌檻泉正出也

變云言我也芹菜也可以為菹亦所用待君子也我

使采其水中芹者尚潔清也周禮芹菹鴈醢必沸音

弗檻泉銜覽反徐下斬反爾雅云正出涌出也芹巨斤反菹側魚反清如字一音才性反君子來

朝言觀其旂其旂淠淠鸞聲嘒嘒載駟載駟君子所

屆傳淠淠動也嘒嘒中節也變云屆極也諸侯來朝

王使人迎之因觀其衣服車乘之威儀所以為敬且

省禍福也諸侯將朝于王則駟乘乘四馬而往此之

服飾君子法制之極也言其尊而王今不尊也

○游巨機

反濯匹弊反徐孚蓋反又芳計反嘽呼惠反駟七南

反駟馬曰駟駟音四屈音界中丁仲反諸侯將朝于

王一本無于字皆以王字絕句一讀諸侯將朝

絕句以王字下屬乘乘上音承證反下音繩

至所屈○毛以為臍沸然者是正出之檻泉我明王

使人於此水中采其苜蓿以為菹以待諸侯以興富

有者是王家之府藏我明王使人於此府中取其財

貨以為車服以賜諸侯其君子諸侯至來朝之時我

明王又使人迎之因觀其車服旌旒其此君子車服

旌旒則濯濯然動得宜其車馬驚鈴之聲又嘽嘽然

鳴中節至於將朝王於是親自駟駟則乘四馬而往



迎之未來則采菽為菹以待之既來則乃使人在塗

迎之既朝王則駟駟而見之是故明王於諸侯其所

尊敬法制之極今王何以不尊乎○鄭唯以不興為

異○禮臍沸至正出○正義曰以臍沸連檻泉言之

故知泉出貌釋水云檻泉正出正出涌出也李巡曰

水泉從下上出曰涌泉此章毛傳興事不明正以上章類之知此必為興王肅云泉水有芹而人得采焉王者有道而諸侯法焉觀此上下止言王者之待諸侯不美王者與諸侯作法肅輒言之恐非毛旨必欲為興不知以興車服賞賜故別為毛說焉○芹菜至鴈醢○正義曰上章菽苜莩美則此芹亦食之故知芹菜可以為菹亦所以待君子也以菽為牛之芼言菽見其有牛組泉是芹所出言泉見其芹潔清不謂非泉即不絜也周禮芹菹鴈醢者醢人云加豆之實芹菹兔醢落菹鴈醢是也彼鴈醢與芹菹別文而連引之者因其尚絜清芹鴈俱是水物故連言之○諸侯至不尊○正義曰上言采其芹為我明王則此言觀其芹亦為我明王故云王使迎之也此陳王尊諸侯既使人迎之又自親迎因見諸侯車服之得禮故言其旂鸞之事與下章相首引是一文而有二意故云因觀其衣服車乘之威儀也此直有車乘而兼云衣服者逆探下章是相互之意明皆因迎而觀之耳言觀則人迎可知按覲禮云至于郊王使人皮弁

用壁勞注云郊謂近郊去王城五十里小行人職曰凡諸侯入王則逆勞于畿則郊勞者大行人也書傳略曰天子太子十八曰孟侯孟侯者於四方諸侯來相迎於郊則小行人迎於畿大行人迎於郊此直云迎理兼於此也又解所以必使迎而觀其威儀者迎之所以為敬觀之且以省察其禍福也成十四年左傳曰古之為享食也以觀威儀省禍福也彼雖云饗理可相通故箋據而言之以諸侯至當行朝禮故言將朝於是王則驂乘駟馬而往迎之知驂駟非諸侯之物者以上云言采其芹又曰言觀其旂皆王於諸侯之事既言旂鸞乃云載驂駟故知非諸侯所乘明王所乘以往也夏官齊僕云朝覲宗遇饗食皆乘金輅各以其等為車送逆之節注云謂王乘車迎賓客上公九十步侯伯七十步子男五十步是也又言此服飾君子法制之極者謂古者明王待君子諸侯法制所為之至極言其可尊而今王不尊故刺之

赤芾在股邪幅在下彼交匪紆天子所予

傳

諸侯赤

芾邪幅幅偏也所以自偏束也紆緩也

蔽膝之象也冕服謂之芾其他服謂之鞞以韋為之

其制上廣一尺下廣二尺長三尺其頸五寸肩革帶

博二寸脛本曰股邪幅如今行膝也偏束其脛自足

至膝故曰在下彼與火交接自偏束如此則非有解

怠紆緩之心天子以是故賜予之

○芾音弗股音古邪似嗟反注同幅音福紆音舒予音與偏彼力反大音泰鞞音必廣光曠反下同長值亮反脛胡定反膝徒丁反解古賣反

樂只君子天子命之樂只君子福祿申之

云只之言是也古者天子賜諸侯也以禮樂樂之

乃後命予之也天子賜之神則以福祿申重之所謂

人謀鬼謀也刺今王不然

○樂只上音洛下音止重直用反下同樂樂上音岳

下音

國

赤芾至申之○正義曰言古之諸侯非直鸞

洛之下而當膝彼古之諸侯與人交接服芾著幅自偏

束如此則非有解怠舒緩之心天子由是之故所以

賜予之車馬衣服也以諸侯偏束如此故又以禮樂

樂是君子諸侯天子乃命予之以禮樂樂是君子諸

侯則神又以福祿申重之古之王者命賜諸侯如此

今王不能然故刺之○**國**諸侯至偏束○正義曰以

赤芾對朱為異故云諸侯赤芾也桓二年左傳曰帶

裳幅舄內則亦單云偏則此服名偏而已杜鄭皆云

今之行膝然則邪纏於足謂之邪偏故傳辨之云邪

幅正是偏也名曰偏者所以自偏束也○**國**芾太古

至予之○正義曰箋本其有芾之由故言太古蔽膝

之象易乾擊度注云古者田漁而食因衣其皮先知

言正
卷之三
藏前後知蔽後後王易之以布帛而猶存其蔽前者
重古道不忘本是亦說芾之元由也繫辭云包犧氏
之王天下作結繩而為網罟以佃以漁則佃漁而食
伏犧時也禮運曰飲其血茹其毛衣其羽皮是因衣
其皮也以人情而論在前為形體之襲宜所先蔽故
先知蔽前後知蔽後且服芾於前明是重其先蔽而
存之也禮運又曰後聖有作治其絲麻以為布帛繫
辭又云黃帝堯舜垂衣裳而天下治則易之以布帛
自黃帝以後推此則太古蔽膝伏犧時也後王為芾
象太古之蔽膝故云芾太古蔽膝之象垂衣裳服布
帛必始於黃帝其存此象未知起自何代也明堂位
曰有虞氏服韍注云舜始作之以尊祭服言始尊祭
服異其名未必此時始存象也知冕服謂之芾其他
服謂之韍者以士之有爵弁猶大夫以上有冕也士
有韎韐猶大夫以上有芾也士冠禮陳服於房中爵
弁韎韐皮弁素韍玄端爵韍雜記云士弁而祭於公
肆爵弁也士服爵弁以韎韐配之則服冕者以芾配
之故知冕服謂之芾士服皮弁玄端皆服韍是他服

謂之鞞以冕為主非冕謂之他也鞞鞞俱是蔽膝之象其制則同俱尊祭服異其名耳古者衣皮此存其象故知以韋爲之故禮記玉藻鞞君朱大夫素士爵韋上云鞞下總以韋結之故知以韋上廣一尺下廣二尺長三尺其頸五寸肩革帶博二寸此玉藻文也彼論鞞此言鞞而引之者明此二者色異而制同也又言脛本曰服者明邪幅在下在股之下古今名異欲以今曉人故曰邪幅如今行膝說文云膝緘也名行膝者言行而緘束之故云偏其脛也又解在下之義故云自足至膝故曰在下因在下之文從下而上言之故云自足是足卽脚也彼交匪舒文在邪幅之下明非舒之義出於邪幅之下故云彼與人交接自偏束如此則非有解怠舒緩之心天子以其如此故賜予之言上章所得車服由諸侯非有舒緩故也此芾幅說諸侯服之而來非天子賜以芾幅也天子所賜之服亦必有芾幅隨之要此據諸侯自服爲文非天子所賜故云自偏束如此此芾幅之服禮之所制縱使心實解惰亦將服之而以其服幅卽云自偏束

者作者欲美其事因其衣服而美之能依禮不失亦是自備束矣○**禮**古者至不然○正義曰古者天子之賜諸侯必設饗禮則以禮作樂故云以禮樂樂之乃後命予之即車服是也天子既已賜之神則以福祿申重之謂使之君臣同心人安國治此則由神祈祐是神申重之以福祿是神祐之辭故知申之者神也以天子賜之即人謀神又重之即鬼謀故言所謂係辭也祭統曰古者明君爵有德而祿有功必賜爵祿於太廟示不敢專也則賜或在廟故**維柞之枝**神得福之言古能如是以刺今王不然

其葉蓬蓬



蓬蓬盛貌



云此興也柞之幹猶先祖

也枝猶子孫也其葉蓬蓬喻賢才也正以柞為興者柞之葉新將生故乃落於地以喻繼世以德相承者

明也

○柞于洛反又音昨
木名蓬步公反注同

樂只君子殿天子之邦樂

只君子萬福攸同

傳

殿鎮也

○殿多見反注同鎮陟慎反又音珍本作填

平平左右亦是率從

傳

平平辯治也

箋

云率循也諸

侯之有賢才之德能辯治其連屬之國使得其所則

連屬之國亦循順之

○平婢延反韓詩作便便云開雅之貌

傳

維柝至率從○

正義曰言維此柝木幹上之有枝條其生葉蓬蓬然茂盛新將生故乃落之於地以葉相承無衰落以興維此諸侯先祖之有子孫其有才智亦茂盛繼世以德相承無乏絕由其諸侯世賢如此是以古之明王以禮樂樂是君子則鎮撫天子之邦萬福所同聚而歸之由古者明王尊重之如此故諸侯之有賢才者乃平平然辯治其連屬左右之國使之得所此連屬之國亦如是相與循順而從之故天下所以安定今諸侯亦有繼世賢才者王不命賜使之辯治相從以安天子之國也故刺之○**傳**蓬蓬盛貌○正義曰述

柞葉而言蓬蓬故知是盛貌毛於此章無異鄭之傳
 故為同也。○**傳**此興至者明。○正義曰箋以下云樂
 只君子是上列君子之美下所樂之故知此宜陳君
 子諸侯之事枝生於幹猶子孫生於先祖故云柞之
 幹猶先祖枝猶子孫也以陳諸侯可樂之美故以其
 葉蓬蓬喻賢才木枝莫不生葉正以柞為興者由柞
 葉新將生故乃落於地其枝常有葉似前君賢者死
 後君賢者生其君常有賢也以詩人舉柞葉相代為
 興知其意喻繼世以德相承者明也又天保云如松
 柏之茂無不爾或承彼取葉相承為義故取柞為興
 亦然也。○**傳**殿鎮。○正義曰軍行在後曰殿取其鎮
 重之義故云殿鎮也天子以天下為家諸侯為天子
 守土故樂是諸侯則得鎮安天子之國也。○**傳**平平
 辯治。○正義曰堯典云平章百姓書傳作辨章則平
 辯義通而古今之異耳故云平平辯治服虔云平平
 辯治不絕之貌則平平是貌狀也。○**傳**諸侯至循順
 之。○正義曰箋以上云賢才相承故此云諸侯之有
 賢才之德能辯治連屬之國使得其所也諸侯來朝

亦是戾矣

傳

戾至也

注

云戾止也諸侯有盛德者亦

優游自安止於是言思不出其位

注

汎汎至戾矣○毛以為汎汎然

浮於水上者揚木之舟舟人以紼繩繫而維持之使
不得東西也以興居以民上者諸侯之君也明王以
禮法約而制禦之使不得違叛也諸侯既不得違叛
供職順命故於來朝明王以禮樂樂是君子諸侯天
子於是揆度其功德之多少而命賜之以禮樂樂是
君子諸侯又以福祿厚賜之明王既以賜祿諸侯優
饒之哉遊縱之哉明王之德能如此亦如是至美矣
古之命賜諸侯所以為美今王不能然故刺之○鄭
云汎汎然浮之於水上者揚木之舟而舟人以紼繫
而維持之使有所屬以興國中者諸侯之人而諸侯
以禮教制禦之使有所法中四句與毛同下二句言
諸侯既得賜祿故優柔哉遊息哉亦是於自安止矣
而思不出其位無復擾叛今王何以不樂賜賢侯令
之治人自安反侮慢不信而令之違叛乎故刺之○

傳 紼綷至諸侯。正義曰：釋水云：紼，縞維之紼綷也。縞，綷也。孫炎曰：紼，大索也。李巡曰：紼，竹為索，所以維持舟者。郭璞曰：紼，繫也。孫炎曰：舟止，繫之於樹木，戾竹為大索，然則紼，訓為紼綷。是為大紼，縞，訓為紼綷。又為繫，正謂舟之止息，以紼繫而維持之，以喻明王能維持諸侯，定本及集注以毛云：紼，弗也。與爾雅不同。○**義** 楊木至禮法。正義曰：箋亦以下樂只君子，明此言諸侯可樂，故以舟喻人。舟人喻諸侯，以紼喻禮法也。舟人以紼繫舟而制行之，喻人亦得依禮法而行，不以舟止為喻。○**傳** 葵揆。正義曰：釋言文揆者，以天子於諸侯命賜有少或多，以恩或以功，當須揆度多少而與之。○**義** 戾止至其位。正義曰：以承上言諸侯能治人以禮法，是有盛德者也。自安止是思不出其位，故引論語以足之，襄二十一年左傳叔向引詩云：優哉游哉，聊以卒歲。下句與此不同，則所引逸亡此非也。鄭亦約彼優游為居止自安之義，故與毛不同。

采菽五章章八句

角弓父兄刺幽王也不親九族而好讒佞骨肉相怨

故作是詩也

好呼報反 正義曰角弓詩者王之宗族

父兄所作以刺幽王也以王不親九族之骨肉而好讒佞之人令骨肉之內自相憎怨使人倣之故父兄作此角弓之詩以刺之也此經八章上二章言王當親九族是為不親而發言也既不親九族則疏遠賢者自然而好讒佞事勢所宜言於文無所當也骨肉相怨即三章四章是也由其相怨故五章本其王慢族親宜燕食之事即亦不親九族之經矣既相怨不親是上教之失故下三章言其可教而反之無使為驕如蠻如髦也

駢駢角弓翩其反矣

駢

興也駢駢調和也不善繼繁巧

用則翩然而反

變

云與者喻王與九族不以恩禮御

待之則使之多怨也

○駢息營反沈又許營反說文作弭音火全反翩匹然反繼息

列反弓韞也檠音景弓匣也說文云榜也謂輔也

兄弟昏姻無胥遠矣

變

云

胥相也骨肉之親當相親信無相疏遠相疏遠則以

親親之望易以成怨

變


駢駢至遠矣○正義曰以王不親九族故先述御待之難

言駢駢然調和者角弓此角弓雖則調和當善用之若不善置繼檠而巧用之則翩然而其體反房矣是

用角弓之難也以興和順者宗族也此宗族雖則和順當善待之若不善設食燕而恩御之則亦憤然而

其心怨恨矣是待宗族之難也下二句義具在箋○**駢駢**至而反○正義曰駢駢文連角弓即是角弓

之狀也故云調和也既已調和復云翩其反矣不善用之可知故言不善繼檠巧用翩然而則反矣冬官

弓人以六材為弓調幹角筋膠絲漆也又曰角之中
 恆當弓之隈杜子春云隈謂弓之淵角之中央與淵
 相當如彼文弓有角之處不得即名角弓此言角
 弓蓋別有角弓如今北狄所用者於古亦應有之但
 弓人所不載耳今北狄角弓弛則體反若不繼檠則
 不復任用也檠者藏弓定體之器謂未成弓時內於
 檠中此弓已調和而言檠者蓋用訖內於竹閉之中
 恐損其體亦謂之檠繼即緝膝也傳言巧用明是既
 已成弓非未定體也故知檠義為然不以恩禮御待
 定本待作侍○骨肉至成怨○正義曰骨肉謂族
 親也以其父祖上世同稟血氣而生如骨肉之相附
 閉謂之骨肉然則骨肉唯謂同姓耳此經兼言昏姻
 箋通言骨肉者以昏姻之親與宗族同類并云兄弟
 甥舅連言之是其同也孟子云兄弟鬩弓而射我我
 則涕泣而道之無他戚之也其親
 親之也是親親之望易以成怨

矣爾之教矣民胥微矣



云爾女女幽王也胥皆也

爾之遠矣民胥然

言工女不親骨肉則天下之人皆知之見女之教令

無善無惡所尚者天下之人皆學之言上之化下不

可不慎

○做戶
教反

疏

爾女至胥皆○正義曰以言人
做之故知汝幽王也上章胥為相

此章胥為皆者胥相皆並釋詰文也上以王於族親
故為相於之辭此言天下之人非一故為皆觀文之

勢而為
訓也

此令兄弟綽綽有裕不令兄弟交相為瘵

綽綽寬也裕饒瘵病也

云令善也

○綽處若反寬
大也裕羊樹反

瘵羊

此令至為瘵○正義曰上言人隨上化此又
主反

化之故言天下若此令善之人於兄弟恩義相與綽
綽然有饒裕也其不善之人於兄弟則無恩義唯交

更相詬病而已是天下善人少惡人多
惡人相病須上化之故欲令王教之

民之無良相

怨一方

云良善也民之意不獲當反責之於身思

彼所以然者而怨之無善心之人則徒居一處怨恚

之

○處昌慮反恚一瑞反

受爵不讓至于已斯亡

爵祿不以

相讓故怨禍及之比周而黨愈少鄙爭而名愈辱求

安而身愈危

云斯此也

○此毗志反鄙爭爭鬪之爭

民之至

斯亡○

正義曰上既言惡人兄弟相病此又申而戒之言天下之人無善心也不但於兄弟相病又不能反之於已以情相怨徒然相怨於一方彼非可怨而怨之是

小人之愚惑也此言無良之人不但遙則相怨又對面則受其官爵不以相讓由此為彼所怨至於已身以此而致滅亡是不教之大禍也王何不親宗族以化之乎章首先言人之無良乃云相怨一方并受爵不讓皆是無良之行未言至於已斯亡以此二事而

至亡也以人初不善兄弟又於外遙則相怨爵則不讓由此以亡○民之至怨恚○正義曰欲解無良之意先言良事以反之言人之善者其意有所不得於彼心則當反而求之於己身思彼所以於我而然者不以情恕之不卽相怨也其無善心之人有不獲於彼則徒居一方而相怨恚徒空也彼不可怨而怨之是空也○爵祿至愈危○正義曰由爵不讓彼而爲彼所怨是以福及於己王制云使以德爵以功則已有功德當自受之而必須讓者以凡稟血氣皆有爭心在上者可量功技能受之者當先人後已故禮設辭讓之法禮記曰爵祿可辭又曰爵位相先文王之朝士讓爲大夫大夫讓爲卿舜命羣官禹讓稷契之類皆先聖典謨有相讓之法也論語注云士辭位不辭祿言爵祿可辭者以辭爵則祿亦辭之可知故并言之傳又因述不可讓之意爲阿黨比周而望黨援者而其黨愈益少也以人與正不與枉故曲比者黨少也爲鄙恥之爭而望榮名者而其名愈益辱也以鄙爭可恥故名辱也苟望求安於已而危他人

者而其身愈益危也人各求安則彼以危已故身危也然則求黨求名在於不爭求安在於不安是猶求爵在於讓爵故言此以類之

老馬反為駒不顧其後

傳

已老矣而

孩童慢之

傳

云此喻幽王見老人反侮慢之遇之如

幼稚不自顧念後至年老人之遇已亦將然

傳 駒音拘孩本

作咳戶才反許慎云小兒笑也稚音釋

如食宜餽如酌孔取

傳

餽飽也

傳

云王如食老者則宜命之飽如飲老者則當孔取

孔取謂度其所勝多少凡器之孔其量大小不同老

者氣力弱故取義焉王有族食族燕之禮

傳 食音嗣注同宜如

字本作儀注同韓詩云儀我也餽於據反徐又於且反取如字沈又音娶命力呈反飲於鳩反度待洛反

勝言升說老馬至孔取。正義曰此又言王之不怒
量音亮說言老馬反為駒而用之猶王於老人反為
童而遇之王慢老如是則為不復自顧其後已至年
老人之遇已亦將然是猶王之不恕故天下傲之皆
無良相怨也因教王尊老之宜言王如食老者之食
則宜令之飽而已如酌老者之酒則當如孔之有取
者所勝有多少亦足則停是王於老者當節敬如是
今王何以不然而反慢之○○已老至慢之○正義
曰此經舉馬以喻人故言已老矣而孩童慢之說文
云咳小兒笑也內則云子生三月父咳而名之謂指
其顧下令之笑而為之名此言咳童慢之亦當然也
此詩刺王不親九族所以偏言老者以老是王者所
宜貴故祭義曰虞夏殷周天下之盛王也未有遺其
年者況其宗族之老人乎故九族不宜慢之○○王
如至之禮○正義曰王如食老者食則令之飽謂有
嘉味勸助之也經言酌當酌酒以與人是飲之酒也
食則若其不飽酒則唯恐過度故食言宜饁酒言孔

毛詩流

卷五之三十一

及古

取謂器中空虛受物之處老子所謂埏埴以為器當其無有器之用也以此於老人所勝氣力多少是如孔之取也言王有族食族燕之禮者解經所以有食酌之事食則族食酌即族燕矣以食禮無飲燕法無食故如二事也至於宗族大事亦有饗但經所不言食燕可以兼之也大宗伯以飲食之禮親宗族兄弟文王世子曰若公與族人燕則以異姓為賓膳宰為主人族食世降一等大傳云綴之以食而弗殊是王有族食族燕之禮也鄭知孔非物所由出言凡器之孔者以物所由出之孔於人飲酒容受之除不立又若一禮不可以喻多少故為凡器之孔老子云孔德之容唯道是從亦謂器之受實為孔也

教猱升木如塗塗附



猱援屬塗泥附著也



云毋

禁辭猱之性善登木若教使其為之必也附木桴也塗之性善著若以塗附其著亦必也以喻人之心皆

有仁義教之則進君子有微猷小人與屬傳微美也

箋云猷道也君子有美道以得聲譽則小人亦樂與

之而自連屬焉今無良之人相怨王不教之傳毋教

屬○毛以為上言小人傲上之化無良相怨此又言

可反之使善王宜教之言王之不教小人如人之禁

彼云無得教猿之升木若教之升木則如以塗泥塗

物必附著也何者猿之性善登木今教之使登必能

登木矣又喻塗之性善附著以之塗物必著矣以與

王自不教小人以仁義者若教小人以仁義則必從

矣何者以人性皆有仁義因其性而道之故教之必

從也又言小人所以易教者以君子之人有美道以

得聲譽小人則慕樂之美其榮名欲得與之而自連

屬也是天下之人皆樂善而棄惡但無人啓教耳王

何不教之乎鄭唯以附為木桴言以塗泥塗木桴則

易著餘同○**傳**猿猴至附著○正義曰猿則猴之輩

屬非獲也陸璣疏云猿獼猴也楚人謂之沐猴老者
 為獲長臂者為獲獲之白腰者為獼胡獼胡獲駿捷
 於獼猴然則猿獲其類大同故樂記注云獲獼猴也
 是其類故也傳言附著也是訓附為著故王肅云教
 猿升木必也如以塗之必著○毋禁至則進○正
 義曰說文云毋止之也從女象有好之者言止其好
 而稱毋故毋為禁辭以猿升木類之則附為有形之
 物不得為著故易傳以塗之易著必是物之齷者故
 為木桴桴謂木表之麤皮也以猿之性善登木泥之
 性善著物因其所善而教用之故言必也以顧下小
 人與屬故知喻人心皆有仁義教之則進此章先言
 人心易教王不教之下章乃言其樂善故言毋為禁
 止之意言小人之易教故反辭以體之非禁王不聽
 教小人孫毓難鄭云若喻人心皆有仁義教之則進
 何為禁之而云毋乎

雨雪濼濼見暝日消傳 暝日氣
 是未得立言之意耳

也 云雨雪之盛濼濼然至日將出其氣始見人則



皆稱曰雪今消釋矣喻小人雖多王若欲興善政則

天下聞之莫不曰小人今誅滅矣其所以然者人心

皆樂善王不啓教之

○雨于付反汙及下同漣符嬌反徐符彪反又方苗反雪盛貌

見如字下文同韓詩作曠音於見反云曠見日出也
覲乃見反曰音越下同韓詩作聿劉向同始見賢遍

反又莫肯下遺式居婁驕去莫無也遺讀曰隨式

如字用也婁斂也今王不以善政啓小人之心則無肯謙

虛以禮相卑下先人而後已用此自居處斂其驕慢

之過者○下遐嫁反注串下同又如字遺王申毛如
字鄭讀曰隨婁王力住反數也徐云鄭音樓

斂也爾雅云衰鳩○樓聚也沈力俱反○雨雪至婁驕○毛以為上言人
心易進此言易化之事言天之

雨下此雪雖灑灑然而盛至於見天暝然之日氣人
 皆稱之曰此雪今消釋矣以興小人雖皆行此惡之
 甚至於見王之善政人皆言之曰小人今誅滅矣人
 惡小人而欲滅之是其心皆好善矣王何不教之乎
 必須教之者以此小人皆為惡行莫肯自卑下而遺
 去其惡心者用此之故其與人居處數為驕慢之行
 故須化之鄭唯以下二句為異言小人不為王所啓
 教故莫肯自謙虛以禮相卑下隨從於人者又無用
 此卑下隨從行自居處婁斂其驕慢之過者由王不
 教使然欲王教之也此莫肯之文并統下句為義○

傳 暝日氣○正義曰說文云暝日見也此詩之意言
 雪見之而消消雪者日也序又從日故知暝是日氣
 也○**釋** 雨雪至教之○正義曰以曰者人言之辭若
 日出則雪消不復須言矣明言者於日未出而言之
 故知至日將出其氣始見人則皆稱之曰雪今消釋
 矣以灑灑雪之盛貌故知喻小人之多也以日將出
 以比王政則土未有政故言王若興善政則天下聞
 之莫不皆曰小人今誅滅矣以雪比小人日能消雪

故喻王誅小人也。論語曰：子為政焉，川殺而誅小人者，以王興政則天下有賞有罰，天下喜王為善而言小人誅滅之也。此上戒孫苻木之事，欲王之教人，故言人心皆樂善，王何不啓教之乎？
遺讀至過者。○正義曰：箋以遺棄之義，不與謙下相類，故讀曰：隨隨從於人先人後，已以相甲下之義也。釋詁云：婁斂聚也。俱訓為聚，則義得通。故云：婁斂也。言用此者，用此下隨之行，自居處收斂其驕慢之過，為敬順謙恭也。此二句毛不為傳，但毛無改字之理，又婁之為數，乃常訓也。故別
雨雪浮浮，見晁曰流。
為毛說焉。
如蠻如髦，我是用憂。
蠻南蠻也。髦夷髦也。流而去也。如蠻如髦，我是用憂。
云：今小人之行如夷狄，而王不能變化之，我用是為大憂也。髦，西夷別名。武王伐紂，其等有八國從。

焉○髦舊音毛尋毛鄭之意當與尚書同音莫侯反行下孟反**疏**如蠻至用憂○正義曰言由王

不以善政啓小人之心令如南國之荆蠻如西方之夷髦行如夷狄王不能變我是用為大憂之欲令王

典善政而不能由此以刺之也○傳蠻南蠻髦夷髦○正義曰爾雅入蠻在南故為南蠻髦對而言之不

在中國故為夷髦髦雖在西夷總名也○今小至從焉○正義曰言如以比之是小人之行比如夷狄

也傳言夷髦不辨其方之所在故云西夷之別名知者正以武王伐紂其等有八國從之其中有髦故知

在西方也牧誓曰及庸蜀羌髳微盧彭濮人又曰邈矣西土之人是西方也被髦此髦音義同也

角弓八章章四句

苑柳刺幽王也暴虐無親而刑罰不中諸侯皆不欲

朝言王者之不可朝事也

苑音鬱徐於阮反中丁仲反下注不中同朝直

遙反篇
苑柳三章章六句至朝事○正義曰經內同
三章毛鄭雖有小異皆以上二章次二句為暴虐下二句及卒章下二句為刑罰不中其上二章上二句及卒章上四句言王無美德心無所至言王者不可朝事之意總三章之義也

有苑者柳不尚息焉

傳興也苑茂木也

傳云尚庶幾也

有苑然枝葉茂盛之柳行路之人豈有不庶幾欲就之止息乎興者喻王有盛德則天下皆庶幾願往朝

焉憂今不然上帝甚蹈無自暱焉

傳

蹈動暱近也

傳

云蹈讀曰悼上帝乎者愬之也今幽王暴虐不可以朝事甚使我心中悼病是以不從而返之釋已所以

不朝之意

○蹈音悼鄭作悼病也暱女栗反又女筆反徐又乃吉反

俾予靖之後

予極焉

傳

靖治極至也

傳

云靖謀俾使極誅也假使

我朝王王留我使我謀政事王信讒不察功考績後

反誅放我是言王刑罰不中不可朝事也

○俾必爾反本作卑

後皆同極毛

如字鄭音棘

有苑至極焉○毛以為有苑然者枝葉茂盛之柳行路之人見之豈不庶

幾就之而息止焉誠欲就之而止息以興有道德茂美之王諸侯見之豈不庶幾往之而朝事今諸侯不往朝王由王無美德故也諸侯既不朝王又相戒曰上帝之王甚變動而其心不恆刑罰妄作汝諸侯無得自往親近之若自往親近之必將得罪又恨王者不任已以事言王之有事若使我治之於後則使我更至焉今有事不使我治之動輒加我以罪我所以不欲朝王也○鄭以上二句與毛同言我不欲朝者

以王暴逆故訴之于天言上帝乎今幽王行其暴虐不可朝事甚使人心悼傷我是以無得從而近之由王爲惡故已不欲朝也非直暴虐如是刑罰不中假我朝王王留我有政事使我謀之王信讒不察功考績我雖無罪於後必罪我而誅放焉由此我所以不往朝事之也○尚庶至不然○正義曰釋言云庶幾尚也以心所念尚卽是庶幾義相反覆也以行人之欲息於茂蔭似諸侯之願朝於有德故以茂喻盛德而願往焉反陳古義以刺今故言憂今不然○
蹈動曜近○正義曰蹈者踐履之名可以蹈善亦可以蹈惡故爲動言王心無恆數變動也故王肅孫毓述毛皆以上帝爲斥王矣曜近釋詁文毛於下章瘵焉病也言王者躁動無常行多逆理無得自往近之則爲王所病與此互相接也○
蹈讀至之意○正義曰以上言庶幾朝之卜句言無自曜焉是其蹈爲惡之狀故讀爲悼言使人心悼病若蹈履則非惡之狀故易傳也言王無美德下訴其不可朝事於理爲切故以上帝爲天而訴之也序言王者不可朝

事故云釋已所以不朝之意○**傳**靖治極至○正義曰並釋詁文此言王不可朝而云使我治之後我至焉則毛意以為恨王不使已治事故後不至也此恨王不任已事則居以凶危是又恨王使已皆由王之無常有事不任之纔任即加罪是不可朝事○**傳**靖謀至朝事○正義曰靖謀俾使皆釋詁文極誅釋言文以序云刑罰不中卒章云若以凶矜反以類此則極邁皆罪事故言假使我朝王王雷我使謀政事王信讒反誅放我也以凶矜之文與此相類故易傳也**有菀者柳不尚愒焉****傳**愒息也○愒欺例反

上帝甚蹈無自瘵焉**傳**瘵病也

云瘵接也○瘵側界反鄭音際**俾予靖之後予邁焉****傳**云邁行

也行亦放也春秋傳曰予將行之**疏**瘵接○正義曰毛依釋詁文

瘵病也鄭以上曠類之讀為交際之際故言接也○**邁**邁行至行之○正義曰邁行釋言文以罪而使之

行於外故言行亦放也引傳曰予將行之者昭元年
左傳文時鄭之大夫游楚有罪子產將放之子人叔
者游楚之宗傳曰將行子南子產咨於大叔大叔曰
吉不能亢身焉能亢宗吉若獲戾子將行之何有於
諸游是行為放之義故引證之
也吉大叔之名子南游楚之子

彼人之心于何其臻傳云傳臻皆至也彼人斥幽王

也鳥之高飛極至於天耳幽王之心於何所至乎言

其轉側無常人不知其所屆傳音附曷予靖之居以凶

矜傳曷害矜危也傳云王何為使我謀之隨而罪我

居我以凶危之地謂四裔也傳有鳥至凶矜

飛無定之物人心有定之主今鳥有所至人心反無
至故以喻之言有鳥高飛謂其終無所至亦至于天

而止也。今彼人幽王之心，于何其所至乎？言其心轉側無常，人不知其所止，乃鳥之不如。由此不可朝事也。我若朝王，王使我治事，旋即罪我，故恨王云。何由使我治之？尋復居處我以凶危之地也。使即罪之，是刑罰不中，不可朝事也。○鄭唯以靖謀為異，餘同。○
曷害。○正義曰：傳雖曷為害，亦訓為何，故害澣害否，皆為何也。○
王何至四裔。○正義曰：以誅放類之故，知凶危是凶危之地，謂四方荒裔遠處，即九州之外也。文十八年左傳曰：投諸四裔，以禦魑魅。是四裔之文，即羽山、東裔、崇山、南裔、三危、西裔、幽州、北裔，是也。九州之外，而言幽州者，以州界甚遠，六服之外，仍有地屬之，故繫而為焉。

苑柳三章章六句

毛詩註疏卷第十五

十五之一

毛詩註疏卷第十五

十五之二

漢鄭氏箋

唐孔穎達疏

毛詩小雅

都人士周人刺衣服無常也古者長民衣服不貳從

容有常以齊其民則民德歸壹傷今不復見古人

也

服謂冠弁衣裳也古者明王時也長民謂凡

在民上倡率者也變易無常謂之貳從容謂休燕

也休燕猶有常則朝夕明矣壹者專也同也

○長張丈

反注同貳音二從七容反復扶又反
下注同倡率朔事反朝夕直達反

疏

都人士五
章六句

至古人。正義曰都人士詩者周人所管轄其
人所著之服無常也以古者在上長率其民所
之服不變貳雖從容休燕之處其容貌亦有常不
但公朝朝夕而已身自行此以齊正其人則下民
皆為一德謂其德如一與上齊同亦衣服不貳從
容有常也傷今不復見古之人故作詩反以刺之
周人者謂京師畿內之人此及白華獨言周人者
蓋敘者知畿內之人所作其人或微不足錄故言
周人以便文無義例也不言刺幽王者此凡在人
上服皆無常故下民亦不齊一此刺當時之服無
常非指刺王身故序不言刺王然風俗不齊亦王
者之過即亦刺王也服謂在體之衣德謂身之所
行德服非一在上衣服有常能使下民一德正謂
服有常也抑抑威儀維德之隅由德行有常故服
不變既觀其服之不貳知其德之齊一不然則德
在於心不可知其正否也經五章皆陳古者有德

之人衣服不貳不言長民者敘言人德齊之由
故說長民不貳於經無所當也唯傷今不復見古
之人是總敘五章之義民者兼男女故經有士女
二事○**服**謂至同也○正義曰冠弁在首衣裳
在身皆是體之所服直云衣服刺無常明其兼之
也弁者古冠之大號也冠弁總謂在首者冕弁之
類皆在其中也春官司服云凡田冠弁服謂委貌
玄冠爲冠弁對其餘弁冕而立名非總諸冠與此
不同也以傷今而思之故知古者明王時也言長
民則與民爲長者皆是故謂凡在人上倡率者謂
爲官倡導帥領之人卽邑宰鄉遂之官言凡語廣
雖上及天子諸侯皆是也衣服衆矣當各以其事
服之今云衣服不貳明各於其事不得差貳故云
變易無常謂之貳也此從容承衣服不貳之下以
對之矣明爲私處舉動故知謂休燕閒暇之處宜
自放縱猶尚有常則朝夕舉動亦有常明矣此休
燕有常直謂進退舉動不失常耳卽經所云其容
不改之類非據衣服故箋直云猶有常不言服明

其非服也壹者齊一之義故為專也同也言專為一明服色齊同也

彼都人士狐裘黃黃其容不改出言有章

傳

彼彼明王

也云城郭之域曰都古明王時都人之有士行者

冬則衣狐裘黃黃然取溫裕而已其動作容貌既有

常吐口言語又有法度文章疾今奢淫不自責以過


差○出如字士行下孟反下文行歸注操行同衣於既反差都賈反又如字

民所望傳周忠信也云于於也都人之士所行要

歸於忠信其餘萬民寡識者咸瞻望而法倣之又疾

今不然○望如字城郭至過差○正義曰都者協韻音下聚居之處故知城郭之域也定

本城作域正舉都邑者以都邑之士近政化有道先
被其德無道先化其淫此時奢淫巧僞都邑尤甚故
舉古之都邑以駁今之都邑也士者男子行成之大
稱敘言則民一德是所陳者人也人而言士故知都
人之有士行者非爵爲士也月令孟冬天子始裘故
知冬則衣狐裘也以古之衣裳其上必有裼衣故知
取其溫裕而已禮記緇衣引此詩彼注云黃衣則狐
裘大蜡之服也詩人見而說焉以爲大蜡之裘則是
有衣裼矣言取溫裕者以注記之特未詳此詩之意
以狐裘黃者實大蜡時息民所服服則黃衣故以言
焉至此觀經爲解故不與彼同也若然息民之祭服
此狐裘則是尊貴之服矣庶人而得服之者彼狐之
黃者多黃狐之衣非貴服也息人臘祭服之者於是
草木黃落象其時物之色故服之耳郊特牲云野夫
黃冠黃冠草服也注云言祭以息民服象其時物之
色季秋草木黃落是順時而服之非同於常祭其實
爲輕又不衣裼故庶人所得衣也若然玉藻云夫羊
之裘不裼注云質略亦庶人無文飾則庶人止服夫

羊此衣狐裘者以禮不下庶人其制不可得曲而盡此言狐裘則庶人得衣狐裘明矣禮云犬羊舉一以言之七月云一之日于貉箋云于貉往捕貉以自為裘是庶人又以貉裘而禮無明文禮之所記不能盡也七月又云取彼狐狸為公子裘則非公子不得衣狐裘言庶人狐裘者以狐色不等若狐白非君不服狐青乃小而美者則可以供公子而庶人避其文故言于貉若黃狐及麤惡者不廢庶人亦服之且孔子云狐貉之厚以居狐連貉言之貉既庶人所服狐亦服之明矣以庶人服犬羊不裼故此狐裘亦不裼取其濫裕而已或以書傳云古者必有命民得乘飾車駢馬衣文錦彼都人士為命民故異於其餘庶民知不然者此則思古之服則古之都邑之士則當皆然也下言緇撮不異庶人則狐裘黃黃是庶人所當服矣此思古人之善以刺今人之惡故箋總之云疾今奢淫不自責以過差也以君子既有其服則常其容以出於言而後為行故經以此為文次也○都人士至今不然○正義曰以經言萬民所望明都人為

人所法倣也知寡識者以明王之時賞不遺才若深
識當為時所用今取法於都人故知寡識者以因前
經故言又疾今不然襄十四年左傳引此二句服虔
曰逸詩也都人一首章有之禮記注亦言毛氏有之
三家則亡今韓詩實無此首章時三家
列於學官王詩不傳立故服以為逸

彼都人士臺

笠緇撮

傳

臺所以禦暑笠所以禦雨也緇撮緇布冠

也

箋

云臺夫須也都人之士以臺皮為笠緇布為冠

古明王之時儉且節也

○臺如字爾雅作臺草名笠音立緇側其反撮七活反夫

音符本亦作扶

彼君子女綢直如髮

傳密直如髮也

箋

云彼

君子子女者謂都人之家女也其情性密緻操行正直

如髮之本末無隆殺也

○綢直畱反密也緻直置反本亦作緻隆俗本作隆殺所

界反又所側反**我不見今我心不說**云疾時皆奢淫我不

復見今士女之然者心思之而憂也○我不見第二

章作弗見一本四章○正義曰言彼

同作不字說音悅○明王之時都邑之人有士行

者以臺草為笠緇布為冠以撮持其髮是儉而且節

此都人之行如是則為君子之人矣彼都人君子之

家女其情性密緻操行正直如人之頭髮然其本末

無隆殺言其性行終始不變也今既不然士女淫慾

我今不復得見古之都人士女德行如是今由此我

心不歡悅而憂心思古也○臺所至布冠○正義

口臺草名可以為笠則一也而傳分之者笠本禦暑

故良耜曰其笠伊糾因可以禦雨故傳分之以充二

事焉以緇撮為一知臺笠不二矣○以臺至且節

○正義曰禹貢有島夷卉服彼卉者是草之總名但

島夷居下溼而常服之此臺草之一名亦卉也郊特

牲曰大羅氏天子之掌鳥獸者諸侯貢屬焉草笠而

至尊野服也則草笠野人之服是賤者也前裘則冬
所衣此笠則夏所用各舉其一而言之以臺皮爲笠
緇布爲冠不用美物故云儉言撮是小撮持其髻而
巳是且節也鄭知取此義者以上言狐裘卽述其容
貌言行此下不述言行故舉其冠笠以表節儉也按
郊特牲云太古冠布齊則緇之冠而敝之可也注云
此重古而冠之耳三代改制齊冠不復用布玉藻云
始冠緇布冠自諸侯下達冠而敝之可也則此應始
冠而敝之今都人以爲常服者士以上冠而敝之庶
人則雖得服委貌因而冠之而儉者服緇布故詩人
舉而美焉故論語今也純儉注云純當爲緇則緇亦
得爲紂帛何知非紂帛爲玄冠而言緇布者以緇雖
古布帛兩名但字從才者爲帛從畱者爲布此言緇
故知非帛且若是帛爲玄冠則有制度不得言撮故
士冠禮云緇布冠頰項注云緇布冠無笄者著頰圍
髮際結項中隅爲四綴以固冠也項中有繩亦由固
頰爲之耳今未冠笄者著卷幘頰象之所生也是緇
布冠制小故言撮以此益明非玄冠若然緇布冠制

自當小言明王之時儉且節者解不著玄冠而著緇

布之意故雖禮制之小亦由儉節而著之○**傳**密直

如髮○正義曰傳變綢言密則以綢為密也綢者緇

綴之言故為密也○**傳**彼君子至隆殺○正義曰文

承於上故以彼君子女謂都人之家女也以密在於

心故言情性直見於外故言操行謂所操持之行跡

也能始終不虧故言本**彼都人士充耳琇實****傳**琇美

末無隆殺定本隆作降**石也****傳**云言以美石為瑱瑱塞耳

○琇音秀徐又**彼****傳**云吉讀為姑尹氏姑

君子謂之尹吉**傳**尹正也**傳**云吉讀為姑尹氏姑

氏周室昏姻之舊姓也人見都人之家女咸謂之尹

氏姑氏之女言有禮法○言毛如字鄭讀為**我不見**

兮我心苑結**傳**云苑猶屈也積也○苑於勿反徐

音鬱又於阮反

彼都至苑結○毛以爲言彼明王之時都人之有士
行者充耳以琇之美石實其耳是其有節制也彼都
人有君子之德其家之女謂之正直而嘉善矣我今
不見古之士女德服如是我心爲之茫然盤屈如繩
索之爲結矣○鄭唯尹姁爲異餘同○**琇**美石○
正義曰淇與傳曰琇瑩美石說文云琇美石次玉也
然琇是美石之名耳而此傳俗本云琇實美石者誤
也今定本毛無實字說文直云琇石次玉則實非玉
名故王肅云以美石爲瑱塞實其耳義當然也淇與
說武公之服以琇爲充耳此都邑庶人亦用琇者禮
天子以純玉諸侯以下則玉石雜衛風自舉石言之
其實玉多而石少非全用石也此則庶人無玉用石
而已其用之石則與諸侯之同名故俱言琇也○**傳**
尹正○正義曰釋言文王肅云正而古也易繫辭云
吉人之辭寡○**吉**讀至禮法○正義曰言謂之者
是指成事而謂之故易傳也尹旣是姓則吉亦姓也
故讀爲姁美其人而謂之尹姁者以尹氏姁氏周室
姁姁之舊姓也知者節南山云尹氏太師常武經曰

王謂尹氏昭二十三年尹氏立王子朝是其世為公卿明與同室為婚姻也韓奕云為韓姑相攸言汾王之甥是姑與周室為婚姻也又宣三年左傳云鄭石癸曰吾聞姬姑耦其子孫必蕃姑吉人也后稷之元妃也言姬姑耦明為舊姓以此知尹亦有昏姻矣既世貴舊姓昏連於王室家風不替是有禮法矣故見都人之女有禮法者謂之尹姑也孫毓云尹氏姑氏衰世舊姓豈必能賢按篇義略古之人則所言皆斥明王之時不得以衰世為難矣

如蠶



厲帶之垂者



云而亦如也而厲如鞞厲也

鞞必垂厲以為飾厲字當作裂蠶螫蟲也尾末捷然

似婦人髮末曲上卷然

○帶音蒂本亦作帶厲毛如字鄭當作裂音列卷音權注

及下同蠶勑邁反又勑界反蠶蟲也通俗文云長尾為蠶短尾為蠟蠟音虛代反鞞薄寒反螫音釋木又

作蠶呼莫反。捷其言反。又音虞。漢書音義云舉也。又渠偃反。一音其蹇反。上時掌反。我不見兮

言從之邁

○

云言亦我也。邁行也。我今不見士女。此

飾心息之欲從之。行言已憂悶欲自殺。求從古人

○

彼都至之邁。○毛以為言彼明王之時。都人之有士

行者垂其帶之飾。而有厲然言其服飾有常也。彼都

人君子之家。女乃曲其髮。末如蠶之尾。言其容儀

有法也。今之士女皆奢淫。不然我今不見古之士女

如是儀飾。以是故心中思之。我欲從之。其當自殺以

行而求古人言已憂悶不能自勝也。○鄭唯以垂帶

如鑿裂為異。餘同。○厲帶之垂者。○正義曰。毛以

言垂帶而厲為絕句之辭。則厲是垂帶之貌。故以厲

為帶之垂者。○而亦至卷然。○正義曰。以言如蠶

將外物。以比髮曲。則而厲亦將外物。以比帶垂。故云

而亦如也。以蠶已言如故言亦如也。如厲如鑿厲者。謂如桓二年左傳云。鑿厲游纓也。彼服虔以鑿為大

帶也鄭意則不然內則云男鞶革女鞶絲注云鞶小囊盛悅巾者男用韋女用緇有飾緣之則是鞶裂與詩云垂帶如厲紀子帛名裂緇字雖今異意實同也以鄭彼注言之則鞶是囊之名但有飾緣之垂而不名之為裂鞶必垂裂以為飾言帶之垂似之也以紀子帛名裂緇故言厲字當作裂也昭四年左傳曰其父死於路已為蠆尾言蠆尾有毒也故以為蠆蟲其末尾捷然似婦人髮末曲上卷然也禮斂髮無髻而有曲者以長者盡皆斂之不使有餘而短者若鬢傍不可斂則因曲以為飾故不同也定本及集本捷下皆無然字。我今至古人。正義曰上言帶髮故言士女此飾也以上章有我心此言從之邁故知心思之彼人已死而欲從之行。匪伊垂之帶則有餘匪故知憂悶欲自殺求從古人。

伊卷之髮則有旗

傳

旗揚也

釋

云伊辭也此言士非

故垂此帶也帶於禮自當有餘也女非故卷此髮也

髮於禮自當有旃也旃枝旃揚起也

○旃音餘揚也

我不見

今云何盱矣

云盱病也思之甚云何乎我今已病

也

○盱喜俱反

疏

匪伊至盱矣○正義曰此承上章之文故匪伊之上闕帶髮之文見於下句以

法所當然是於禮有之也禮大帶垂三尺是矣此下二句初直不悅後更死結故欲自殺而未能所以為

病為事之次也

都人士五章章六句

采綠刺怨曠也幽王之時多怨曠者也

疏

怨曠者君

子行役過時之所由也而刺之者譏其不但憂思

而已欲從君子於外非禮也

○思息嗣反下皆同

疏

采綠四章章四

句至曠者。正義曰：謂婦人見夫行役過時不來，怨已空曠而無偶也。婦人之怨曠，非王政而錄之於雅者，以怨曠者為行役過時，是王政之失，故錄之以刺王也。經上二章言其憂思，下二章根本不從君子，皆是怨曠之事，欲從外則非禮，故刺之。○
 怨曠至非禮。正義曰：婦人思夫情義之重，禮所不責，故知譏其不但憂思而已，欲從君子於外，非禮也。禮婦人送迎不出門，况從夫行役乎？雖憂思之情可閔，而欲從之語為非，故作者陳其事，而是非自見也。

終朝采綠不盈一掬

傳

興也。自旦及食時為終朝，兩手

曰掬

傳

云綠王芻也，易得之菜也。終朝采之而不滿

手，怨曠之深，憂思不專於事。

○掬，弓六反。注本或一手曰掬，芻楚俱反。草也。

易以鼓反

子髮曲局薄言歸沐

傳

局，卷也。婦人夫不在則

不容飾



云言我也禮婦人在夫家筭象筭今曲卷

其髮憂思之甚也有云君子將歸者我則沐以待之

○局其玉反卷音權下

同又眷勉反沈其言反

終朝至歸沐○毛以為言

能滿其一翦此采者由此人志在於他故也以與此

婦人終日為此家務而不能成其一事者此婦人由

志念於夫故也故言我之憂思不暇容飾今不洗沐

其髮徒曲卷而已是憂思之甚也薄知我君子之將

歸我則沐髮以待之今之不沐由無君子故也○鄭

唯婦人身自采綠不與為異餘同○

○正義曰毛以婦人不當在外故以為與終朝者是

終竟於朝故至食時也翦物必用兩手故曰兩手曰

翦○綠王至於事○正義曰綠若難得則不盈是

常今言其不盈故為易得而不滿是其憂思不專也

以田漁之婦則庶人之妻可自親采故不從毛與也



禮婦至待之○正義曰解所以曲卷者禮婦人

在夫家當筭此象骨之筭今曲卷其髮則去其筭而不用是憂思甚也此訓言為我我君子也我則沐以待之此我義勢所加非經言也終朝采藍不盈一襜

襜

箋

云藍染草也

○藍盧談反沈力甘反襜天占反郭璞云今之蔽膝

五日為

期六日不詹

傳

詹至也婦人五日一御

箋

云婦人過

於時乃怨曠五日六月者五月之日六月之日也期

至五月而歸今六月猶不至是以憂思

○詹音占

傳終朝

詹○毛以上二句與前同下二句言婦人五日一進御於夫言常時以五日為御之期而望之至六日而不至尚以為恨况今日月長遠能無思乎舉近以喻遠也○鄭以上二句為賦也自與前同下二句言婦人本與夫以五月之日為選期今六月之日而不至是為行役過時所以怨曠憂思○**傳**衣蔽前謂之襜

○正義曰釋器文也李巡曰衣蔽前衣蔽膝也○
藍染草○正義曰以藍可以染青故淮南子云青出
於藍月令仲夏無刈藍是可以染之草○**皇**婦人五
日一御○正義曰內則云妾雖年老未滿五十必與
五日之御是傳之所據也傳以彼文不辨尊卑則通
及庶人王肅云五日一御大夫以下之制傳意或然
也其天子諸侯御之日數則傳無文焉婦人之恩夫
必過時乃怨曠毛雖云五日一御不必夫行六日便
卽怨也當是假御之期日以喻過時耳孔晁曰傳因
以行役過時刺怨曠也故先序家人之情而以行役
者六日不至爲過期之喻非止六日毛意當然也鄭
五日之御則不然故內則注云五日一御諸侯制也
諸侯取九女姪娣兩兩而御則三日次兩媵則四日
次夫人專夜則五日也是鄭以五日爲諸侯制非大
夫以下御婦人之日限也其天子則天官九嬪掌婦
學之法以教九御注云自九嬪以下九九而御於王
凡羣妃御見之法月與后妃其象也早者宜先尊者
宜後女御八十一人當九夕世婦二十七人當三夕

九嬪九人當一夕三夫人當一夕后當一夕亦十五日而編云自望後反之孔子云日者天之明月者地之理陰契制故月上屬為天使婦從夫故月紀是鄭差後宮之數為天子御日之支也以御女八十一人而言九御知當九夕以數準之故九嬪以下皆九人當一夕也夫人自然五人當一夕是十五日一編與望數相當故云然亦者亦望之日數以其相當故因引孔子之言以證之後皆取其盛者故知卑者宜先謂月初也望後則月先盛故知反之是以內則之注亦先姪娣從卑者起由準此也諸侯夫人則亦望前推之則大夫一妻二妾三日一御士有妾二日一御庶人多無妾其妻每夜而進之此所以與毛異也○
 婦人至憂思○正義曰箋解婦人所以怨曠之意由過時故也則此過時之言故不為日數也雖言以日為喻五日一御非庶人之禮又其喻懸而不愜故易傳云五日六日者五月之日六月之日是期至之五月而歸今六月猶不至是過時所以為憂思也

子于狩言韋其弓之子于釣言綸之繩

云之子是

子也謂其君子也于往也綸釣繳也君子往狩與我

當從之為之韋弓其往釣與我當從之為之繩繳今

怨曠自恨初行時不然

○狩尺救反韋勅亮反發也沈治亮反本又作鬯釣音弔

綸音倫繳音灼亦作故同與音餘下同為干偽反下同之子至之繩○正義曰婦人既思夫不見

悔本不隨之共行云我本應與之俱去若是子之夫

往狩與我當與之韋其弓謂射訖與之弛弓納于韋

中也是子之夫往釣與我當與之綸之繩謂釣竿之

上須繩則已與之作繩今不見而思故悔本不然○

是繫繩於矢而射謂之繳射則釣繳者謂繫繩於釣

生絲為之其釣維何維魴及鱖維魴及鱖薄言觀者云

觀多也此美其君子之有技藝也釣必得魴鱖魴鱖

是云其多者耳其衆雜魚乃衆多矣○魴音防鱖音敘觀古玩反注

同韓詩作觀其釣至觀者○正義曰既恨不從君

技其綺反子狩釣故此又說其釣之技上兼有

狩此偏言釣者因上釣文在下接而申之耳此不從

之行而知其獲多者言本在家之釣非謂役中時也

俗本作觀觀誤也定本集注並作多

采綠四章章四句

黍苗刺幽王也不能膏潤天下卿士不能行召伯之

職焉陳宣王之德召伯之功以刺幽王及其羣

臣廢此恩澤事業也

○膏古報反下同召上照反注及下同

疏 黍苗五章

章四句至之職焉。正義曰：作黍苗詩者刺幽王也。以幽王不能如陰雨以膏澤潤及天下，其下卿士又不能行召伯之職，以勞來士，眾臣之廢職，白君失所任，故陳召伯之事以刺之也。膏潤者以君之恩惠及下，似雨澤之潤於物，然水之潤物又似脂膏，故言膏潤也。此敍君臣互文以相見，言卿士不能行召伯之職，則王不能膏潤天下，謂不能如宣王也。以經言召伯不言宣王，故敍因而互文以見義也。此皆反經而敍之首章，上二句是宣王之能膏潤也，下二句以盡卒章皆召伯之職也。言卿士不能行，則召伯時為卿士矣。故國語韋昭注云：召公康公之後，卿士也。左傳服虔注云：召穆公王卿士是也。經言召伯亦作上公為二伯，以兼卿士耳。○陳宣至事業。正義曰：召伯之為卿士，宣王時也。故知陳宣王之德，召伯之功，以刺幽王及其羣臣廢此恩澤事業也。膏潤是恩澤，召伯之職

是事業故

並言焉

芄芄黍苗陰雨膏之

傳

興也芄芄長大貌

箋

云興者喻

天下之民如黍苗然宣王能以恩澤育養之亦如天

之有陰雨之潤

○芄蒲東反一音扶維反長張丈反

悠悠南行召伯勞

之

傳悠悠行貌

箋

云宣王之時使召伯營謝邑以定

申伯之國將徒役南行衆多悠悠然召伯則能勞來

勸說以先之

○勞力報反注及下篇注同營謝一本作營謝邑將徒役一本作將師旅來音

賚說音悅

疏

芄芄至勞之○正義曰言芄芄長大者又始說反是黍苗也此黍苗所以得長大者天以

陰雨之澤膏潤之故也以興宣王之時悅樂者是家人也此衆人所以得悅樂者由王以恩惠之澤養育

之故也以黍苗之仰膏雨猶衆人之仰恩惠是宣土
能膏潤天下今王不能然故舉以刺之又其時之人
在國則蒙君之恩澤其行又得臣之勞來故言悠悠
衆多而南行者是營謝邑之人召伯則又能勞來勸
悅以先之言知人之勞苦也今幽王之時人苦而臣
不知又刺之○宣王至先之○正義曰以嵩高言
王命召伯定申伯之宅又曰因是謝人與四章蕭蕭
訓功相當故知此南行謂宣王之時使召伯營謝邑
以定申伯之國將徒役南行也此言南行是舉其始
去而勞之故言召伯則能勞來勸悅以先之謂閱其
勤勞身先其苦也我行既集
蓋云歸哉謂事訖而勞之

我任我輦我車我牛我

行既集蓋云歸哉

傳

任者輦者車者牛者

卷

云集猶

成也蓋猶皆也營謝轉餽之役有負任者有輓輦者
有將車者有牽傍牛者其所爲南行之事既成召伯

則皆告之云可歸哉刺今王使民行役曾無休止時

○任音壬注同輦力展反沈連典反
餽音運輓音晚傍薄浪反為于僞反
○正義曰上

言南行為總此言行中之別從召伯之南行其轉運

謂有我負任者我輓輦者我將車者我牽傍牛者我

召伯所為南行之事既成謂營謝畢召伯則皆告之

云可歸哉言先王之時功役有期臣司其職今王役

無休止臣廢其事故刺之○**任**任者至牛者○正義

曰傳言此四者明任輦車牛則各有其人故事別歷

言之○**蓋**蓋猶至止時○正義曰蓋者疑辭亦為發

端孝經諸言蓋者皆示不敢專決禮記禮器云蓋道

求而未之得也檀弓云蓋有受我而厚之是發端也

此詩人指事而述非有可疑事在末句不為發端而

其上歷陳四事故為皆也下章美召伯營謝之功任

輦車牛是轉運所用故營謝邑轉運之役也有負任

者謂器物人所負持生民云是任是負又別為二故

箋以任為抱此一者以相對則任在前負在背此任

謂人所提荷隨其所在總之皆為任也輦車人輓以
行故云輓輦者有將車者此轉運載任則是大任以
駕牛者也有牽傍牛者秋官罪隸職云凡封國若家
牛助為牽傍鄭司農云凡封國若家謂建諸侯立大
夫家也玄謂牛助國以牛助轉徙也罪隸牽傍之在
前曰牽在旁曰傍此營謝即封國也宜使罪隸牽傍
其牛也既云將車者牽之有牛而將之而別云牽傍
牛者此牛在轅之外不在轅中故別牽傍之地官牛
人云凡軍旅行役共其兵車之牛與其牽傍以載公
任器注云牽傍在轅外輓牛也人御之彼雖非封國
要牽傍亦在轅外以此知不與將車同也箋以召伯
所勞當是勞人故歷言其事以表其名自別人又以
罪隸之文參之知牛為牽傍與車不同也此舉其歸
反以刺時故刺今王使人行役當無休息之時下章
從此可知

我徒我御我師我旅我行既集蓋云歸處

故略焉

傳 徒行者御車者師者旅者

箋 云步行曰徒召伯營

謝邑以兵衆行其士卒有步行者有御兵車者五百

人爲旅五旅爲師春秋傳曰諸侯之制君行師從卿

行旅從

○士卒尊忽反一本作士衆從才用反下同

師

徒行至旅者○正義曰傳亦見四

者事別而分以言之旅屬於師徒行御車還是師旅

之人而經別之者以其所司各異故亦歷言以類上

章也釋訓云徒御不驚以徒爲輦者也此與上我輦

異章故知徒行也○召伯至旅從○正義曰此言

師旅故云以兵衆行其士卒有徒行者有御車者五

百人爲旅五旅爲師夏官序文春秋傳曰君行師從

傳

謝邑也

安云

卿行旅從定四年左傳文彼文無諸侯之制一句鄭

亦以義言之明天子之卿與諸侯同故有師也彼傳

若行師從謂嘉好之事服虔云謂會同杜預云謂朝會此雖作役非征伐故同嘉好之事也

肅肅

肅肅嚴止之貌營治也烈烈威武貌征行也美召作

治謝邑則使之嚴正將師旅行則有威武也原隰既

平泉流既清召伯有成王心則寧傳土治曰平水治

曰清

傳

云召伯營謝邑相其原隰之宜通其水泉之

利此功既成宣王之心則安也又刺今王臣無成功

而亦心安

○治直吏反下同相息亮反

傳

土治至曰清○正義曰此下傳亦然五土有

十等獨言原隰者以其最利於人故特言之

黍苗五章章四句

隰桑刺幽王也小人在位君子在野思見君子盡心

以事之

傳

隰桑四章章四句至事之。正義曰君子在野經上三章上二句是也言小人

在位雖經無所當而首章箋反求此義則原上之桑不能然以刺時小人在位無德於民是亦小人在位之事也思見君子盡心以事之者即上三章下二句及卒章是也

隰桑有阿其葉有難

傳

興也阿然美貌難然盛貌有以

利人也

傳

云隰中之桑枝條阿阿然長美其葉又茂

盛可以庇廕人興者喻時賢人君子不用而野處有

覆養之德也正以隰桑興者反求此義則原上之桑

枝葉不能然以刺時小人在位無德於民

○難乃多反庇必利

反又彼備反廕於鳩反

既見君子其樂如何

傳

云思在野之君

子而得見其在位喜樂無度

○樂音洛注下皆同

疏

隰桑至如

曰言隰中之桑枝條其阿然而長美其葉則甚難然而茂盛其下可以庇蔭人往息者得其涼也以與野中君子其身有美德可以覆養人事之者蒙其利也既隰中之桑盛如此則原上之桑不能然是不可以庇蔭也猶野中君子德如是則在位小人不能然為不能覆養也由小人在位而無德故今思見在野君子而尊事之若既得見在野之君子置之於位我則其為喜樂知復如何乎言其樂之甚也**疏**阿然至利人○正義曰阿那是枝葉條垂之狀故為美貌難為葉之茂沃言葉之柔幽是葉之色言桑葉茂盛而柔軟則其色純黑故三章各言其一也由葉茂而蔭厚所以庇蔭人息者得其涼之利故言難然有以利人言有此蔭涼以利人以喻君子之亦有德澤以利人也**疏**隰中至於民○正義曰以有阿之下別言其葉則阿非葉狀故枝條長美菀柳云不尚息焉則知舉此茂美亦取庇蔭為喻故與在野君子有覆養

之德也知反求此義者以序言小人在位君子在野
 為相對今舉隰而無原故知有反求之義以此小人
 無德於民矣詩中單言隰者多矣若隰有萇楚不必
 反以對原唯義所在故不同故夏書傳曰下溼曰隰
 桑非能水之木而言隰桑美者以桑不宜在溽水之
 地宜在隰潤之所隰之近畔或無水而宜桑以今驗
 之實然

隰桑有阿其葉有沃

傳

沃柔也

○沃鳥酷反

既見

君子云何不樂隰桑有阿其葉有幽

傳

幽黑色也

○幽

於蚓反

既見君子德音孔膠

傳

膠固也

箋

云君子在位

民附仰之其教令之行甚堅固也

○膠音交

心乎愛矣遐

不謂矣中心藏之何日忘之

箋

云遐遠謂勤藏善也

我心愛此君子君子雖遠在野豈能不勤慤之乎宜

思之也我心善此君子又誠不能忘也孔子曰愛之

能勿勞乎忠焉能勿誨乎

○藏鄭子郎反王才郎反

疏

誨乎○正孔子至

義曰引論語者彼以中心善之不能無誨此則中心善之故心不能忘其義略同故引以為驗

隰桑四章章四句

白華周人刺幽后也幽王取申女以為后又得褒姒

而黜申后故下國化之以妾為妻以孽代宗而王

弗能治周人為之作是詩也

圖

申姜姓之國也褒

姒褒人所入之女姒其字也是謂幽后孽支庶也

宗適子也王不能治已不正故也

○華音花取七與反孽魚列反

為于偽反 適音的 白華八章章四句至是詩。正義曰：幽王之后，褒姒也。以幽王初取申女以為后，後得褒姒而黜退申后，褒姒妾也。王黜申后而立之，由此故下國諸侯化而傲之，皆以妾為妻，以支庶之孽代本適之宗，而幽王弗能治而正之，使天下

敗亂皆幽后所致，故周人為之而作白華之詩以刺之也。申后之黜，幽王所為，而刺褒姒者，言刺褒

姒則幽王之惡可知，以褒姒媚惑以至使申后見黜，故詩人陳申后之被疏遠，以主刺后，姒也。帝王

世紀云：幽王三年納褒姒，八年立以為后，則得在三年而黜申后，在八年此詩之作，在見黜之後。經

八章皆言王遠申后，是得褒姒而黜申后之事也。下國化之，即五章鼓鐘于宮，聲聞于外是也。此詩

主刺王之遠申后，但王為此行，則為下國所化，故經略文以見意，序具述其事以明之。申姜至

王故。正義曰：欲明申為國名，故云姜姓之國。褒

姒，褒人所入之女。國語史記有其事。褒國，姒姓。言

姒其字者婦人因姓為字也以申襄皆為王后故
辯之云是謂幽后以其被刺明襄姒矣孽者蘖也
樹木斬而復生謂之蘖以適子比根幹庶子比支
孽故孽支庶也中侯曰無易樹子注云樹千適子
玉藻云公子曰臣孽注曰孽當為栝文王日本支
百世是適子比樹本庶子比支孽也宗適子者以
適子當為庶子之所宗故稱宗也王以襄姒代申
后下國化之正以妾為妻耳并言以孽代宗者既
以妾為妻母愛者子伯服則妾之所生代適子故
連言之鄭語云而嬖是女使至於為后而生伯服
又曰王欲殺太子心求之申是幽王亦以伯服代
太子故為下國所化也天子執牛殺之柄所以不
能治下國者以已不正故也昭四年左傳椒舉
云無瑕者可以戮人是不正不可以治人也

白華菅兮白茅束兮

傳

興也白華野菅也已漚為菅

箋

云白華於野已漚名之為菅菅柔忍中用矣而便取

白茅收束之茅比於白華為脆興者喻王取於申申

后禮儀備任妃后之事而更納褻姒褻姒為孽將至

滅國 ○管音奸漚鳥侯反柔也忍音刃脆七歲 之子

之遠俾我獨兮 云之子斥幽王也俾使也王之遠

外我不復答耦我意欲使我獨也老而無子曰獨後

褻姒譜申后之子宜咎宜咎奔申 ○遠于願反下注

及下皆同俾必爾反復扶 言人刈白華已漚以為

又反譜側鳩反咎音柅 管又取白茅纏束之兮是二者以絜白相束而成用

與婦人有德已納以為妻兮又用禮道申束之兮是

二者以恩禮相與而成嘉禮者即端成絜白之謂今

之子幽王遠外我申后不復答耦我意欲使我獨老

而無子兮是不以絜白恩禮相申束使已菅茅之不
如也○鄭以爲言人旣刈白華已漚爲菅柔韌中用
今何爲更取白茅收束之兮以白茅代白華則脆而
不堪用也以興王旣聘申女已立爲后禮儀充備今
何爲更納褻如嬖寵之兮以褻奴代申后則妬而將
滅國也寵褻奴以黜申后似取白茅而棄韌菅故以
爲喻餘同○**白華**至爲菅○正義曰白華野菅釋
草云茅菅白華一名野菅郭璞曰茅屬也此白華亦
是茅菅類也漚之柔韌異其名謂之爲菅因謂在野
未漚者爲野菅也王肅云白茅束白華以興夫婦之
道宜以端成絜白相申本然後成室家也傳意或然
○**白華**至滅國○正義曰箋以序言得褻奴而黜
申后明以菅茅相比故以韌脆爲喻以菅漚之明朝
也茅不漚故脆也言取白茅投束之言收束以擬用
非以束白華也茅雖比菅爲脆其實茅亦不可用七
月云畫爾于茅宵爾索綯是茅可以爲索與者以善
惡相比爲喻耳○**之子**至奔申○正義曰遠是遠
申后故之子斥幽王以遠卽連言獨故以不復答耦

解之也老而無子曰獨王制文也其後褒姒譖申后之子宜咎宜咎奔申解其獨之意以申后雖有子王用褒姒之讒使之奔申是王欲殺之而使申后無子探王此意故雖有子亦各為獨也

英英白

雲露彼菅茅

傳

英英白雲貌露亦有雲言天地之氣

無微不著無不覆養

傳

云白雲下露養彼可以為菅

之茅使與白華之菅相亂易猶天下妖氣生褒姒使

申后見黜

○英如字韓詩作泱泱同

天步艱難之子不猶

傳

步行

猶可也

傳

云猶圖也天行此艱難之妖久矣王不圖

其變之所由爾昔夏之衰有二龍之妖卜藏其繇周

厲王發而觀之化為玄黿童女遇之當宣王時而生

女懼而棄之後褒人有獻而入之幽王幽王嬖之是

謂褒姒

○夏戶雅及獠士其反沫也又尸醫反爾雅云獠盞也盞音鹿電音元嬖補悌反又必計

反

疏


英英至不猶○毛以為上既言王不以禮已失管茅申束之義故因言管茅之蒙養英英然者

是鮮潤之白雲下露潤彼管之與茅使之得長成是天地之氣無微不著無不覆養然天不遺物尚養彼管茅天何為獨行艱難於我申后令之于幽王不可於我而見黜退不得覆養是管茅之不如也○鄭以為英英之白雲降露潤養彼可以為管之白茅使與白華之管相亂易猶蒼天下妖氣生彼可以為后之褒姒令與申后相換代也天生褒姒以惑周若雲之養茅以亂用則為天下之妖然其妖本自夏世以至於周時是天行此艱難之妖久矣之于幽王何故不圖其變之所由來而寵之以代后將至於滅國乎○**傳**英英至覆養○正義曰以英英連白雲故為白雲貌言露亦有雲者以雨必有雲言亦亦雨也以今觀

之有雲則無露無雲乃有露言露亦有雲者露雲氣
 微不映日月不得如雨之雲耳非無雲也若露濃霧
 合則清且為昏亦是露之雲也霜露所需是天地之
 氣故言天地之氣無微不著謂養萌芽以成大無不
 覆養巨細皆潤之故管茅悉蒙養也。白雲至見
 黜。正義曰箋以上章言取茅而棄管喻寵褒姒而
 黜申后故此章又申之言天養彼可以為管之茅使
 茅與白華相亂易猶天下妖氣生褒姒使申后見黜
 退以此喻為切故易傳也。步。步行猶可。正義曰
 舉足謂之步故為行也猶可釋言文王肅云天行艱
 難使下國化之以倡為不可故也侯苞云天行艱難
 於我身不我可也如肅之言與上章不類今以侯為
 毛說。天行至褒姒。正義曰上既以露雲養茅
 喻天生褒姒褒姒從來為遠故言天行艱難以結之
 言天行艱難之妖久矣責王不圖其變之所由也若
 然天故行妖以滅周則非人所能拒而令王圖之者
 以天時人事理亦相符若人能更修德行則可妖變
 為祥太戊桑穀即其事也且王興滅實有天期要忠

臣烈士不可委之上天默然不諫龍逢比干皆伏死
以爭故詩人諷詠亦勸王之謀也昔夏之衰以下之
事皆出外傳鄭語曰宣王之時童謠曰檠弧箕張實
亡周國於是宣王聞之有夫婦鬻是器王使執而戮
之府之小妾生女而非王子也懼而棄之此人也收
以奔褒褒人有獄而以爲入天之命此久矣其入可
爲乎訓語有之曰夏之衰也褒人之神化爲二龍以
同于王庭而言曰余褒之二君也夏后卜殺之與去
之與止之莫吉卜請其糝而藏之吉乃布幣焉而策
告之龍亡而糝在積而藏之及殷周莫之發也厲王
之末發而觀之糝流於庭不可除王使婦人下幃而
譟之化爲玄黿以入于王府府之童妾未旣鬻而遭
之旣筭而孕當宣王而生不夫而育故懼而棄之爲
孤服者方戮在路夫婦哀其夜號也而取之以逸逃
于褒褒人有獄而以爲入于王而嬖是女使至於爲
后而生伯服此其文也彼韋昭注曰褒人褒君其處
曰同二君二先君也糝龍所吐沫龍之精氣也厲王
之末流彘之歲也裳正幅曰幃譟謹呼也黿或爲蜃


蚺蜥蜴也。毀齒曰齒。未既齒毀未畢也。女七歲而毀齒。孕妊身也。女十五而笄也。由此言之。昭以龜非陸地之物。故云。或為蚺蜥蜴也。以其言未故為流彘之歲。若流彘之後。則越去王都。不得復觀之矣。帝王世紀以爲幽王三年。嬖褒姒。褒姒年十四。若然。則宣王立四十六年崩。是先幽王之立十二年而生。其生存在宣王三十六年也。厲王流彘之歲。爲共和十四年。而後宣王立。自宣王三十六年上。距流彘之歲。爲五十年。流彘時。童妾七歲。則生女時。母年五十六。凡在母腹五十年。其母共和九年而笄。年十五而孕。自孕後。尚四十二年而生。作爲妖異。故不與人道同。

貌  云池水之澤。浸潤稻田。使之生殖。喻王無恩意。

於申后澆池之不如也。豐鎬之間。水北流。

○彪符彪皮休二反

浸子鴆。反字亦作寢。殖市力反。鎬戶老反。嘯歌傷懷。念彼碩人。

 云碩大

也妖大之人謂褒姒也申后見黜褒姒之所為故曼

傷而念之

○嘯音獻本亦作嘯妖古卯反本亦作姣一音於驕反

說文池水至北流○正

義曰以浸者蒙潤之言稻又能水之物此刺申后見黜而以此喻之故知池水之澤浸潤稻田使之生殖喻王無恩於申后澆池之水不如也言其北流是目所覩見此詩周人所作則此池是周地之水故云豐鎬之間水北流文王有聲箋云豐在豐水西鎬在豐水東然則豐鎬之間唯豐水耳而謂之池者家語云今池水之大誰知非泉焉召晏曰池之竭矣不云自頻則池者下田畜水之處且言浸者不得在豐水之中則此池在豐水之左右其池汙下引豐以溉灌故言浸彼稻田也池水當得停而亦言北流者以池上引豐水亦北流浸灌既訖又決而入豐亦為北流鄭直云水北流不指言豐明池水亦北流也○**碩大**至念之○正義曰以此嘯傷而念之是念其不當然也又言彼以外之故知謂褒姒褒姒而言大人故以

為妖大之人王肅云顧人謂申后也孫毓云申后廢黜失所故嘯歌傷懷念之而勞心毛既不為之傳意

當與鄭同樵彼桑薪印烘于熤印我烘燎也熤燧竈也

桑薪宜以養人者也云人之樵取彼桑薪宜以炊

饗饁之爨以養食人桑薪薪之善者也我反以燎於

燧竈用炤事物而已喻王始以禮取申后禮儀備今

反黜之使為卑賤之事亦猶是樵昨焦反印五綱反烘火東反徐又音

洪說文巨凶甘凶二反孫炎音恭熤市林反燎音了又力弔力召二反燧音恚又丘弭反郭云三隅竈也

說文云行竈也呂沈同音口頰反何康瑩反顧野王口井烏攜二反炊昌垂反注同饗於恭反饗尺志反

爨七亂反食音嗣炤音照卑如字下又卑兮反并注同

維彼碩人實勞我心



樵彼至我心。○正義曰：有人樵取於彼桑木之薪，不以炊爨，云我用以燎於熤竈，炤物而已。桑薪之善者，宜以炊爨而養人，今不以炊爨，反燎于熤竈，失其所也。以興幽王聘納彼中國之女，不以爲后，反黜之，使爲卑賤之事而已。申后之有德，宜居王后之位，而母養天下，今不以當尊反黜爲卑賤，非其宜矣。申后之見黜，褒姒之由，故惡褒姒言彼妖大之人，褒姒由此而廢，申后實勞病我之心。○熤，燎也。釋言又云：熤，義曰：烘，燎。釋言文舍人曰：烘，以火燎也。釋言又云：熤，娃也。舍人曰：熤，娃，竈也。郭璞曰：今之三隅竈也。然則娃者，無釜之竈，其上燃火，謂之烘。本爲此竈，上亦燃火，照物若今之火爐也。以桑薪爲善，比之申后，言宜以養人，猶申后宜以母養天下也。○人，之樵取至亦猶是。○正義曰：少儀云：抱樵，注云：未然曰樵，則樵者，薪之一名也。諸事皆反其名，以名其事。此樵，彼桑薪，猶薪是獲薪也。此以燎熤爲不宜，明其宜炊爨也。故知宜炊爨饗饋之爨，饗以煮肉，饋以炊飯，雙言之也。莫肉亦言炊者，以炊，燃火之名，故可以通焉，以爲美。

食故可以養人申毛義也以桑薪之善故喻申后之禮儀也申后為后得以養人為喻者以后正位於內則化行於外天下蒙澤而得其利是母而養之故為喻也

鼓鐘于宮聲聞于外

傳

有諸宮中必形見於外 **傳**云王失禮於內而下國聞

知而化之王弗能治如鳴鼓鐘於宮中而欲外人

聞亦不可止 ○聞音問 見賢遍反 **念子慄慄視我邁邁** **傳**邁邁

不說也 **傳**云此言申后之忠於王也念之慄慄然欲

諫正之王反不說於其所言 ○慄七感反說文七倒反云愁不申也亦作慘

慘邁如字韓詩及說文並作怖怖乎映反又乎葛反又匹代反韓詩云意不說好也許云很怒也說音悅

下 **傳**鼓鐘至邁邁 ○正義曰言有人鼓擊其鐘于宮同其聲必聞於外擊鐘而欲外之不聞不可得

也。以興王既廢黜其后于宮內其化必流於天下廢后而使天下之不做王亦不可得也。言王之失德將化流天下何以廢申后乎。又言申后之忠於王申后念子幽王之惡慘慘然欲諫正之是其可愍何爲王反視我申后邁邁然不說其所言乎。○**傳**此言至所言。○正義曰邁邁是不悅之狀爲王所不悅者唯申后耳。故以我爲申后反以相對。故以子爲幽王慘慘非悅順之辭。故知欲諫正王惡是其忠也。因諫而邁邁是不悅其所言也。**有鶯在梁有鶴在林****傳**鶯秃鶯也。云鶯

也。鶴也。皆以魚爲美食者也。鶯之性貪惡而今在梁

鶴潔白而反在林與王養衰姁而餒申后近惡而遠

善。○鶯音秋鳥名。鶴呼各反。秃吐木反。紮音結。餒奴罪反。近附近之近。**維彼碩人實勞**

我心**傳**有鶯至我心。○正義曰有秃鶯之鳥在於魚梁之上。有鳴鶴之鳥在於林木之中。然鶯也

鶴也皆以魚為美食鶯之性貪惡而今在梁以食魚
 鶴之鳥潔白而反在林中以飢困以其有褒姒之身
 在於寵位有申后之身反在卑微然褒也申也皆以
 后為尊貴褒姒性邪按今在位而得寵申后備禮儀
 反卑賤而飢餒言王近惡而遠善非其宜也以此維
 彼妖大之人實勞亂我之心曲矣○鶯也至遠善
 ○正義曰此舉二鳥明喻二人易稱鳴鶴在陰是善
 鳥也故喻申后鶯實惡鳥以興褒姒今鶯言梁鶴言
 林是舉鶯在梁得魚對鶴在林無魚故知皆以魚為
 美食為喻也既以食為喻故知喻所養言王養褒姒
 而餒申后是近惡而遠善近者養之遠則餒
 之故又以近遠言之猶梁林非一處者也

梁戢其左翼



云戢斂也斂左翼者謂右掩左也鳥

之雌雄不可別者以翼右掩左雄左掩右雌陰陽相
 下之義也夫婦之道亦以禮義相下以成家道

○別彼列

反下段嫁 之子無良二三其德  云良善也王無咎

耦已之善意而變移其心志令我怨曠  令力  鴛鴦

至其德○正義曰以王非義黜后故以義責之言有

鴛鴦之雄鳥在於魚梁尚斂其左翼是左翼斂在右

翼之下為雄下雌之義故恩情相好以成匹耦以興

夫妻聚居男當有屈于女為陽下陰之義故能禮

義相與以成家道今幽王何為不卑下申后以成夫

婦乎之子幽王反無咎耦我申后之善意乘心不一

而二三其行以為於德變易其心志令我申后怨曠

夫鴛鴦斂翼相下之義也  斂左至定道○正義

曰言斂其左翼是左翼在下故知謂右掩左也鳥之

雌雄不可別者以翼知之右掩左雄左掩右雌皆釋

鳥文也以陰陽相下故似夫婦之道亦以禮義相下

以成家道也此經載其左翼據雄者而言喻幽王當

下申后耳故其言不及雌但鄭因右掩左而欲辯其

雌雄故并引爾雅而解之見夫婦皆當相下也男有

下女之禮者即就而親迎之類是也周易艮下兌上咸為夫婦之卦其象曰止而說男下女也

有扁

斯石履之卑兮

傳

扁扁乘石貌王乘車履石

傳

云王

后出入之禮與王同其行登車亦履石申后始時亦

然今也黜而卑賤

○扁邊顯反又必淺反

之子之遠俾我底兮

傳 底病也

傳

云王之遠外我欲使我困病

○底徐都禮反又祁

支有扁至底兮○正義曰作者以王黜申后故觀其昔日所乘之石而傷之言有扁扁然升之以

乘車者此石也申后嘗履之今忽然見黜而卑不復得履之是其所以可傷也之子幽王之遠外我申后

欲使我申后困病兮故傷之○**傳**扁扁至履石○正義曰有扁斯石文連履之故知扁乘石貌乘車之時

履此石而上故謂此石為乘石上車履石之貌扁扁然也又言王乘車履石者言乘車之得履石唯工為

然今申后履之是其貴時與王同故繫王言之夏官
隸僕云王行則洗乘石鄭司農云乘石所登上車之
石也卽此詩有扁斯石履之
卑兮謂上車所登石是也

白華八章章四句

毛詩註疏卷第十五

十五之三

漢鄭氏箋

唐孔穎達疏

毛詩小雅

縣蠻微臣刺亂也大臣不用仁心遺忘微賤不肯飲

食教載之故作是詩也



微臣謂士也古者卿大

夫出行士為末介士之祿薄或困乏於資財則當

賙贍之幽王之時國亂禮廢恩薄大不念小尊不

恤賤故本其亂而刺之

○縣蠻而延反下如字飲食上於鳩反下音嗣篇內

皆同注如字介音界

賤音周贍市豔反



○正義曰縣蠻詩者周之

微賤之臣所作以刺當時之亂也。以時大臣卿大夫等皆不用仁愛之心而多遺棄，忽忘微賤之臣，至於其行不肯飲食，教載之謂在道困乏，渴則不與之飲，飢則不與之食，不教之以事，不載之以車，大不念小，尊不恤賤，是國政昏亂所致。故作是縣蠻之詩以刺之也。言刺亂者不為已困而私以責人是王法為失，故言亂也。大臣不用仁心，遺忘微賤，敘其為亂之意於經為總指而言之。經三章上四句是也，不肯飲食，教載之為三章下四句是也。由其不然，故經所以反而責之，不言誨之者，以教誨相對則為二散，則相兼故略之，以便文。○微臣至刺之。○正義曰以微臣臣之微賤者，惟士為然。府史則官長，辟除不在臣例。大夫則爵尊，祿重，是為大臣。故知微臣謂士。亂世之作詩亦應多矣。此篇獨言微臣者，以為此大臣遺忘微賤而刺之。義取於微故言之也。又解所以怨大臣遺忘之者。

手稿

以古者卿大夫出行士為末介以士之祿薄或困
乏資財則當賙贍之以不贍餼為遺忘也知士為
末介者以為賓而作介猶為主而作擯以聘禮及
聘義皆言士為紹擯繼於卿大夫之末為末擯故
知出行作末介也王制說班祿之法下士食九人
中士十八人上士三十六人公私雜費有不足故
云士之祿薄或困乏於資財也言或容有不困者
也大臣不用仁心非王身之過列於王雅而言刺
亂故解其所由自幽王之
時國亂禮廢以下是也

緜蠻黃鳥止於丘阿

傳

興也緜蠻小鳥貌丘阿曲阿也

鳥止於阿人止於仁

箋

云止謂飛行所止詭也興者

小鳥知止於丘之曲阿靜安之處而託息焉喻小臣

擇卿大夫有仁厚之德者而依屬焉

○處昌慮反

道之云

遠我勞如何飲之食之教之誨之命彼後車謂之載

之云在國依屬於卿大夫之仁者至於為末介從

而行道路遠矣我罷勞則卿大夫之恩宜如何乎渴

則予之飲飢則予之食事未至則豫教之臨事則誨

之車敗則命後車載之後車倅車也○罷音皮下同倅七對反副車

○縣蠻黃鳥至載之○正義曰言縣蠻然而小者是黃鳥也此黃鳥飛行則止于丘阜之曲阿安靜之處者而自託息焉以興微賤者小臣也我小臣之動止亦當擇大臣有仁厚愛養之德者而自依屬焉既

擇大臣之仁者依屬焉至於大臣聘使則為末介從

之而行其道路之上亦云遠矣我罷勞矣則卿大夫

之恩宜如何乎渴則當飲之飢則當食之事未至則教之臨事則誨之車敗則命彼在後之倅車謂之使

載之大臣之於小臣其義當然今大臣何爲遺忘已而不肯飲食教載之○**圖**縣蠻至於仁○正義曰縣蠻文連黃鳥黃鳥小鳥故知縣蠻小貌釋丘云非人爲之丘李巡曰謂非人力所爲自然生爲丘也釋地云大陵曰阿則丘之與阿爲二物矣而以丘阿爲曲阿者以下丘側丘隅類之則丘阿非二物也卷阿云有卷者阿知丘阿是丘之曲中也此爲大臣無仁心而作故知鳥止於阿似人止於仁○**圖**正謂至屬焉○正義曰鳥必飛而後止故知止謂飛行所止託也以鳥是有畏之物故知取安靜之處而託息焉大學注云鳥知擇岑蔚安閒而止處之與此同也此黃鳥刺大臣不用仁心故知喻小臣當擇卿大夫有仁厚之德者而依屬焉小臣而得擇大臣依之者以臣雖君之所置而貴賤不等小臣當依屬大臣論語云事其大夫之賢者友其士之仁者是得以已情擇而依之也然則此微臣自擇不得人而責之者以已本親之冀其恤已但當時國亂禮廢臣皆不仁已雖擇之猶不免困所以刺上也○**圖**在國至倅車○正義曰

此微臣隨大臣而行言道之云遠是必聘使諸國故
爲介從也聘問之介當是君所命遣而得自以已意
在國依屬出則從行者或使主所自引或君知其依
屬而遣之也言飲之食之教之誨之載之四者語便
之常故隨文爲次教誨雖於人無費而無仁心亦不
肯也故論語曰愛之能勿勞乎忠焉能勿誨乎是不
愛則不誨也教誨一也別言之事有至與未至故箋
因其文之先後而分以充之云事未至則豫教之臨
事則誨之從行遠道不應初卽無車故言車敗則載
之以士無倅車故也後車倅車者明後爲副也夏官
戎僕掌倅車之政道僕掌貳車之政田僕掌左車之
政是朝祀之副曰貳兵戎之副曰倅田獵之副曰佐
此是聘問之事宜與朝祀同名當言貳車言倅者周
禮以相對而異名其實貳倅皆副也散則義通故以
倅言之

綵蠻黃鳥止于丘隅



云丘隅丘角也豈敢憚

行畏不能趨



云憚難也我罷勞車又敗豈敢難徒

行乎畏不能及時疾至也

○憚徒旦反下同
難乃旦反下同

飲之食

之教之誨之命彼後車謂之載之緜蠻黃鳥止于丘

側

云丘側丘旁也豈敢憚行畏不能極

也

云極至

也○極如字飲之食之教之誨之命彼後車謂之載之

緜蠻三章章八句

瓠葉大夫刺幽王也上棄禮而不能行雖有牲牢饗

餼不肯用也故思古之人不以微薄廢禮焉

牛

羊豕為牲繫養者曰牢熟曰饗腥曰餼生曰牽不

肯用者自養厚而薄於賓客

○瓠戶故反牢老刀反饗於恭反字又作

饗餼許氣反腥音星曰瓠葉四章章四句至廢禮焉○正義曰瓠葉詩者周大夫所作以刺幽王也。以在上位者棄其養賓之禮而不能行。雖有牲牢饗餼之物而不肯用之。以行禮。故作詩者思古之人。不以蒞羞微薄而廢其禮焉。言古之人賤者尚不以微薄廢禮。則當時貴者行之。可知由上行其禮。以化下反駁。今上棄其禮而不行也。今在上者尚棄禮不行。卑賤者廢之明矣。舉輕以見重。是作者之深意也。經四章皆上二句言蒞羞之薄。下二句言行禮之事。是古之人不以微薄廢禮也。○
 云牛羊豕至賓客○正義曰孝經云三牲之養則牲兼三畜。故牛羊豕曰牲也。公劉曰執豕于牢。地官充人掌繫祭祀之牲。牲牲祀五帝。則繫於牢。芻之三月。牢者牲所居之處。故繫養者為牢也。天官內外饗皆掌割烹之事。亨人掌內外饗之爨。烹煮肉之名。故熟曰饗。既為熟。則餼非熟矣。僖三十二年左傳曰餼牽竭矣。餼與牽相對。是牲可牽行。則餼是已殺殺。又非熟。故知腥曰餼。謂生肉未煮者。

也既有饗餼遂因解牽使肉之別名皆盡於此此與牽饗相對故餼爲腥其實餼亦生哀二十四年左傳云晉師乃還餼藏石牛是以生牛賜之也論語及聘禮注云牲生曰餼而不與牽饗相對故爲生也凡言禮者皆與人行事經陳獻酢與賓客爲禮故知不肯用者自養厚而薄於賓客

幡幡瓠葉采之亨之君子有酒酌言嘗之

傳

幡幡瓠葉

貌庶人之菜也

箋

云亨熟也熟瓠葉者以爲飲酒之

菹也此君子謂庶人之有賢行者也其農功畢乃爲酒漿以合朋友習禮講道藝也酒旣成先與父兄室人亨瓠葉而飲之所以急和親親也飲食而曰嘗者以其爲之主於賓客賓客則加之以羞易兌象曰君

子以朋友講習

○幡孚煩反亨普庚反注同菹莊魚反行下孟反兌徒外反易卦名也訓

悅

正

幡幡至嘗之○正義曰幡幡然者是瓠之葉也我君子令人采取之既得而又亨煮之釀以為

飲酒之菹也庶人農功畢君子賢者有酒令人酌此

酒我當與父兄室人嘗而飲之所以相親愛也言古

者不以微薄而廢禮尚亨瓠葉而用之今乃有牲牢

饗餼而不肯用故以刺之也○**禮**幡幡至之菜○正

義曰士禮有特牲豚豕此正言瓠葉與兔首明非有

位之人故言庶人之菜七月云八月斷壺即言食我

農夫彼雖瓠體與此為類明亦農夫之菜故箋申之

云庶人有賢行者○**禮**亨熟至講習○正義曰序云

不以微薄廢禮下連君子有酒故知亨熟瓠葉者以

為飲酒之菹知為菹者以禮飲酒有菹醢故也此美

君子行禮而亨庶人之葉故知君子是庶人有賢行

者也庶人而能為酒以行禮者以其農功畢則閑而

無事於此之時乃為酒漿以合會朋友習行禮事講

其道藝故也以民在田畝必無容暇故知農功畢而

爲之以三時務農將闕於禮故爲酒會朋友以講習
之此酒爲朋友而釀先言嘗之則未與朋友賓客飲
也故知酒既成先與父兄室人亨瓠葉而飲之酒爲
朋友所作而與父兄先飲是所以急和親親亦是爲
行禮也又解飲酒而曰嘗者以其爲之主於賓客故
也以此堂之言故知爲酒將以會朋友也作酒本爲
行禮和親亦是禮事欲見敬重賓客故言嘗以美之
以此在獻前又無殺羞明與下章事別故知與父兄
室人室人者卽家內之小大皆是也賓客則加之以
羞者明重得兼輕此父兄自有道賓客亦有蒞又有
兔爲之羞鄉飲酒及燕禮是爲大禮雖有牲殺尚有
蒞醢明賓雖有羞亦有蒞故云加之也引易兕象曰
君子以朋友講習者以此與賓客卽朋友也所會朋
友必爲講習以易有此言以著義故知此合朋友爲
習禮講藝故引以證之講習必非農

燔之君子有酒酌言獻之

傳毛曰炮加火曰燔獻奏

有兔斯首炮之

也



云斯白也今俗語斯白之字作鮮齊魯之間聲

近斯有兔白首者兔之小者也炮之燔之者將以為


飲酒之羞也飲酒之禮既奏酒於賓乃薦羞每酌言

言者禮不下庶人庶人依士禮立賓注為酌名

○兔他故

反下同斯首毛如字此也鄭作鮮音仙白首也炮

本作包白交反燔音煩近附近之近下遐嫁反



有兔至獻之○毛以為古人行禮有兔之斯首謂唯

有一兔雖微耳尚并毛而炮之加火而燔之以為飲

酒之羞君子之賢者有酒合酌之我當以此酒奏獻

之於賓以行禮也古之人不以微薄廢禮今乃有牲

牢而不用故刺之鄭唯斯首謂白頭為異餘同○



毛曰至獻奏○正義曰地官封人云毛炮之豚注云

爛去其毛而炮之唯肉炮內則炮取豚若將編萑以

莖之故云毛炮之此述庶人之禮傳直言手曰炮當

是合毛而炮之未必能如八珍之食去毛炮之也毛
無改字之理斯字當訓為此王肅孫毓述毛云唯有
一兔頭耳然按經有炮之燔之臣有炙之則非唯一
兔首而已既能有兔不應空用其頭若頭既待賓其
肉安在以事量理不近人情蓋詩人之作以首表兔
唯有一兔卽是不以微薄廢禮也爲肉至薄明是并
毛炮之不可燜矣箋言鮮者毛炮之亦當然也如置
於火上燔燒之故言加火曰燔以獻酒者必奏進
於賓故言獻奏也○**斯**白至酌名○正義曰鄭以
斯首以見兔小與毛爲異斯爲兔首之色故言斯白
也又解斯得爲白之意今俗斯白之字當作鮮以鮮
明是絜白之義故也鮮而變爲斯者齊魯之間其語
鮮斯聲相近故變而作斯耳宣二年左傳曰于思于
思服虔云白頭貌字雖異蓋亦以思聲近鮮故爲白
頭也畜獸小則毛悅長則色重故言有兔白首兔之
小者明其微薄也炮之燔之者將以爲飲酒之羞羞
進也謂既飲酒而進此兔肉於賓也飲酒之禮既奏
酒於賓乃薦羞者因此酒羞並有言先後之宜且辨

經雖先為羞進則在後也今禮鄉飲酒燕禮大射皆
 先進酒乃薦脯醢乃羞庶羞故知然也經言不以微
 薄廢禮故先述菹羞酒無厚薄之異故後言之四章
 皆云酌言言我也其意云酌酒我當用之若是禮合
 當然不應每事言我今每言我則是行用他法故解
 之言每酌言言者以禮既不下及庶人而為之制庶
 人依準士禮立賓至為酌名以行之故每酌道我與
 賓相亢為禮以行獻酢酬之名也不於上章解之者
 以前直言嘗之無獻酢之名此有獻之故就而言焉
 然則嘗之亦云酌言者以酒為賓作嘗亦行禮故亦
 云酌言也禮不下庶人不制篇卷耳其庶
 人執鶩庶人見國君走亦往往見於禮焉

燔之炙之君子有酒酌言酢之
 傳 炕火曰炙酢報也

云報者賓既卒爵洗而酌主人也凡治兔之宜鮮

者毛炮之柔者炙之乾者燔之

○炙音隻酢才洛反
 炕苦浪反何沈又苦

郎反舉於火上以炙之。正義曰：炕舉也。謂以物貫之而

申傳：酢報之義。故言報者，賓既卒爵洗而酌與主人

是得主人之獻，酌而報之也。於一兔之上而經有三

種，故辨之言。凡治兔之所宜，若鮮明而新殺者，合毛

炮之。若割截而柔者，則醬貫而炙之。若今炙肉也，乾

者謂脯，腊則加之火上燔之。若今燒乾脯也，柔謂殺已多日而未乾也。

有兔斯首燔之

炮之君子有酒酌言醕之。醕道飲也。云主人既

卒酢爵又酌自飲，卒爵復酌進賓，猶今俗之勸酒。醕。

市周反，道徒報反，本亦作導，同。醕道飲。正義

復扶又反，俗之一本，本作俗人。曰：以醕者欲以醕

賓而先自飲以導之。此舉醕之初，其賓飲訖進酒於

賓，乃謂之醕也。主人至勸酒。正義曰：傳以醕

為導，飲嫌其謂主人自飲為醕，故辨之。主人既卒酢

爵又酌自飲，卒爵復酌以進賓，如此乃謂之醕，猶今

俗人勸酒者俗人亦先自飲而後勸人故云疇之箋皆准鄉飲酒燕禮而為說也

瓠葉四章章四句

漸漸之石下國刺幽王也戎狄叛之荆舒不至乃命

將率東征役久病在外故作是詩也

傳

荆謂楚也

舒舒鳩舒鄧舒庸之屬役謂士卒也

○漸漸土銜反沈時銜反

亦作慚慚下同狄徒歷反本或作翟叛音畔將率止于亮反下所類反注及後篇將率放此役久病

於外一本作役人久病人衍字鄧音了本又作蓼士卒尊忽反下篇士卒同

通

漸漸之石三章

章六句至是詩○正義曰漸漸之石詩者下國所作以刺幽王也以幽王無道西北狄共違叛之荆楚之羣舒又不來至乃命將率東行征伐之其役人士卒已久而疲病勞苦于外故作是漸漸之

石詩以刺之下國諸侯之言對天子爲上故稱下國也言下國者此詩下國之人所作未必卽諸侯之身作之幽王之役人自病而下國作詩刺之者王師出征亦使諸侯從已諸侯之人亦病故刺之也定本集本役下無入字其箋注亦無人字俗本有者誤也毛以戎狄叛之經三章上四句是也荆舒不至下二句是也乃命將率東征役人久病于外副上戎狄叛之荆舒不至之言爲六句之總三方皆有征伐而久病獨言東征者以經有東征之文因言以廣之其實戎狄亦伐之也鄭以戎狄叛之經上二章上二句是也荆舒不至上二章次二句及卒章上四句是也乃命將率東征役人久病於外三章皆下二句是也以詩言命將東征無伐戎狄之事則不伐戎狄也言不至與叛之則明由叛而不至其義一也下篇言四夷交侵師旅並起用兵不息則戎狄亦當伐之但自此篇不言之耳

○

荆謂至士卒○正義曰以楚居荊州故或以

州言之春秋經賈氏訓詁云秦始皇父諱楚而改

為荊州亦以其居荊州故因諱而改之亦有本自
 作荊者非為諱也春秋公羊穀梁皆言州不若國
 賤楚故以荆言之彼自春秋之例其外書傳或州
 或國自從時便非褒貶也殷武曰維汝荆楚已并
 言之是楚之稱荆亦已久矣魯頌亦曰荆舒是懲
 是隨時之名不定也以傳有舒鳩舒鄆舒庸又有
 舒龍謂之羣舒此直言舒不指一國箋又引舒國
 不盡故言之屬既言將率別云役人故知謂士卒
 也

漸漸之石維其高矣山川悠遠維其勞矣



漸漸山石

高峻



云山石漸漸然高峻不可登而上喻戎狄眾

疆而無禮義不可得而伐也山川者荆舒之國所處
 也其道里長遠邦域又勞勞廣闊言不可卒服

○勞如字

武人東征不皇朝矣

云武人謂將率也皇王也將

率受王命東行而征伐役人罷病必不能正荆舒使

之朝於王

說文

漸漸至朝矣。毛以為此時戎狄已叛將率征之與其士卒伐而不息言戎狄

之地有漸漸然險峻之山石維其高大矣又山之與

川其間悠悠然路復長遠我等登此高山涉此遠路

維其勞苦矣不但伐戎狄而已又其武人將率以役

人東征征伐荆舒之國疲於軍役而病不暇脩禮而

相朝矣。鄭以漸漸為漸漸然險峻之山石維其高

大不可登而上矣以興戎狄衆彊不可得而伐矣其

爾雅

荆舒所在之國山川其道路悠悠然而長遠維其邦


域廣闊又勞勞然矣雖往征之難可卒服武人將率

雖受命東征役人罷病必不能正之使朝於王矣。○

漸漸山石高峻。正義曰以漸漸文連之石為山

石之狀又言維其高矣故知為高峻貌此傳無異鄭

之文正以漸漸乃是上句而於此釋之明以四句為

一事鄭以勞爲遼遼言廣闊之意毛無改字之理必
不與鄭同勞矣當爲勞苦故王肅云言遠征戎狄戍
役不息乃更漸漸之高石長遠之山川維其勞苦也
孫毓云篇義言役人久病於外故經曰山川悠遠維
其勞病矣此皆以上四句並爲征戎狄而言俱是述
毛爲說傳意或當然也下篇苕之華序曰西戎東夷
交侵中國師旅並起何草不黃序曰四夷交侵用兵
不息此序言戎狄叛之明其亦伐戎狄傳又總而注
之則王孫之言非無理矣故據爲毛說若然卒章上
四句毛則分之者以豕之與月天地不同故分之則
此山川事類故并之○山石至卒服○正義曰以
漸漸高不可尚故喻戎狄疆不可伐也知非戎狄之
國高山者以序唯言戎狄叛之不言征伐戎狄則不
得歷其國之高山又荆舒之地山川悠遠而尚伐之
不得言戎狄山高不可伐故以喻其衆疆也維其高
矣還是漸漸之石高也則知維其勞矣是山川悠遠
之勞勞也故曰山川者荆舒之國所處其道里長遠
邦域又勞勞廣闊說此者言其不可卒服故下句言

不能正之也。廣闊遠遼之字當從遠遠之遠而作勞字者以古之字少多相假借詩又口之詠歌不專以竹帛相授音既相近故遂用之此字義自得通故不言當作遠也。毛并註四句則是以爲一事箋分爲二者以下云武人東征不皇朝矣必上有難征之事乃可言不能正之不得不言荆舒故知山川悠遠是荆舒之地爲下事發端也不并以四句爲下事之端者以序云戎狄叛之經亦當有其事不得全無所陳故以上二句克之也卒章不分之者以序云命將率東征則荆舒之惡爲甚是詩所主言而下章文勢接連上言涉波下言滂沱俱是水專明其共爲一喻故皆以爲荆舒焉。武人至於王。正義曰以序云命將率東征故知武人謂將率也。皇王釋言文朝者諸侯見王之辭序云役久病於外明其所將之人罷病不能正之使朝故言將率受王命東行而征伐役人罷病必不能正荆舒使朝于王。王肅云武人王之武臣征役者言皆勞病東行征伐東國以困病不暇脩禮而相朝此自王肅之說毛意無以見其爲然正以

詩中諸言不皇多為不暇故存其說代毛耳凡諸侯
邦交有相朝之法此將率當是王之公卿不得有相
朝之禮且受命出征務服前敵無暇相朝自其常事
不當以此為怨而列於詠歌王氏之義不為長矣

漸漸之石維其卒矣山川悠遠曷其沒矣 **傳** 卒竟沒

盡也 **箋** 云卒者崔嵬也謂山巔之末也曷何也廣闊

之處何時其可盡服 **○** 卒毛子邨反鄭在律反崔罪
回 反嵬五回反本作嵬處昌慮

反下 **武人東征不皇出矣** **傳** 云不能正之令出使聘
同

問於王 **傳** 漸漸至出矣 **○** 毛以為時遠征戎狄戎役
罷 勞言戎狄之地有漸漸然險峻之山石

我等登之維其終竟言當徧歷此石也又山之與川
其間悠悠然路復長遠我所登歷何時其可盡徧矣
山行不可徧故久而勞苦也不但伐戎狄而已又其
武人將率以役人東征疲於軍役而辛苦不暇出而

相與爲禮矣。○鄭以爲漸漸然險峻之山石維其崔嵬然不可登而上矣。以興戎狄衆彊不可得而伐矣。其荆舒所在之國山川其道里悠悠然而長遠雖往伐之其處廣闊何時其可盡服之矣。由此故武人東征之不能正之使出聘問於王矣。○**○**卒竟沒盡。○正義曰釋詁云卒終也終亦竟之義故云卒竟也。釋詁文云泯盡也李巡云泯沒之盡泯沒義同故沒爲盡也。此經卒沒之義略同而維其曷其文異者維其言已行當竟之曷其憂行不可盡勢相接也。○**○**卒者至盡服。○正義曰箋以上高矣類之則卒亦石之形也。故讀爲率釋山云率者圍屢郭璞曰謂山峯頭巉巖者箋云率者崔嵬謂山巔之末雖音字小異是取爾雅爲說也。上章言勞勞廣闊此言不可盡服亦勢相接故上箋云言其不可卒服意取於此。

豕白蹄烝涉波矣



豕豬也蹄蹄也將久雨則豕進

涉水波



云烝衆也豕之性能水又唐突難禁制四

蹄皆白曰駭則白蹄其尤躁疾者今離其繒牧之處

與衆豕涉入水之波漣矣喻荆舒之人勇悍捷敏其

君猶白蹄之豕也乃率民去禮義之安而居亂亡之

危賤之故比方於豕

○蹄音的都歷反烝之丞反將久雨一本作天將雨能奴代反

本又作耐駭戶楷反爾雅說文皆作孩古哀反躁子

到反離力智反繒在陵反爾雅豕所寢曰繒方言作

槽從木音同漣音連一本

月離于畢俾滂沱矣

○畢

躅也月離陰星則雨

○云將有大雨徵氣先見於天

以言荆舒之叛萌漸亦由王出也豕既涉波今又雨

使之滂沱疾王甚也

○滂音耶反沱徒何反注同躅直角反又音畫本又作蜀見賢

又遍武人東征不皇他矣云不能正之令其守職不

于王命

音他


有豕至他矣○毛以為此時征伐戎狄役人勞苦而有豕豬之白蹄進而

涉入水之波漣之處矣是在地為將雨之徵也又值月更離歷于畢之陰星在天為將雨之候以此徵候果致大雨使其水滂沱而盛矣已等役人遇之尤以疲病不但久勞又逢大雨為甚苦之辭也又王之武人將率以役人東征伐荆舒之國皆以勞病不暇更有他事矣故不得相朝為禮也○鄭以為荆舒之人似象豕其君猶白蹄者豕之性能水又唐突難禁制以荆舒之人性好亂又勇悍難制服言有豕之白蹄者領其象豕離其繯牧之處涉入於水波漣矣以興荆舒之君率其眾民去其禮義之安居於亂亡之危矣豕性本自能水月復離歷於畢星天又雨之使滂沱矣羣豕既得此水彌唐突而難制以喻荆舒本自好亂王又為不善之政以加陵之矣荆舒既被此政彌彊梁而難服武人雖則東征不能正之使不為他

矣干犯王命是為他事言不能正之使不干王命○
傳豕豬至水波○正義曰豕豬釋獸文釋詁云豕進也言進涉是訓豕為進也毛以下經月離于畢為雨徵類之則此亦雨徵也故云天將大雨則豕進涉波水矣并以二經為雨徵言役人遇雨之勞苦也○
箋豕衆至於豕○正義曰豕衆釋詁文豕之性能水言其自好涉波非雨徵也以唐突難禁制喻荆舒之難制服也釋獸釋豕云四蹄皆白豕孫炎曰蹄蹄也傳已訓蹄為蹄故箋即以蹄言之經直云白蹄不云豕則白豕亦不知幾蹄白而箋引此者以爾雅王為釋詩詩中言豕白蹄唯此而已故知本以訓此也馬驚謂之駭則駭者躁疾之言白蹄名之為豕是躁疾於豕豕故云則白蹄其中尤躁疾者也駭與豕字異義同釋獸於豕之下所寢槽舍人曰豕所寢草名為槽某氏曰臨淮之謂野豬所寢為槽李巡曰豬臥處名槽槽是所居之處牧是所食之地故云離其槽牧之處與衆豕涉入水之波漣矣繒與槽音義亦同荆舒之人勇悍捷敏者謂土俗民人勇而剽悍其舉動便

捷敏速以其性輕故好叛難禁制也其君猶白蹄之豕言其民猶衆豕也乃率其臣民去禮義之安而居亂亡之危正謂叛也諸侯之朝天上下相敬是禮義也叛違王命以致征討是亂亡也豕者言獸之尤穢今以荆舒比之故賤之此方於豕以其餘與喻立文猶隱此云有豕正是指斥辭有憎疾之旨故知有賤之意○**月離**至則雨○正義曰以畢爲月所離而雨是陰雨之星故謂之陰星月離于畢卽言俾滂沱矣故知月離陰星則雨也洪範曰星有好風星有好雨者卽此畢是也春秋緯說云月離于箕風揚沙則好風者箕也所以箕好風畢好雨者鄭洪範注云風土也爲木妃雨木也爲金妃故星好焉推此而往南宮好暘北宮好燠中宮四季好寒也是由巳所克而得其妃從其妃之所好故也鄭知然者以庶徵曰雨曰暘曰燠曰寒曰風而休徵肅時雨若又時暘若哲時燠若謀時寒若聖時風若此肅又哲謀聖本之五事則肅由貌也爲木又由言也爲金哲由視也爲火謀由聽也爲水聖由思也爲土故五行傳以爲貌

屬木言屬金視屬火聽屬水思屬土庶徵亦依此貌
 言視聽思為次鄭山此故云雨木氣也春而施生故
 木氣為雨也暘金氣也秋物成而堅故金氣為暘也
 燠火氣也寒水氣也風土氣也凡氣非風不行猶金
 木水火非上不處故知土氣為風以此知風土雨木
 皆從妃所好言好是好樂他辭非已性也此庶徵寒
 燠即晦明也加之陰則為六氣故五行傳陰屬星
 極故曰皇之不極厥罰常陰是也而賈逵服虔因此
 及春秋緯之文即以風東方雨西方又云陰中央晦
 北方明南方唯天陽不變唯晦明所屬為富餘甚謬
 矣失之於書傳也○**○**將有至王甚○正義曰此與
 上經相接為喻言豕性本自能水又加以滂沱之雨
 是豕彌得性益難禁制以喻荆舒本自好叛加以王
 之不善是彼彌得志益難威服本言滂沱之喻唯此
 而已但詩人言大雨更生一意言月離于畢然從天
 為大雨是滂沱之雨萌漸由離畢也言王為不善然
 後荆舒背叛是叛之萌漸亦由王出也萌者事之初
 猶物之萌芽漸而成大也豕既涉波今又雨之使滂

沱是疾此雨之甚言荆舒自好叛王又使之叛是疾王之甚鄭知然者正以言俾不然言雨足矣何須言使也○不能至王命○正義曰他者謂職分之外橫為餘事棄其所守王犯王命是為他矣故知不能正之令其守職不于王命即于王命是他也

漸漸之石三章章六句

苕之華大夫閔時也幽王之時西戎東夷交侵中國

師旅並起因之以饑饉君子閔周室之將亡傷已

逢之故作是詩也

師旅並起者諸侯或出師或

出旅以助王距戎與夷也大夫將師出見戎夷之

侵周而閔之今當其難自傷近危亡

○苕音條徐音韶草名華

音花距音巨難乃旦反是詩○正義曰言西戎

東夷交侵中國不言南蠻北狄者下篇序曰西夷

交侵中國則蠻狄亦侵序於上下相互以明耳言

西戎東夷交侵中國師旅並起即序首章上二句

之事因之以饑饉卒章下二句是也閔周室之將

亡卒章上二句是也傷已逢之即首章下二句是

也經序倒者序以由師旅饑饉致周室之亡所以

傷之經則因文以弘義逢師旅而已傷乃覆言可

傷之事故言因之饑饉於下明其彌是可傷各自

為義次也○師旅並至危亡○正義曰以四夷

在中國之外從外內侵則緣邊諸侯被侵矣又言

師旅並起者非一之辭明其非獨王室故知諸侯

或出師或出旅以助王距戎與夷也周禮制諸侯

從王之法云大國三軍次國二軍小國一軍今俱

出師旅者周禮言其極耳行則隨時多少不必盡

然且於時諸侯衰弱或不能備軍故纔出師旅也

知大夫將師出見戎狄之侵周者以序云傷已逢

之經云知我如此不如無生若非身自當之不應如此深恨故知身自將師而出見戎狄交侵而發憤閔傷也且上下皆言下國明此亦下國大夫自將其國之師故二章箋云諸侯微弱而王之臣當出見也是於時王臣未出不得逢之也逢之是身見之辭故云今當其難自傷近危亡也

苕之華芸其黃矣



興也苕陵苕也將落則黃



云陵

苕之華紫赤而繁興者陵苕之榦喻如京師也其華

猶諸夏也故或謂諸夏為諸華華衰則黃猶諸夏之

師旅罷病將敗則京師孤弱

芸音云沈音運夏戶雅反下同罷音皮

心

之憂矣維其傷矣



云傷者謂國日見侵削



苕之華至

傷矣。正義曰陵苕之英華本紫赤而繁多至今亦芸然其色黃而衰矣以興周室之諸夏本兵強國盛

今其師病而微矣陵華衰則將落落則苕韜特立矣
 諸侯師病則將敗敗則京師孤弱矣以周室之盛忽
 見如此之衰故我心為之憂愁矣維其傷病矣傷其
 見侵削也○**圖**苕陵至則黃○正義曰釋草云苕陵
 苕黃華葉白華菱舍人曰苕陵苕也黃華各葉白華
 名菱別華色之名也某氏曰本草云陵蒔一名陵苕
 陸機疏云一名鼠尾生下溼水中七八日中華紫似
 今紫草華可染皂煮以沐髮即黑如釋草之文則苕
 華本自有黃有白傳言將落則黃是初不黃矣箋云
 陵苕之華紫赤而繁陸機疏亦言其華紫色蓋就紫
 色之中有黃紫白紫耳及其將落則全變為黃以裳
 裳者華言之則芸為極黃之貌故將落乃然○**圖**陵
 苕至孤弱○正義曰紫赤而繁華衰則黃皆以時事
 驗知苕之韜喻京師華猶諸夏者以序云交侵中國
 即九州之諸夏也師旅並起是諸侯之師起而助王
 也華之衛韜如諸夏之衛京師故知韜如京師其華
 猶諸夏也又解不以葉喻之意以其諸夏本亦名諸
 華襄四年左傳魏絳諫晉侯曰諸華必叛昭三十年

左傳子西諫楚王曰吳周之胄裔也今而始大比於諸華是或謂諸夏為諸華也謂之夏者夏大也以其中國有禮義之華可嘉大也論語曰不如諸夏之亡是也華黃落則苕幹衰故喻諸夏之師旅罷病將敗則京師孤弱也

苕之華其葉青青

傳

華落葉青青然

傳

云京

師以諸夏為障蔽今陵苕之華衰而葉見青青然喻

諸侯微弱而王之臣當出見也

○青青子零反注同
鄣章亮反見賢邇反

下知我如此不如無生

傳

云我我王也知王之為政

如此則已之生不如不生也自傷逢今世之難憂悶

之甚

傳

苕之至無生○毛以為上言華將落故於此言已落言陵苕之上黃華今已殞落矣唯有

葉青青然獨在耳以興王室之外諸夏今已喪敗矣唯有其臣當出見耳是戎夷之疆侵敗諸夏藩衛既

弱周室將亡大夫傷已逢之故言知我王政之如此
 不能撫和戎夷使諸夏喪敗不如已之本無生也自
 傷生逢今世○鄭唯以華衰為異言陵苕之上黃華
 其色既已衰矣唯其葉見青青然以興周室之外諸
 夏其師既已罷矣獨王臣當出見華已衰而葉未殞
 猶諸夏已病而王臣未發明鄣蔽既衰出亦敗矣餘
 同○**傳**華落葉青青然○正義曰事必有漸物無兩
 盛上言將落則此已落矣又言其葉明唯葉在耳故
 言華落葉青青然則毛意以華喻所出之師上章以
 華喻師病此落喻已敗諸侯既敗則王臣當出天丁
 諸侯眾矣尚不能禦之王兵若出亦當敗矣故上章
 為諸侯未敗此為已敗下所以言亡為事之漸也宣
 王之伐蠻狄皆出王室之兵此先諸夏後京師者王
 者疆盛則命將征討諸侯從之衰弱則諸侯先自禦
 寇土師大急乃出此則理之常也且此時戎狄從外
 而侵將內及王室詩人先云諸侯之敗見其危之漸
 耳○**傳**京師至出見○正義曰既言苕之華又言其
 葉華之映葉猶諸夏之蔽京師故言京師以諸夏為

鄣蔽華衰而葉見故喻諸侯微弱王臣當出也易傳者以經仍云若之華則華猶未落且華喻諸夏時諸夏未為皆亡不可以落為喻故為衰耳○**我我至**之甚○正義曰知我非詩人自我而以我為我王者以逢時多難非已所為詩人不當自責故知我為王之政人莫不好生而云已不用生生非已所裁而以生為恨故知已**祥羊墳首三星在留****傳**祥羊牝羊也自傷逢今世也

墳大也**留**曲梁也寡婦之筍也祥羊墳首言無是道

也三星在留言不可久也箋云無是道者喻周已衰

求其復興不可得也不可久者喻周將亡如心星之

光耀見於魚筍之中其去須臾也○祥子桑反墳扶云反留音柳本文

作雷牝類忍反筍音苟復扶又反**人可以食鮮可以飽****傳**治日少而

亂日多



云今者士卒人人於晏早皆可以食矣時

饑饉軍興乏少無可以飽之者

○鮮息淺反 治直吏反



○詳羊至以

飽○毛以為諸侯既敗周室將亡今詳羊而責其大首終無是道也以興周衰而求其大興亦無此理也周不復興其亡亦速三星之光耀在於魚雷之中其去斯須不可久也以喻周室之亡期將至欲望其存亦不可久也人於亂世乏食而飢人於治世豐食而飽今亂日多故人可粗得食而治日少故少可以飽○鄭下二句為異言時師旅既起因之以饑饉故言此士卒之人於晏早可以與之食但時乏少無可以飽之是所以可傷也○詳羊至可久○正義曰釋畜云羊牡粉牝群故知詳羊牝羊也墳大釋詁文牝小羊也首必稱身小羊而責大首必無是道理也星隨天運晝夜一周魚筍之間斲見心星之光耀須臾即過故言不可久也○無是至須臾○正義曰以此詩主論周衰故知喻求其復興不可得也序言閔

周室之將亡故知不可久者喻周將亡其去須臾也
○今者至飽之者○正義曰鄭以幽王時恆多禍
亂曾無治時何得云
治日少乎所以易亡

君之華三章章四句

何草不黃下國刺幽王也四夷交侵中國背叛用兵

不息視民如禽獸君子憂之故作是詩也

○背
音佩

何草不黃四章章四句至是詩○正義曰上言下
國後云君子則作者下國君子也君子無尊卑之
限國君以下有德者皆是也言四夷交侵中國背
叛序其用兵之意於經無所當也用兵不息上二
章是也視民如禽獸下二章是也經言虎兕及
狐止有獸耳言禽以足句且散則獸亦名禽也

何草不黃何日不行



云用兵不息軍旅自歲始草生

而出至歲晚矣何草而不黃乎言草皆黃也於是之
間將率何日不行乎言常行勞苦之甚何人不將經

營四方

傳

言萬民無不從役

釋

何草至四方○正義曰言天下之人於草

生正月之時從役去時草始生耳今至十月何草而
不黃乎言草皆黃矣云草生至於草黃於是之間將
率何日而不行乎言常行是勞苦之甚也又言萬民
何人而不為將率所將之以經營四方乎言皆為將
之以經營也是非直將率為勞萬民又甚苦焉○
用兵至之甚○正義曰言用兵不息是用之過久何
草不黃是見黃而怨若草大始去或欲黃乃行不應
見草之黃嗟怨若此明草有生死之期行者觀物而
思故云軍旅自歲始草生而出謂正月二月之中也
至歲晚矣何草而不黃乎草皆黃矣是九月十月之
中也氣則時經寒熱物則革變死生日月長久征行
不息是其所所以怨也故云於是之間將率何日不行

乎是其勞苦之甚也知此句謂將率者以其何日不行明行者有人下云何人不將為人所將則是士卒也下句既為士卒

何草不玄何人不矜



云玄赤黑

色始春之時草芽蘖者將生必玄於此時也兵猶復

行無妻曰矜從役者皆過時不得歸故謂之矜

○矜古頑

反注同蘖魚列反復扶又反

哀我征夫獨為匪民



云征夫從役

者也古者師出不踰時所以厚民之性也今則草玄

至於黃黃至於玄此豈非民乎



何草至匪民○正義曰將率以草黃

之時既不得歸又至明年之春言今何草不玄言眾草將生而皆玄之也於此之時何人而不為矜耳言皆矜也久而不歸失夫婦之道而皆為矜夫也既久役如此哀我征行之夫豈獨為非民乎若亦是民當

休息何為使之從役久而不得歸也○**玄**赤至之
 衿○正義曰鄭於冬官鐘氏注差約之云玄色在緹
 緇之間其六入者與三入赤三入黑故云玄赤黑色
 春秋元命苞稽耀嘉皆云夏以十三月為正物生色
 黑故知始春之時草芽蘖者將生必玄也釋天云九
 月為玄孫炎曰物衰而色玄也詩曰何草不玄與此
 始春之言不同者爾雅所言月名皆不以草色李巡
 曰九月萬物草盡陰氣侵寒其色皆黑是陰而氣寒
 之黑不由草玄色孫炎之言謬矣無妻曰衿書傳及
 王制文彼言者宜為六十之外禮六十不與服戎自
 六十以下不必皆老但行役過時久不得歸與無妻
 者同故謂之衿也舜年三十以無室家之端書亦謂
 之有鰥在下衿與鰥古今字○**古**者至民乎○正
 義曰隱五年穀梁傳曰古者征伐不踰時是古者師
 出不踰時也所以厚愛民之性命恐勞苦故也今草
 玄至於黃黃又至於玄期年不歸是為非民言其不
 厚之也

匪兕匪虎率彼曠野

傳

兕虎野獸也曠空也

箋

云兕虎比戰士也

○兕徐履反

哀我征夫朝夕不暇

兕非

至不暇○正義曰言我此役人若是野獸可常在野

今非是兕非是虎何為久不得歸常循彼空野之中

與兕虎禽獸無異乎時既視民如禽獸故哀我此征

行之夫朝夕常行而不得閑暇○兕兕虎野獸○正

義曰傳言野獸者解本舉此之意以役人不宜在野

故言視民如禽獸也許慎云兕野牛其皮堅厚可為

鏡釋獸云兕似牛某氏曰兕牛千斤郭景純云一角

青色重千斤是也○兕兕虎比戰士○正義曰序云

視民如禽獸則直取在野以比之而下章以狐比有

棧之車則比中各自取象故云兕虎比戰士取其猛

也

有芄者狐率彼幽草有棧之車行彼周道

芄小

獸貌棧車役車也

芄

云狐草行草止故以比棧車輦

者○芄薄紅反沈又扶東反棧

士板反輦者一本作輦車

芄

有芄至周道○正義曰有芄芄然而

小者當狐也此狐本是草中之獸故可循彼幽草今
 我有棧之輦車人輓以行此人本非禽獸何為行彼
 周道之上常在外野與狐在幽草同乎故傷之也○
 芄小至役車○正義曰以芄是狐之狀非大獸故
 言芄小獸貌也此言用兵不息明此車士卒供役之
 車故云棧車役車○狐草至輦者○正義曰以上
 言率彼曠野而此是云幽草明義取於草以狐草行
 草止故比輦者亦道行道止故以幽草與周道相對
 也故周官鄉師云大軍旅會同正治其徒役與其輦
 輦注云輦人輓行所以載任器止以為蕃營是行止
 常依於道似狐之依於草也以循草比人故知比輦
 者也鄉師注引司馬法曰夏后氏謂輦曰余車殷曰
 胡奴車周曰輻輦車一斧一斤一鑿一種一鋤周輦
 加二板二築又曰夏后氏二十人而輦殷十八人而
 輦周十五人而輦是軍行必有輦皆人輓以行也春
 官巾車王后五路有輦雖載任與此不同亦人輓以
 行故謂之輦也若然巾之言服車五乘有士乘棧車
 庶人乘役車注云服車者服事者之車棧車不輦輓

而漆之役車方箱可載任器以供役以此言之則彼自有棧車何知此非彼者以彼棧車士之所乘以服事非此軍旅徒役所當有以此知非中車之機車也若然傳云棧車役車則與彼庶人役車同又知非彼役車者以役車庶人之所乘但庶人賤以供役爲名耳非輦者也卽唐蟋蟀言役車其休是矣彼不以人輓故知不與比同此謂從軍供役之輦車耳有棧是車狀非士所乘之棧名也

何草不黃四章章四句

魚藻之什十四篇六十二章三百二句



諸暨圖書館
— ZHUJI-LIBRARY —



諸暨圖書館
— ZHUJI LIBRARY —